

# ხმარნამე უჯი

№ 1 (16)

ვახტანგის დახული თხილთხილავი



# მშინამ ჩხუღრიფილი - 90



## დედა!

არ ჩამოხვიდე ზღვაზე  
 ზღვა ძალიან ღელავს  
 შენთვის არ შეიძლება აქ ცურაობა  
 ზღვა ძალიან ღელავს  
 შენც ძალიან ღელავ  
 არ ჩამოხვიდე იცოდე ზღვაზე  
 ზღვა უდარდელია  
 ის ტყუილა ღელავს  
 ის ქარისგან ღელავს  
 შენ კი უთუოდ დაიხრჩვები  
 ღელვისგან ზღვაში  
 მე თოლია ვარ და ქართან ერთად მლაშე  
 ტალღებს ვეთამაშები

ქარი ქრის თავისთვის  
 ზღვისთვისაც სულერთია თოლიის ბედი  
 შენ კი დაიხრჩვები ღელვისგან ზღვაში.  
 თოლიასაც არა აქვს თავის დარდი  
 არც ქარში აქვს ბინა  
 არც ზღვაში აქვს ბინა  
 არც ხმელეთზე  
 დედა!  
 ნუ ჩამოხვალ...  
 აქ ყველაფერი ისედაც ღელავს  
 და შენ უთუოდ  
 დაიხრჩვები ღელვისგან  
 ზღვაში.

ისედაც=თავისთვის=უდედოდ=უშიწოდ=უსახლოდ=

1960 წლის აგვისტო. ვაგრა

# „სონეტები“

აკრილი

დღღოფლისწაროს მუნიციპალიტეტის გამოცემა

2024 წელი

## ს ა რ ჩ ე ვ ი

### თეზურ ჩალაბაშვილის სსოვნა

სრულიად საქართველოს	
კათოლიკოს-პატრიარქი, ილია II	2
საქართველოს მწერალთა შემოქმედებითი კავშირი	2
რევაზ მიშველაძე	3
ედუარდ უგულაძე	3
ნანა ჭიჭინაძე	4
მარინა ცხვედიაშვილი	5
მზია ხეთაგური	5
ჯუბა ღებელი	6
გაგა გომართელი	7
მირანდა ერისთავი	7
მარინა შანიძე	7
ბექა ხუციშვილი	8
ნათია ჯიქურიშვილი	8
ვერიკო პარწიკანაშვილი	8
დალი ყარაულაშვილი	8
ზურაბ ლაოშვილი	9
ზურაბ მამულაშვილი	9
თენგივ ავსაჯანიშვილი	9
თემურ ჩალაბაშვილის ლექსები	10

### იუბილე

ნაირა გორაშვილი - 80	13
----------------------	----

### პოეზია

თამაზ წიკლაური	18
ლამა ბაბილუა	20
ნინო ქინქლაძე-ჭიდიტაშვილი	23
მარი ჩაკვეტაძე	25

### პროზა

ნინო ჭელიძე	
მწყემსი ქალი მარიშკა	26

### პოეზია

თენგივ პაპაშვილი	28
მანანა თარაშვილი	31
მაია დიაკონიძე	33

### ახალი სახელები

გიორგი პაპუაშვილი	34
ლალი მეხრიშვილი	35

### ბახსენება

თენგივ მორჩიაული	37
პაატა სულთანიშვილი	39

### პროზა

გიგი ხორნაული	
სვანი	40

### პოეზია

თინა გახელაძე	49
მამუკა ოჩიაური	51
ნინო ფრუიძე	52
ზურაბ მამულაშვილი	53
ქეთევან გოდერძიშვილი	55

### პუბლიცისტიკა

ქეთევან ჯერვალიძე	56
ქეთევან გოდერძიშვილი - ენათმეცნიერი და პოეტი	56
ჯემალ მეხრიშვილი	57
მესიანურად თანამედროვე	57

### თარგმანი

ჟან ბატისტ რასინი	58
ვიქტორ ჰიუგო	58
ჟერარ დე ნერვალი	59
ანრი-ფრედერიკ ამიელი	59
ჟან ამლუში	59

### სსოვნა

მარია პოპიაშვილი	
გულანთებული მამულიშვილი - თენგივ არჩვაძე	60
ნანა ჭიჭინაძე	
მედეა ამირანაშვილის ბოლო ბენეფისი	
თბილისის ოპერის თეატრში	61
ნანა ჭიჭინაძე	
გამოთხოვება ვაჟა აზარაშვილთან	62




ლმანახის გამოცემაში ხელშეწყობისათვის მადლობას მოვასხენებთ დედოფლისწვაროს მუნიციპალიტეტის მერს ბატონ ნიკოლოზ ჯანაიშვილს, დედოფლისწვაროს მუნიციპალიტეტის საკრებულოს თავმჯდომარეს ბატონ ნუგზარ პაპიაშვილს და დედოფლისწვაროს მუნიციპალიტეტის კულტურის, სპორტისა და ახალგაზრდობის ცენტრის დირექტორს ქალბატონ დოლო ხუნაშვილს.

რედაქტორ-გამომცემელი:  
გიორგი ნატროშვილი

ალმანახის ქულის ავტორი:  
სამგო ქარმიშვილი

გარეკანი გაფორმებულია:  
თეზურ პოპიაშვილის და  
მამა ჩარმიშვილის ფოტოებით

# თემურ ჩალაბაშვილის სსრკ-ის



## სრულიად საქართველოს ხათორლიოს- ვაბრიარქი, ილია II

დღეს ვემშვიდობებით ბატონ თემურ ჩალაბაშვილს, – ჩვენი დროის გამორჩეულ პოეტსა და დიდ ადამიანს. იგი გასული საუკუნის 80-იანი წლებიდან გაიცნო ფართო საზოგადოებამ, როგორც თავისი თაობის ერთ-ერთი რჩეული. მისი პიროვნება იყო და არის მაგალითი სისუფთავისა, უბრალოებისა, მეგობრობისა, სიკეთისა და სიყვარულისა. შვეთხოვთ უფაღს, საეანესა მართალთასა დააწესოს მისი უკედავი სული, ხოლო ოჯახის წევრებს, ახლობლებსა და გულშემატკივართ მომადლოს მშვიდობა სულისა და ბატონი თემურისათვის ღოცვის ძალა.

## საქართველოს მწერალთა ბიოგრაფიული ხაზგაშეიშვა

### თემურ ჩალაბაშვილი

თანამედროვე ქართულმა მწერლობამ უძძიმესი დანაკლისი განიცადა.

გარდაიცვალა გამოჩენილი ქართველი მწერალი და საზოგადო მოღვაწე თემურ ბეჟანის ძე ჩალაბაშვილი.

ზეციური საქართველოს მკვიდრთ შუეერთდა კიდევ ერთი დიდებული შემოქმედი, რომელსაც არასდროს არ უღალატია იმ დიადი ცნებებისთვის, რომლებიც ილია ჭავჭავაძემ – ილია მართალმა სამოქმედო ორიენტირებად დაუტოვა შთამომავალთ – მამული, ენა, სარწმუნოება.

თემურ ჩალაბაშვილი დაიბადა 1951 წლის 12 ნოემბერს სიღნაღის რაიონის სოფელ ძველ ანაგაში. სამუალო განათლების მიღების შემდეგ სწავლა განაგრძო თბილისის

ახელმწიფო უნივერსიტეტის ფილოლოგიის ფაკულტეტზე, რომელიც 1976 წელს დაასრულა.

თემურ ჩალაბაშვილმა საინტერესო ცხოვრებისეული გზა განვლო. სხვადასხვა დროს მუშაობდა თბილისის სახელმწიფო უნივერსიტეტის სტამბის მუშად, საქართველოს ბეჭდვითი სიტყვის სახელმწიფო კომიტეტის წამყვან რედაქტორად, გამომცემლობა „მერანის“ განყოფილების გამგედ, თსუ შურნალისტიკის სამეცნიერო ლაბორატორიის მეცნიერ-მუშაკად, საქართველოს მწერალთა კავშირის თავმჯდომარედ, საქართველოს მწერალთა კავშირის ბოლო ყრილობაზე კი თანათავმჯდომარედ აირჩიეს. ამ თანამდებობაზე იგი სიცოცხლის ბოლომდე იღვწოდა და თანამოძმეთ სათნოების, კეთილშობილების, მოყვასის უანგარო სიყვარულის უებრო მაგალითებს აძლევდა.

თემურ ჩალაბაშვილის სამწერლო კურთხევა 1971 წელს შედგა, როდესაც სრულიად ჭაბუკმა შურნალ „დროში“ გამოაქვეყნა მისი პირველი ლექსები.

მას შემდეგ თემურ ჩალაბაშვილის ნაწარმოებები – ლექსები, ნოველები, ლიტერატურული წერილები, ჩანახატები, მოგონებები სისტემატურად ქვეყნდებოდა ქართულ

სალიტერატურო ჟურნალ-გაზეთებში, გამოდიოდა ცალკე წიგნებად.

თემურ ჩალაბაშვილის პოეტური კრებულები „ძვე მამულის კვამლში“, „წვა შეგიძლია“, „პოეტის ასი ლექსი“, „ატირეთ წვიმები“, „საუბარი გულთნ“, „უამსა უჟამოსა“ შეიყვარა და გაითავისა ქართველმა მკითხველმა, შეიყვარა თუნდაც იმიტომ, რომ ამ კრებულების ლირიკული გამირი ერთი უბრალო ღამის მეხრე თუ გუთნისდგაა, ღამის ყველასა და ყველაფრისადმი რწმენადაკარგული და გულგატეხილი, ერთადერთ იმედად რომ ის ხარები დარჩენია, საუკუნეების უღრანებიდან რქებზე სანთელდანთებულნი რომ მოისწრაფვიან ჩვენკენ და გვაფრთხილებენ, თუკი არსებობა გწადიათ, მაცხოვარის მადლსა და მირონს არ უღალატოთო... დიახ, რაზეც არ უნდა ეწერა თემურ ჩალაბაშვილს, დედის დამამრულ ხელებსა თუ შუშანიკ დედოფლის დილეგში შეღწეულ ათინათზე, ჰამლეტ გონაშვილის ხმის მინანქრებსა თუ მარია ჩიქოვანის იგაემი-უწვდომელ სიყვარულის ნიჭზე, ყველგან და ყოველთვის სიმართლისა და სამართლიანობის ხარებს არისხებდა. მას ხომ ქუჩაში მოკლული ბებერი ძაღლის დატირება შეეძლო, რადგან ეს საზარელი აქტი მისთვის კაცთა ერთგულების დასჯას წააგავდა. ის პოეტი იყო, გაზაფხულივით რომ ივსებოდა შემოდგომის სევდიანი ფერადებით, თოლიას წააგავდა, დაღლილსა და გათანგულ თოლიას, ზღვის უკიდვანობაში გამომწვევდელს, მას ხომ პაპის დაკოფრილი და ნაჯაფარი ხელისგული საქართველოს რუკას აგონებდა, დაჩხილსა და დამცრობილ რუკას...

თემურ ჩალაბაშვილის ლექსი, შუშანიკ დედოფალს რომ მიუძღვნა, ოქრომკედით ამოიქარგა მეწამულ ხავერდზე და ახლა მეტეხის ტაძარში საქართველოსთვის წამებული დედოფლის საფლავს ამშვენებს. პოეტის ლექსზე „ჩემო საქართველოვ, მართლმადიდებელო!“ შექმნილ ჰიმნს საქართველოს სულიერმა მწყემსმა ილია მეორემ მართლმადიდებლობის სიმღერას უწოდა, ხოლო ლექსი „სანთელი“ თავად იქცა რელიგიურ სიწმინდედ...

თემურ ჩალაბაშვილის კალამს ეკუთვნოდა არაერთი ნოველა და პუბლიცისტური სტატია; იგი მრავალი წიგნის რედაქტორი და წინასიტყვაობის ავტორი იყო.

თემურ ჩალაბაშვილის შემოქმედების საუკეთესო ნიმუშები თარგმნილია აზერბაიჯანულ, სომხურ, ოსურ, რუსულ ენებზე.

პოეტის მრავალწლიანი შემოქმედებითი თუ საზოგადოებრივი მოღვაწეობა ღირსეულად დაფასდა. მინიჭებული ჰქონდა დავით აღმაშენებლის, ილია ჭავჭავაძის, ივანე მანაბლის, ვაჟა-ფშაველას, გალაკტიონ ტაბიძის, ლევან გოთუას სახელობის, „საგურამოს“ და „მუზას“ პრემიები, დავით აღმაშენებლის სახელობის უნივერსიტეტის საპატიო პროფესორის, ქართული პოეზიის რაინდის, საქართველოს დამსახურებული ჟურნალისტის წოდებები, არჩეული იყო თბილისის საპატიო მოქალაქედ...

ნოემბერში დაბადებულს ჟამსა უჟამოსა მიმინოსავით დააცხრა თავს დეკემბრის ალექვილი ქარები და თან გაიყოლა სული მისი – თეთრი მოცხარი...

ქართველ მწერლებს, მისი პოეზიის თავყვანისმცემლებს ისღა დაგვრჩენია, რომ დიდხანს, ძალიან დიდხანს გვახსოვდეს სამშობლოს მსახურებაში ბოლომდე ჩაფერფლილი შემოქმედი და მამულიშვილი.

# რეჰაზ მიშველაძე

## ზოლოთქმა

კარგახანს უბინაო თბილისელი იყო და სხვისი ბინების საშოვნელად დარბოდა, თვით ერთობ მოკრძალებულად ეცვა და სხვას აცმევდა, თვითონ შიოდა და სხვის სარჩოზე ზრუნავდა. მისი მოსაველი და საპატრონო იყო მთელი საქართველო.

ჩემი სტუდენტი გახლდათ. ყოველთვის მოკრძალებული და ჩუმი ახალგაზრდა მწერალთა წრის სხდომებს არ აცდენდა.

მეხუთე კურსზე იყო, ჩემი დაფინებით, საღამო რომ გაუშპართეთ უნივერსიტეტში. წინა დღით მკითხა, თუ შეიძლება ჩემს მეგობრებს დაუძახებო. რა თქმა უნდა-მეთქი. მახსოვს, 93-ე აუდიტორიაში იყო შეხვედრა. ამ „პატარა ბიჭმა“ იცით ვინ მოიყვანა? ჰამლეტ გონაშვილი, თენგიზ არჩვაძე, გივი ბერიკაშვილი, შოთა ჩანტლაძე, გურამ საღარაძე (მოჭიდავე), ომარ კელაპტრიშვილი, ზაურ ბოლქვაძე, ანზორ ერქომაიშვილი... შენ, ქიზიყიდან გუშინ ჩამოსულმა ბიჭმა სად მოასწარი ამ „გრანდებთან“ დამეგობრება-მეთქი? რა ვიცი, ასე მოხდაო, დაიმორცხვა.

ადამიანებთან ურთიერთობის რაღაც საოცარი თილისმა-ანდამატი ჰქონდა. ყველგან შინაური იყო, ყველას გულის მესაიდუმლე. რისი ამპარტავნება, რომელი ყელის მოღერება, პოეტი თუ იყო აღარც ახსოვდა. ათჯერ რომ შევეხვეწებოდი, ახალი ლექსები მომეცი დასაბეჭდად-მეთქი, მეთერთმეტეჯერ ახალუნის ჯიბიდან დაჭმუჭნულ ქაღალდს გამომიწვდიდა, ბოლიში, გადაწერა ვერ მოვასწარიო.

ჩვენ გემის ანძას შეხიზნულ ბელურებს ვგავართო, თავის თავზე და თავისი თაობის პოეტებზე წერდა.

ასეც დავარქვე წინასიტყვას მისი პირველი წიგნისა. სამწუხაროდ, ამ ბოლოთქმას ვერ მოესწრო.

ცრემლით სავესე ჩემი თვალები და მის საშველად ამაოდ გაწვდილი ჩემი ხელებია ბოლო სიტყვა თემურ ჩალაბაშვილს.

# ილიარდ უგულავა

## იყოფა ხალხში...

ჯერ ისევ თბილია მისი სამარის მიწა, ჯერ კიდევ სრულად ვერ გაუაზრებიათ მეგობრებსა და ახლობლებს მისი გარდაცვალება. ყველას თავისად ეგულებოდა, ყველას თავისი ჩალაბა ჰყავდა.

სამშობლოსავით იცხოვრა... სამშობლოსავით უჭირდა... სამშობლოსავით დარდობდა...

ცხვოვრობ უფლის განაჩენით, მწამს ღმერთი და სულიწმინდა.

სხვა ჯანდაბას დანარჩენი, ქვეყნის გადარჩენა მინდა...

სხვა მადლი ჰქონდა... სხვებისგან საკუთარი მანერებით გამოირჩეოდა: ლექსს დაწერდა და თავისი იყო... იმღერებდა და თავისი იყო... იცეკვებდა და თავისი იყო... იუმორიც თავისებური და ორიგინალური ჰქონდა.

მასხენდება: მივიღვართ ქუჩაში, ჩვენ წინ უცნობი მიაბიჯებს, დროდადრო ჩერდება და აცეცებს თვალებს. დახმარება ხომ არ შეგვიძლიაო, ჰკითხა თემურმა.

კაცს ვეძებო, თქვა უცნობმა. აბა, წინასწარ გეტყვი, ვერ იპოვიო, გაეცინა თემურს, – კაცი ასე იოლი საპოვნელიაო?!. დადიოდა თბილისის ქუჩებში და ქალაქს ალაპარაკებდა... მეგობრებს ამხნევებდა და გვერდში ედგა. ადამიანი უყვარდა. ახარებდა სიკეთის კეთება...

საკუთარი თავისთვის არ შეეძლო, თორემ სხვის გამო, ქვეყანას შეძრავდა, ფეხზე დააყენებდა და ვიდრე არ დაეხმარებოდა, არ მოისვენებდა.

სამშობლოზე ფიქრი არ შორდებოდა გულსდანაბერჯერმიკარებულს, ბოლოს მაინც გულმა უმტყუნა, ვედარ გაუძლო ამდენ დარდსა და მღელვარებას...

ხოლო მანამდე უკურნებელმა სენმა დაღეჭა, სისხლი შეუსვა და ხორცი შეუჭამა, მაგრამ ვერ დასძლია, მაინც ამაყი და ლამაზი იყო. გარდაცვალების შიშმა ვერ დაიბრიყვა, ეძნადებოდა უფალთან შესახვედრად, არაერთხელ მიიღო ზიარება... ეს იყო მხოლოდ, არ უნდოდა ყველას ენახა მისუსტებული და ენერგია გამოცლილი, არ ეგონოთ, უძწეო ვარო... ლექსითაც იხუმრა:

*კითხვის ნიშანს დავემსგავსე,*

*ადრე ვგავდი ძახილისას.*

*სიკვდილი რა ფეხებს მოძჭამს –*

*გემოს ვიგრძნობ სხვა ხილისას...*

შვილებისა და შვილიშვილების ცქერით ხარობდა. ხუმრობდა ხოლმე, – შვილი მიხეზია და შვილიშვილი – მიხანიაო.

ხშირად იგონებდა გარდაცვლილ მეგობრებს: თენგიზ არჩვაძეს, თემურ წიკლაურს, ჰამლეტ გონაშვილს, ზურაბ ქაფიანიძეს... იტყოდა, – ისინი იქ დამხვდებიან, ადგილს მომიძნადებენ, არ მეშინია იმქვეყნად წასვლისო... ან რისი უნდა შინებოდა ამდენი სიკეთის მქმნელს, ღვთის მოშიშსა და კაცთმოყვარე შემოქმედს. სწამდა უფლისა და თუ ვინმე დაეჭვებოდა ღვთის არსებობაში, ეტყოდა, – არსებობთ ჩვენ ვარსებობთ, უფალი – სუფევსო.

სიონის საკათედრო ტაძრიდან გამოსვლას პოეტი ჩოხოსნებდა. ფერწასული და მხრებდაშვებული ეთხოვებოდა ძვირფას მუხლეს ქალბატონი გეტა, ქალი, რომელმაც ვაჟაკაცურად ზიდა პოეტის ცოლის უმძიმესი ტვირთი. წამით არ მიუტოვებია, ყურადღება არ მოუკლია ბოკემური ცხოვრების ტალღებში გადაშვებული შემოქმედისთვის. კარგად იცოდა თემურმა მუხლელის ფასი:

*გამომავხიზლებს როდემდე ნეტა,*

*ხმა ტელეფონის – გეტა ვარ, გეტა!*

*თან ვბრაზობ, თანაც ოცნებით ვიბეძე –*

*თან სიჭაბუკის მესხმება ფრთები.*

*დიდხანს ბუზღუნნი „ნერვების წვევტა“,“*

*ოღონდ მესმოდეს – გეტა ვარ, გეტა!*

იქ არ დაღვრილა ყალბი ცრემლი და არც ხალხის სახეზე აღბეჭდილი მწუხარება იყო მოჩვენებითი... ეს იმ დღეს არავის სჭირდებოდა... ყველაფერი ნაღდი იყო. ეთხოვებოდნენ საყვარელ პოეტსა და მეგობარს... აცილებდნენ თემურ ჩალაბაშვილს... ეს ის ცრემლები აცილებდნენ, რაც ოდესმე თავად დაუღვრია... ეს ის სითბო უბრუნდებოდა, რაც ოდესმე თავად გაუცია... იცოდა ხალხმა... იცოდა და გრძნობდა, ვისაც ეთხოვებოდა...

**თემურ ჩალაბაშვილი ჩვენი დროის  
გამორჩეული პოეტი  
იყო, არის და იქნება...**

30 დეკემბერს სიონის ეკლესიასთან ზღვა ხალხმა მოიყარა თავი, რიგი ვისაც უნახავს მოსკოვში სტალინის მავზოლეუმთან, ასეთივე რიგი იდგა სიონში, რომ შესულიყავი და სამძიმარი გეთქვა ჭირისუფლებთან. ოჯახის წევრებთან ერთად მას ჭირისუფლობდნენ მისი კოლეგები: მაყვალა გონაშვილი, მარინა ცხვედიანიშვილი, მიმოზა ცანავა, მზია ხეთაგური, ციცო ერისთავი და სხვები, როდესაც გამოსვლას ისე ხმამაღლა ვტიროდი, რომ ხალხი მეკითხებოდა შენი ვინ იყო? ჩემთვის და სრულიად საქართველოსთვის ის ილია ჭავჭავაძე იყო და საქართველოს ჭირისუფალი. მიუხედავად იმისა, რომ ჩემი თვალით დავინახე მისი გამოსვენება, გინდ დაიჯერეთ გინდ არა, ის ჩემთვის დღესაც ცოცხალია თავისი მომხიბვლელი ხმით, ეესტით და მანერით. ჩვენი მეგობრობა დიდი ხნის წინ დაიწყო, ათი წლის განმავლობაში თითქმის ყოველდღე ვსაუბრობდი მასთან ტელეფონზე – 599888807; ერთხელ მაგთიკომის კომპანიიდან დამირეკეს და მკითხეს: საათობით რომ საუბრობთ ამ ნომერზე გვიანტერესებს ვინ არის თქვენი და ვის ესაუბრებითო, თითქმის ყველა ოპერატორი მიცნობდა, რადგან ყოველთვე ოცდაათ ლარს სასაუბროდ ვრიცხავდი. პირადად მე დიდი სიხარულით ვუპასუხე: პოეტ თემურ ჩალაბაშვილს ვესაუბრები და მის ლექსებს ზეპირად ვკითხულობ და მასაც დიდად ესიამოვნება და მეც, რომ ჩემი დილა მისი ლექსებით იწყება...

პირადად მე მწიგნობართა ასოციაციის თანადგომით და დიდი ძალისხმევით არა ერთი პროექტი განვახორციელე, როგორც დედაქალაქში, ასევე დედოფლისწყაროში; ბატონ თემურის ყოველთვის ვეპატივებოდით და ისიც გვესწრებოდა.

2015 წელს, საქართველოს მამულებით მოსახლეობის გამოკითხვის შედეგად გამოვავლინეთ გარდამავალ პერიოდში საუკეთესო სკოლის დირექტორები, მათ შორის დირსების ორდენოსანი ორი დირექტორი, სოფელ ხორნაბუჯის საჯაროს სკოლის დირექტორი სვეტლანა შალვაშვილი და დედოფლისწყაროს პირველი საჯარო სკოლის დირექტორი – ნანა მერაბიშვილი. დედოფლისწყაროს ხელოვნების სკოლის საკონცერტო დარბაზში მოვიწვიეთ თბილისის ვანო სარაჯიშვილის სახელობის კონსერვატორიის პედაგოგის დოდო დიასამიძის ჯგუფის სტუდენტები; დოდო მასწავლებელმა სიუპრიზი მოგვიწყო და ფოლკლორული ანსამბლი რუსთავიც მოიწვია; ამავე შეხვედრაზე მოვიწვიეთ ბატონი თემურ ჩალაბაშვილი, რომელიც ზაალ ბოტკოველთან ერთად გვესტუმრა და დიდად გაგვახარა, სკოლის ორივე დირექტორი დააჯილდოვა იაკობ გოგებაშვილის სახელობის პრემიით. მთელი დარბაზი ტაშის გრიალით შეხვდა უდიდეს შემოქმედს, საზოგადო მოღვაწესა და პოეტს.

2017 წელს მწიგნობართა ასოციაციის თაოსნობით ნომინაციაში – „წარმატებული ოჯახი წარმატებული ქვეყნის საწინდარია“ გამოვლენილ წევრების: ამირან არაბულის და ეთერ თათარაიძის, მანანა და ჯემალ ბაღაშვილების,



გივი ღვინიაშვილის და რეგინა ჯანაშვილის და სხვების დაჯილდოების ცერემონილი დედოფლისწვაროში გაიმართა, სადაც მოწვეულები იყვნენ თბილისის ოპერის სოლისტები: გიორგი წამალაშვილი, მანონი ყუბანიშვილი, ანსამბლი „კესანე“, გია ბალაშვილი და სხვები, ასევე თემურ ჩალაბაშვილი, რომელიც „კესანეს“ მელოდიების ფონზე სცენაზე ავიდა და მოხდენილად იცეკვა.

ამავე წლის 2 აგვისტოს დედოფლისწვაროს მწიგნობართა ასიციაციამ ჩვენს ოფისში მოუწვევეთ ბატონ თემურის თავისი ახლად გამოცემული წიგნის – „ბატონი წვიმები“, პრეზენტაცია. ასევე, სოფლის მეურნეობის სამმართველოს მთავარი სპეციალისტის ჯემალ ყოჩიაშვილის დაკრძალვას ვახუშტი ქიზიყურაშვილთან და ვაჟა მამიაშვილთან ერთად ისიც ჩამობრძანდა. ჭირი იყო თუ ლხინი იგი ყოველთვის ჩვენთან იყო.

21-ე საუკუნის პირველი ოცწლეულის ხელოვნებს შორის (პოეტები) ხუთეულში ბატონი თემურიც დასახელდა, იგი იმდენად თავმდაბალი იყო, ტელეფონზე დამირეკა და მითხრა: ნანა, მაგ ხუთეულში თუ არ ვიქნები, მე არ მეწვინება, ვინმეს გული არ ატკინო, სხვა დაასახელო. მე გაოცებულმა ვუპასუხე 50 პოეტიდან თქვენმა ხუთეულმა ყველაზე მეტი ხმები მოიპოვა მეთქი, ეს პოეტები გახლდნენ: რეზო ამაშუკელი, დათო მადრაძე, ტარიელ ხალხელაური, მზია ხეთაგური და თემურ ჩალაბაშვილი. 20 დეკემბერს ეროვნული ბიბლიოთეკის საგამოფენო დარბაზში გაიმართა დაჯილდოების ცერემონია. დედოფლისწვაროელმა ახალგაზრდა პოეტმა მარიამ ტოხიშვილმა მხატვრულად წაიკითხა თემურის ლექსები: „ამას ჯობია“, ილია მეორისადმი მიძღვნილი ლექსი – „ჩემო საქრთველოვ მართლმადიდებელო!“ და „სანთელი“. შემდეგ მოვიხმეთ ბატონი თემური, მე რაღა წავიკითხო? იკითხა. თქვენ „საუბარი პაპასთან“ წაიკითხეთ-მეთქი, ვუთხარი.

„...და პაპის ხელებს დავეყურებ კრძალვით, ვით საქართველოს პირვანდელ რუკას...“  
დარბაზიდან ერთი მსმენელი კითხულობს: ბატონმა თემურმა სად ნახა რომის პაპის ხელები? მე ვუპასუხე: თქვენ რომ ბაბუას ეძახით, ჩვენ პაპებს ვამბობთ. მამა-პაპა და არა მამა-ბაბუა. ეს რომ თემურის ვუთხარი, გულიანად გაიცინა.

ძალიან ბევრი მოგონება მაქვს ბატონ თემურიზე და ჩემს წერილს მისივე ლექსით დავასრულებ, რომელიც ძალიან უყვარდა:

**უსიყვარულობა კმარა**

რომ არ მოვეფეროთ დიდხანს,  
მზესაც მოაკლდება სითბო,  
მკვდარი ქართველები გვიყვარს,  
მათ არც უცოცხლოთ თითქოს,  
ძმობას გაჯერებულს ფიცით  
განა ვინარჩუნებთ დიდხანს,  
შექულება, გიყვარდეს, ვიცით  
ვასუხობთ, ვინც არას გვეკითხავს.  
ზოგჯერ სიავით და შუღლით  
ერთურთს ვეურჩებით, ვურცხვობთ,  
ხშირად ერთმანეთი გვპულს და  
უფრო ვეფერებით უცხოს.

არა, ქართველებო, არა,  
ერთურთს შევეხილოთ უფრო,  
უსიყვარულობა კმარა.  
ჩვენში თუ უფალი უფლობს.  
რამდენი უცხოელი ერი  
ჩვენ ჯიმ-წარმოშობას ნატრობს,  
მუდამ მინა გვეავდა მტერი,  
გარეთ დავეძებდით პატრონს.

ახლაც ჩამესმის მისი სათნო ხმა...

**აქვე გთავაზობთ პოეტის გარდაცვალების შემდეგ თემურისადმი მიძღვნილ ლექსებს:**

**მარინა ცხველიაშვილი**

ბიჭო, ანაგურელო,  
რამო ფაფარაშლილო,  
საქართველოს მოუკვდი,  
თემურ ჩალაბაშვილო.  
როგორ მოგიგურგურო,  
გზა რომ გაგიიოლო,  
შეწვევტილო „ურმულო“,  
დამრეტილო იორო.  
ქართულ ლექსის ლაზათო,  
პოეზიის ბულბულო,  
აბა ვით არ დამზაფროს  
ბელმა მჭლემ და უგულომ.  
ვიცი პამლეტს შეხვდები  
ფიროსმანას დუქანთან,  
ამ სურათის შემყურეს,  
სული გამიგულქვაედა.  
რჩეულ კაცთა კრებული  
გხვდება ხელებგაშლილი,  
საქართველოს მოუკვდა  
თემურ ჩალაბაშვილი!

**მზია ხეთაგური**

**შენ რომ გხედავ...**

თემურ ჩალაბაშვილს

შენ რომ გხედავ, აღარაფრის შიში არ მაქვს,  
ქუჩის მტვერსაც ქარი უცვებ მოგვის...  
ამ მტკივან გულს ვარსკვლავებით მომიხატავ,  
ვით გრძნეული მღვდელთმსახური, – მოგვი!  
შენ რომ გხედავ, მონატრებულ საქართველოს  
ძველებურად აყვავებულს ვხედავ!  
ვიდრე შენ ხარ, რაღამ უნდა დამაბნელოს-  
ვინ დაჯაბნის ჩალაბაანთ მხედარს!  
შენ რომ გხედავ, მაჩაბელი მახსენდება

და ჰამლეტი – შექსპირის-ული!  
 დედა-ენის სისუფთავე ცას ედება  
 შავი მავრის უქათქათეს სულით!  
 შენ რომ გხედავ, ფიროსმანის სევდას ვხედავ,  
 სანთლის ალით დამარცხებულ წარღვნას!  
 მაგ თვალებით გაიბრწყინა ცაში მზემ და  
 უკუღმართ დღეს ატრიალებ წაღმა!  
 შენ რომ გხედავ, გულში ჩუმი ვუაღერებს  
 ბავშვობაში წამღერებულ მოტივს...  
 მირონი სდის შენს ოცნებებს და შენს ლექსებს,  
 შენ გხედავ და... საქართველო მოდის!

ჩალოაზა მახათაზე

ჩემო ძმობილო, ხომ გაუძელ ზამთრის ცივ ღამეს,  
 ხომ არ შეგცივდა, თუმცა მიწა თოვლქვეშ თბილია,  
 როგორ გეძინა, თავს როგორ გრძნობ, მითხარი რამე,  
 უშენოდ, ნეტავ, როგორ გაძლო შენმა თბილისმა?!

მახათას მთაზე ქარი იცის, ძლიერი ქარი,  
 რადაცნაირი შენც შესძინე ხიბლი პანთონს,  
 შენი მთაწმინდაც და წმინდა მთაც მახათა არის,  
 პოდა, იქროლონ ქარებმა და ღამეც გათელონ!..

დილა გათენდა, მეგობარო, გულით გილოცავ,  
 შენი მეორედ დაბადების პირველ ახალ წელს,  
 მანდ ხომ თბილად ხარ, წუხელ ღამით ისე ციოდა,  
 ღვინო და ლექსი ასდიოდა ორთქლად საწნახელს!..

გულით გილოცავ, მეგობარო, ცრემლით გილოცავ,  
 პირველ ახალ წელს და უძრავ კიდევ ახალ ლექსს!..

ჯუბა ლეხელი

ისევ ჩალოაზას

შენით მიეგარდა „ვორონცოვი“, ჩალაბაშვილო,  
 შენც მომატყუე ქალღანივით, – „მერე დავლიოთ,  
 რომ ჩამოხვალო“, – როგორ მინდა ახლა მანდ ვიყო,  
 წამოგაყენო კუბოღან და „გადაგასმიო“!..

მერე შენს გეტას ვუთხრა, რომ არ დაგილეგია,  
 თუმცა ამ დროში ფხიზლად ვოფნაც რარიგ ძნელია...  
 წახვალ, დაგხვდება შენი ღმერთი, შენი ელია,  
 სხვებიც გელიან, პარნასელო, სხვებიც გელიან!..

სხვა რაღა გინდათ პოეზიის ანდებს, მოცარტებს,  
 ყანწებს გამოცლით, ოლიმპოს მთას შეატორტმანებთ,  
 ცოტა ზედაშე დაგვიტოვებთ ოღონდ, ცოტა ჩვენც,  
 რომ სისხლისფერი შეგურიოთ ლექსის ოქტავებს!..

ნაბახუსევზე დადგებოდი ხელში ჭიქით და  
 გალაკტიონის ხიდს უცქერდი მშრალი ხიდიდან,  
 გეუბნებოდი – ცოტა უნდა ლუკმაც მიირთვა,  
 გადაჰკრავდი და... რისი ლუკმა, რისი ჩიხირთმა!..

ჩაისუნთქავდი ღრმად ჰაერს და დაღლილ თვალებით,  
 მოატარებდი მხერას ზეცას შენამოვრალელები,  
 არ ვეძალეებით, იცი სიკვდილს, ლექსის კაცები,  
 რა კაცები ვართ, თუ მოვა და დავეძალეებით?!

არჩვაძესავით ხომ გაჰყევი სიკვდილს ჩალაბ, შენც,  
 ალბათ ნახავდი ფიროსმანს და ვანო მანაბელს,  
 ნიკოს უთხარი, რომ აუგე ოქროს სასახლე  
 და მთაწმინდაზე უსხეულოდ დაასაფლავე!..

გშენის ლექსები, როგორც ვენახს ყურძნის მტევნები,  
 ნეტავ ვიცოდე, მაგ კუბოში როგორ ეტევი,  
 „გაგაქროლებენ საიქიოს ზანტი ეტლები“,  
 არ მემეტები, ცივ მიწისთვის არ მემეტები!..

გშენის ლექსები, ეგ სიკვდილიც გშენის, ძმობილო,  
 ნეტავ ეგ შენი ცივი კუბო გამათბობინა,  
 რაა სიკვდილი, როცა ხორცში სული ცოღვილობს?..  
 გარდაცვალება პოეტისთვის მხოლოდ ჰობია!..

ორმოცი დღე უჩალოაზოდ

ეს ორმოცი დღე, ჩემო თემურ ისე გავიდა,  
 ვითარც „უფალო, შეგვიწყალებ“! – თქმული ორმოცჯერ,  
 დღეს საბოლოოდ წახვალ უკვე შენი სახლიდან,  
 შეუერთდები სამოთხეში ღვთიურ ფოლორცებს!..

შენ უკვე იცი სად, როგორ და როდის რა არის,  
 უსმენ „ჩაკრულოს“ – კოსმოსისთვის შექმნილ არიას,  
 ნეტავ სითბოა, თუ ცივია მანდაც ზამთარი,  
 შოთა, ნიკალა, შუმანიკი როგორ არიან?!

ან ტიცინი როგორ არის, ან მანაბელი,  
 თამარ მეფესაც იქნებ სადმე თვალი შეავლო,  
 გადაეცი რომ მათ საფლავებს ყველა ქართველი,  
 ეძებს უამბოდ, უხმოდ, უნდოდ, უამყვებლად!..

ნეტავ როგორ ჩანს დედამიწა შენგან, ზემოდან,  
 ანდა ახლოდან რა ფერი აქვთ ციურ-ვარსკვლავებს,  
 ღმერთი რას ფიქრობს, რას გეიპირებს, ალბათ გეტყოდა,  
 მოვა აღდგომა და კიდევ ერთ ბატკანს დაკლავენ!..

შენც, შეწირული პოეზიას ლექსის კაცი ხარ,  
 სიმღერ-სიმღერით, ცეკვა-ცეკვით, სტრიქონ-სტრიქონად,  
 ორიათასი წელიწადი ქრისტეს ჯვარცმიდან,  
 ისე გავიდა, ვით იყო და არა იყო რა!..

ეს ორმოცი დღეც ჩაათავე ჩემო ძმობილო,  
 აფეთქებებიან სადაცაა ხეზე კვირტები,  
 მივიღ-მოვიღი საზვერეებს, შესვამ ბოთლ ღვინოს  
 და სამუდამოდ მამის სახლში დაემკვიდრები!..



# გაბა გომართელი

# ექსპრომტი ჩემს მამობილს

## ჩემს თემურ ჩაღაზაშვილს

ჩემო მამილო თალხისფერი მოსავს მახათას  
 გახდა შენმა განშორებამ ზეცას შორეთი  
 მარადისობის ცივ ფრესკებსაც ისე დახატავ  
 როგორც ლექსებით მოგიხატავს ზვედრი პოეტის  
 ჩემო მამილო ახლა თეთრი გმოსავს ფილონი  
 მზე არ ატყვია ყრუ ამინდებს სუსხის ვასალებს  
 და უშენობით მონაწიემი სანაპირონი  
 გახევებულან თითქოს სუნთქვა გამოაცალეს  
 ჩემო მამილო ფიქრისთევით ღამითთარეშავ  
 განცდების გრდემლვით ნაჯანყარო ღვინისწვერებავ  
 შენს საგულეში იმდგმურებდი ოდეს კაემანს  
 სწორედ ეს იყო პოეტური ბედნიერება  
 ჩემო მამილო ცრემლთქორებმა სული გალოკეს  
 ჟამის ბასრობა მძიმე ფურცელს მაინც გადაშლის  
 ემახსოვრება მაგრამ ლექსის ყველა მგალობელს  
 რომ არარსებობს ცრუ განცდა და კაცი თამაში  
 უმი სიერცვა მითარეშე მთაზე მახათას  
 ასე ყოფილა დროს სიცოცხლე მიაქვს ალაფად  
 მარადისობის ცივ ფრესკებსაც შენებრ დახატავ  
 ჩემო მამილო და ყველასთვის უფრო ჩაღაზა

## გზა ნინონმინდისაკენ

### თემურ ჩაღაზაშვილს

სოფელ განძაში, სომეხი პოეტის ვაჰან ტერიანის  
 იუბილეზე მივიღოდი. უჩვეულოდ ჩუმი იყო. თითქმის  
 ხმა არ ამოუღია. ფარავნის ტბასთან რომ ჩავიარეთ, იმ  
 პოეტს რა ვუთხარი სამშობლოზე კარგად იცოდა. ბავშვ-  
 ვივით თვალცრემლიანი სახით მითხრა.

კორდებს ქოჩორს უწევდადნენ ქორები  
 დინჯი სიო ღრუბლის ჩეროს სდევნიდა  
 გაჰყურებდა გზას ქართველი პოეტი  
 და ფიქრები ასლიოდა თხემიდან  
 ადარდებდა საქართველო ბედკრული  
 დაგლეჯილი ასე ცხადად, აშკარად  
 მკერდზე ეწვნენ მინდვრები დაბებკული  
 ცრემლი ღვინა მისი გულის ვაშკარანს  
 უდიდამო მზე დასდევდა გადაბმულ  
 ლურჯი მთების უსასრულო ქარავანს  
 სისხლის გემო გადაჰკრავდა ნაკადულს  
 და ძაძვით შესუდრულ ტბა ფარავანს  
 მაგრამ რწმენას რა გამოლევს ქართველში  
 ტყვიის ნაცვლად იმედი გვაქვს ლულაში  
 გაეღიმა პოეტს ლექსით დაგემილს  
 რქაწითელით გადაცვარულ უღვაშში  
 ასე, ასე ჩემო ლექსის დარაჯო  
 ასე ჩემო სიტყვატკბილო მამილო  
 საქართველო დაღონდება არასდროს  
 სანამ სულში პოეზია ყვავილობს

ღვინოში პურის ყუას ჩავალობ,  
 ცრემლი დამსკდება გულის საყვლეფად,  
 ქართული ლექსი ცაში ჩაღაბობს  
 პოეტის ბედის ამოსაყვად...

# მირანლა ერისთავი

## თემურ ჩაღაზაშვილის ხსოვნას

კაცმა ფერხული დროსთან ჩააბა  
 და მისი ლექსიც (მ)წამს, გასაყდარდა,  
 დღეს მივაცილებთ პოეტ ჩაღაზას –  
 მიწის და ზეცის გზაგასაყდართან...  
 იცხოვრა კაცად, ძმად და პოეტად  
 სანამ ცას სულზე მოიზომებდა,  
 მერე კი როცა გულებს მოედო –  
 გაფრინდა ცათა ჰორიზონტებთან...

...  
 რომ გაასვენეს ფეხდაფეხ გაჰყვა  
 ღმერთი, ხალხი და ტაძარი ერთად,  
 პოეტი ცაში წავიდა რახან –  
 მისგან სამყარო დაცარიელდა.

...  
 დღეს ეს ჰაერი სულს რომ მიხუთავს,  
 შენს პროცესიას დუმილად მისდევს,  
 შენ გელოდება შენი მახათა  
 და მერე ლექსის იესო ქრისტე...

# მარინა ბანიძე

## თემურ ჩაღაზაშვილს

იცხოვრე მხოლოდ ალაღკაცურად,  
 არ იყავ სხვათა ნირის განმსჯელი,  
 სამშობლო გწვაგდა მამა-პაპურად  
 და ფიქრი იყო შენი სასჯელი!

დღეს უკვე შორს ხარ და გზას გინათებს,  
 მარადიული სხივის ნათელი,  
 აქ დანანების ცრემლი გინატრებს,  
 კიდევ რამდენი დაგრჩა სათქმელი?!

შენი სპეტაკი სულის საამოდ,  
 იწვის, იღვრება „თაფლის სანთელი“,  
 სწორედ შენია, სამარადჟამოდ,  
 კაცურკაცობის ნაღდი სახელი!

### ბეჩა ხუციშვილი

#### ვუძღვნი თემურ ჩაღაზაშვილს

დედა მარიამ, პოეტში გული,  
ტყუპისცალია თან ორეული,  
პოეტის გული სამხიძარია,  
პანაშვიდივით დარდმორეული.

პოეტის გულში, წყენა, შულღია,  
მცირეოდენი იცის ავღარი,  
პოეტის გული დამარხულია,  
მაგრამ, მიწიდან მკვდრეთით აღმღგარი.

ძნელად ითვისებს აზრთა გენიას,  
გული, რომელიც სულ შენზე დარდობს,  
პოეტის გული წმინდა ბერია,  
სიცოცხლეზე მეტს სიკვდილს რომ ნატრობს.

ვეღარ გაუძლო მელანქოლიას,  
გენიდან სევდას თბილ სისხლად უშვებს,  
პოეტის გული ლამპიონია,  
სიბნელეში რომ ანათებს ქუჩებს.

მთებს მიტოვებულს მძიმედ თოვლიანს,  
მგზავრი უკითხავს იგავ-არაკებს,  
პოეტის გული ამბიონია,  
სადაც პოეტი ლექსებს ქადაგებს.

ცხოვრების გზებზე ყველგან მტერია,  
ვერ გავექეცი დამხვდნენ მღევრები,  
პოეტის გული მონასტერია,  
სადაც ანთებენ სანთლებს ლექსები.

და გვევდრები დედა მარიამ,  
წუთისოფელზეც რაღა ვთქვა ბოლოს,  
პოეტის გული ნასახლარია,  
მასში ღარიბი პოეტი ცხოვრობს.

### ნათია ჯიქურიშვილი

#### პოეტ თემურ ჩაღაზაშვილის ხსოვნას!

გაელვებაა ზოგჯერ სიცოცხლე  
და ჩატეული წაშში კადრებად,  
ყოფის სასრული ჩვენ რომ ვიცოდეთ,  
გული ჯაერისგან შემოგვაკვდება.  
გასულერთდება ყველა ტიკვილი,  
თუ გადასატანს ერთხელ გაუძღვებ  
და სულში გამჯდარ იმ სიმძიმით  
ფერად ოცნებებს წესსაც აუგებ.

მხრების ჩამოყრა სცოდნია იმედს,  
სიზმარში ფრენა ხდება წყალობა,  
შეეკედლები, ალბათ, იმ დღეებს,  
როცა ჯერ კიდევ არ იყო კვდომა.  
არა, სასრულის ცოდნა მსჯავრია  
და ეს არავინ უნდა იცოდეს,  
სიკვდილსაც უნდა შეხვდეს თვალია  
ყოფის წყურვილთან ერთო სიცოცხლედ.

### ვერიანო პარნიანაშვილი

\* \* \*

(ექსპრომტი ეძღვნება თემურ ჩაღაზაშვილს)

ვწერ, მაგრამ რას ვწერ არ ვიცი,  
ცად-არწივები კვლებიან,  
აბჯარ-ასხმული ვეფხვები,  
საწუთროს ეომებიან!  
როგორ გადმოვცე, არ ვიცი,  
გლოვა-გოდება მთებისა,  
დრო, ყველას როდი უდგება,  
სიკვდილზე გამარჯვებისა!  
...ნუ მეჯიბრები სიკვდილო,  
შენ ჩემთან, არვინ მოგიშვებს,  
იმდენი დამრჩა სათქმელი,  
კარგა-ხანს მოცდა მოგიწევს!  
ვწერ და რასა ვწერ, არ ვიცი,  
ან, იქნებ, გულიც ცდებისა,  
ციდან მოისმის ზარივით,  
გლოვა-გოდება მთებისა!  
სიცოცხლით გაუმაძღარი,  
ცაში არწივი კვლებისა,  
უკვდავებასთან, სიკვდილი  
ყოველთვის დამარცხდება!

### დადი ყარაულაშვილი

#### თემურ

შენც გაუღეპი იმ ქვეყნის ბილიკს,  
გადააბიჯე სიცოცხლის საზღვარს,  
აქეთ დატოვე სიკეთის წილი,  
შენც შეგიძობენ ვარდებით საფლავს.  
შესვავენ ღვინოს შენი ხსოვნისას,  
და ერთ სტროფ ლექსსაც იტყვიან შენსას,  
პოეტს სული აქვს თითქოს ბროლისა,  
ნაღმა პოეტმა არ იცის კვნესა...  
ალბათ ღიმილით გაუღეპე შარას,  
აქეთ ხომ გულის ნაწილიც დაგრჩა,

ცის გზას დაადექ, არ იყო ჩარა...  
 სული მიჰყვება ღრუბლების ფარჩას...  
 გალაქტიკების მოივლი ყანას,  
 და შენი სული აირჩევს ვარსკვლავს,  
 ამ ყოფის ხსოვნას წაიღებ თანა,  
 ხომ იცი პოეტს სიკვდილი არ კლავს.  
 ხორცია მძიმე, სული კი ისე,  
 თურმე სულ რაღაც გრამებს იწონის,  
 თავად სიკვდილსაც მოუგრუნს კისერს,  
 ნაღდი პოეტის ერთი სტრიქონი.

ეგ გული სენმა როგორ დაიპყრო,  
 მაგ გულით იყო ყველა შენი ძმა,  
 მაგ გულით ყველა შენი და იყო,  
 აგისრულდება, რაც გინატრია,  
 თემურ, ახალ წელს ისევ ითოვებს,  
 საოცარია, მაგრამ ფაქტია,  
 ისე დაგკარგე, როგორც გიპოვნე.  
 ტკივილებს თავი ვეღარ გაართვი,  
 დიდო მგოსანო, დიდო ქართველო,  
 შენ მართო თბილისს კი არ დააკლდი,  
 გული ატკინე მთელ საქართველოს.

## ზურაბ ლაოშვილი

\* \* \*

სამზეო რომ დატოვე,  
 დღემდე არ მჯერა ურჩად,  
 შენ რომ წახვედი, ჩემთვის  
 უმაღ დაობლდა ქუჩა.

დავდივარ ამ ქუჩებში  
 ამაოდ გეძებ, ვიცი,  
 ლონდონის ბაღში ჩავრჩით,  
 ჩვენ აქ მოგეცით ფიცი.

ამოვასკდებით ქუჩას  
 ვარანცოვიდან ზევით,  
 ვერა გპოულობთ, თუმცა  
 ებრაზობთ ხელების ქნევით.

გული შენს ალაგს ეძებს,  
 ვეღარა ვსტუმრობთ გეტას,  
 რამდენჯერ შენს კარებთან  
 გული აღმოთქვამს ნეტას.

სამზეო რომ დატოვე,  
 დღემდე არ მჯერა ურჩად,  
 შენ რომ წახვედი, ჩემთვის  
 დაობლდა ყველა ქუჩა.

## ზურაბ მამულაშვილი

### თემურ ჩალაბაშვილის

ვეღარ შევხვდებით „ლონდონის“ ბაღში,  
 ვერ გავიხსენებთ გარდასულ დღეებს  
 და, როგორც ორი ჭბლარა ბავშვი,  
 ვემახსოვრებით ფოთლოვან ხეებს.  
 სკამი?...ის სკამი ისევ იქა დგას,  
 საღაც ვჯდებოდით სამუხაიფოდ,  
 სკამსაც საოცრად ფერი ეცვალა  
 შენი ამბავი როცა გაიგო.  
 მაინც რა მოხდა, ბიჭო, რა იყო,

## თენგივ ავსაჩანიშვილი

გარდაიცვალა ჩემი უფროსი მეგობარი, პოეტი, თბილისის კოლორიტი, კაცი, რომელიც ღირსეულად იყო თბილისის საპატიო მოქალაქეც, თემურ ჩალაბაშვილი. სამწუხაროდ თემოსთან გადაღებული ერთობლივი ფოტო ვერ ვნახე ჩემთან, ალბათ იმის გამო, რომ იაფფასიანი ტელეფონი მქონდა, რომელიც ფოტოებს არ იღებდა. ეს ტელეფონიც 2 წლის წინ დაბადების დღეზე მანუქქვს მეგობრებმა. იყო დრო სულ ერთად ვქეიფობდით და სუფრის პოეზიის საღამოები გვქონდა... მე ჯუბა ღებელს და ჩალაბას.

ჩემთანაც დამრჩალან დამე სოფელში, მახსოვს, რომ მესტუმრნენ სახლში რემონტი მქონდა და ოთახში მხოლოდ ერთი ორკაციანი საწოლი იდგა, იმ საწოლზე გვეძინა ერთად სამივეს. ძალიან მიყვარდა თემო, ეს ჩემი სიყვარული ლექსით გამოვხატე, ამ წინებზე ჯუბა იყო საავადმყოფოში თემოს სანახავად მისული და ჯუბამ გადასცა ეს ლექსი. თემოს ძალიან გახარებია.

ღმერთმა სასუფეველი დაუძკვიდროს ჩალაბას, ამ მართლაც სანთელივით კაცს, სანთელივით რომ ღოცვაში ჩადნა...

### თემურ ჩალაბაშვილის

ახლაც დაეძებ ნიკო ფიროსმანს,  
 დადინარ როგორც ბერი სალოსი,  
 ღვინო-არაყიც ვეღარ განკურნავს,  
 შენ სიყვარულით ისე გალოთდი

და რაც დრო გადის, უფრო თეთრდები,  
 კელაპტარივით ცრემლად ჩამოდნი,  
 როცა წაკითხვას იწყებ ლექსების,  
 მგონია უფალს მისდევ გალობით.

მაგ თვალებიდან გადმონაყარი  
 გულს მიწვავს ცრემლის ცხელი კურცხალი,  
 ხარ საქართველოს ლხინის მაყარი  
 და საქართველოს ჭირისუფალი...



ბოლოსთვის კი ისევ ცხონებული პოეტის ლექსებს გთავაზობთ, თუმცა რამოდენიმე წლის წინ თავისი ხელით დაწერილი ლექსები გადმომცა ალმანახ „ხორნაბუჯისთვის“, რომელიც იმ ნომერში დაიბეჭდა. მისი ლექსების ეს მცირე ციკლი კი სწორედ მისი ამ ხელნაწერებით გვინდა დავიწყოთ მკითხველისა და დიდი პოეტის მოყვარული საზოგადოების თვალისა და გულის სასიამოდ:

თემურ ჩალაშაშვილის ლექსები

თბილისში ვცხადვართ და  
გზის იქნა ადამ-ტყე ვაწყობს  
მ. ჩალაშვილი

ეს რამდენი ხანია,  
სოსლოის სრემლოი ვივსებ.  
უსამბობლოდ სოსოქსოვ,  
აღარ ვხელოვებ.  
სუფა ვინ მომამბობს,  
სად წმსულოან ტყეში  
უქარავლოდ სამბობლოვ,  
რავქნა არ ტყეში.  
გვწვდეს სე ვნაყოლი  
ღმერთა ის ღლი ტყმბობს  
რომ სუვარულ მარულში-  
დავებდეს სამბობლოს...

X X X

ქოთი სესიპიოს

ეჭვობა

სხოვრობ, იმენ იობივი,  
ქარბლის სესენ ნათელი ხარ,  
შენ ილოან გოორქივი,  
უძინაოლი

უდაც დესი ქარბელი ხარ...

...ნინაწრებს გუთნეულოში  
შებოლი ხარ ლაშა ხარო,  
მე ტეულს სამბობლოში-ენის გვლბ,  
რომ მრავალქერ გვხვხარო...

თეჩაზ არხვატე

რაც არ ვწმდა არ ვსურდა,  
უზნეობს მგობლოთ,  
უღამებს ასულთ  
ღვსურ გულოდ მქერბლოთ.  
ღრომ სტრე ვირ ქადრა,  
ღვსან ღობს მუხლოში  
ქანველ მარულ კი არა,  
საქარბლოდ უხელო.  
შორ ვხედავრიდა მოღობს,  
ღმერთა ვი ვამბობს  
შენ იმგანად ირხვრე-  
ესლოტში სამბობლოს...  
თიფ სოთიივლოქ  
ვენაირი კაცობ  
ღროდ სულო ივინეშ  
შენ მამბავ არ სტელო  
სხვა წესი და სხვა რიგია  
სრემლომ ფვანი მონსა,  
ფერ იქავ, სტორიკოს  
სუვარულოს მონ ხარ.  
ღვწმ წლოში იონ  
ღვსან ღობს მუხლოში  
მარქო მარულ ვიონ  
ღვღამებელ უხელო...

ზურაბ ჭავჭავაძის -  
საღვთის ექილავა

ვერ ვასავს ტვინს ეთრე,  
ვირ ტეხვალა ღრობო,  
საქარბლოდ ტეიღმლო  
მოღრბლო ღობო...

შედეგს მიწოდებდა წყნარად  
70 წლისავე ვისტოვობს

ძველი ძეგლი ძამბე მოგვცემს,  
სიყვავა სხსლში ვაქრე,  
ვძებნი რუქსად აქამდე  
რომ ვერ მოგვხვდება...  
სიწინამდებელ ვიხილავთ,  
დრო ვერ ვიძაქვითვს  
აქ, აქამდე, ვერად ღირსება,  
მან უხელო თუღვას.  
ძმა ხარ მუღვა ძამდე დარბობ,  
მე რა უნდა ვაქო,  
ვინავს ვხილვად იყავი ხარ,  
ვინავს ვიღვ ვაქო.  
ქალი ვიღვ ვიღვ,  
ქინება ძამბე ვიღვ...  
რად ვიხარ,  
სიწინამდებელ მოგვხვდება...  
// 5... აქამდე ვიღვ - ვიღვ ვიღვ ხარ,  
თქმისი ვიღვ ვიღვ ვიღვ,  
ხარ ვიღვ, ვიღვ ვიღვ,  
ქონე ვიღვ ვიღვ...

ღვინი რუქები  
მე წყნარად მიღვდება

სხვად ლეონს უხმობენ  
როგორვად ვაქამდე  
თუღვ ვიღვ იღვ ვიღვ  
რუქები ვიღვ ვიღვ  
რა სიყვარული დე იღვ  
ნაჭრად ვიღვ ვიღვ  
მუღვს ვიღვ ვიღვ, ვიღვ ვიღვ  
და მადლს ვიღვ ვიღვ ლეონს...  
ქინავს ვიღვ სიღვ,  
ღიღი სიღვ ვიღვ  
იქვე ვიღვ ვიღვ,  
და ვიღვ ვიღვ ვიღვ  
თიღვს ვიღვ ვიღვ  
მუღვ მოგვად ვიღვ  
სამი რუქვლი სხვად იღვ,  
რა დამავიღვ ვიღვ,  
რუქები სიღვ ვიღვ  
ელ იღვ ვიღვ ვიღვ...

დათუთა სხივგობა  
სიღვად

რად დამავიღვ ვიღვ  
მუღვად ვიღვ  
თუღვ ვიღვ მოგვად -  
ღიღი და ვიღვ ვიღვ  
ღიღვს უღვად ვიღვ  
ხიღვად ვიღვ  
ვიღვ ვიღვ ვიღვ -  
ვიღვ ვიღვ  
რად ვიღვ ვიღვ,  
რად ვიღვ ვიღვ  
იღვ ვიღვ ვიღვ  
ძველი ვიღვ ვიღვ  
ვიღვ დამავიღვ ვიღვ  
მუღვად ვიღვ  
და ვიღვ ვიღვ -  
ღიღი და ვიღვ ვიღვ...

ვინამდებელი

ვიღვ ვიღვ ვიღვ  
ვიღვ ვიღვ ვიღვ  
ვიღვ ვიღვ  
ვიღვ ვიღვ...

მუღვად

ვიღვ ვიღვ  
მუღვად ვიღვ  
ვიღვ ვიღვ - იღვ ვიღვ,  
ვიღვ ვიღვ - იღვ ვიღვ.

მამისეული საათი

სანთელი

ნიკო ფიროსმანაშვილს

შენ ციური ხარ, უფლის ხმობილი,  
ო, პაწაწინა თაფლის სანთელი.  
გყოლია მრევლი ხელაპყრობილი,  
შენ შეგინახავს ეს საქართველო.  
ჩამოგიქროლებს სული ტაძართა  
და ეგ სიწმინდე გასაკვირია:  
ბევრჯერ მომხდურმა ცრემლი წაგართვა,  
ბევრჯერ დაღვრილხარ და გიტირია...  
...შენ სანთელი ხარ, სუსტი, უბრალო,  
მაგრამ რამდენი კენესა გიგრძენია.  
შენ, საქართველოს ჭირისუფალო,  
ბელნიერი ხარ, წვა შეგიძლია...

ჰამლეტ გონაშვილს

შენ წამოიწყე – „დაიგვიანეს“  
და შუბლზე გაჩნდნენ ოშკის ბზარები,  
იქნებ, ე, მაგ ყელს ერთად ხატავდნენ  
ბექა და ბემქენ ოპიზარები.  
კრთოდნენ შენი ხმის მინანქარები,  
როგორც ჩანჩქერი კლდიდან ვარდნილი  
და არწივული შენი თვალებით  
მეხატებოდა წინ ავთანდილი...  
...მღეროდი, რაღაც სულ სხვა თილისმით,  
თითქოს სიმღერით ტაძარს ხატავდი,  
თავზე გეხურა ზეცა თბილისის,  
რომლის მიწაზეც ამოთავთავი.  
დაიგვიანეს, მაგრამ სალაძურს  
ყური მოჰკრეს და აღარ დარდობენ  
და ის პატარა მწვემსი ბიჭები  
კახეთის მთებში დანავარდობენ.  
...შენ წამოიწყე – „დაიგვიანეს“  
და შუბლზე გაჩნდნენ ოშკის ბზარები,  
ეგებ, ე, მაგ ყელს ერთად ხატავდნენ  
ბექა და ბემქენ ოპიზარები.

ჭირისუფალი

შეუფანცქალდა გული პაწიას,  
დაეცა მიწას ახალმოთოვლილს.  
ატირდა მუხა, ტოტი დასწია  
და მიაფარა მკვდარ ჩიტს ფოთოლი...

შვილიშვილ ლუკას – შესაგონებლად

(სადაბადებისდღეო საჩუქარი)

მინდა მორჩილ იყო  
მარად უფლის ნების  
და არ დაიზარო  
შენმა გახარებამ:  
ხშირ-ხშირად იკითხო  
წმინდა სეხნიების –  
ლუკას ლექსები და  
„ლუკას სახარება“!

შეგამკობდა რუსთაველი,  
საადი,  
უმწეოა ჩემი აპლოდისმენტი,  
ვინ დაგარქვა შენ უბრალოდ  
საათი,  
შენ, ვინც მამის მაჯისცემას ისმენდი...

ავტოპორტრეტი

ვცოცხლობ, იმედს არ ვკარგავ,  
დედამიწა ბრუნავს.  
მოგკვდე, როცა  
დავკარგავ –  
გაოცების უნარს.  
სადაღ ვამბობ  
არ ვქარგავ,  
ფეხით ვთელავ  
სუ ნარს.  
მოგკვდე, როცა  
დავკარგავ –  
სიყვარულის უნარს.  
სულ ჭენებით –  
გავთანგავ,  
ჩემგან ნახედნ  
ქურანს.  
მოგკვდე, როცა  
დავკარგავ  
კაცად ვოფნის უნარს...

ჩემო საქართველოვ, მართლმადიდებელო!

ილია II-ს

მუდამ სიყვარულის  
განმადიდებელო,  
ჩემო საქართველოვ,  
მართლმადიდებელო,  
ოშკო და ხახულო,  
ცრემლით ნაფერებო,  
ძუძუს მოწვევტილო,  
ძმებო, ქართველებო,  
ზეცად აზიდულო  
ჯვარო და სამებავ,  
გვეყო ჩვენთა შვილთა  
უღმერთო წამება...  
მუდამ სათნოების  
განმადიდებელო,  
აღსდექ, საქართველოვ,  
მართლმადიდებელო!  
ო, წმინდა გიორგის  
ხატებავ ნათელო,  
სანთლად დანთებულო  
მომავლის ქართველო!..  
...ესე, სიყვარულის  
განმადიდებელო –  
ჩემო საქართველოვ,  
მართლმადიდებელო!..



ო, დედოფალო!

გარეთ ქარია, ხორშაკი ჰქრიან,  
ეკლება სენაკს ნათლისღებანი.  
ო, დედოფალო, სხეული გტკივა  
თუ ცოდვის შვილთა შეცოდებანი?!

ვიწრო სენაკში შუქად კიაფობ,  
ამაყობ კიდევ გულის წიაღში.  
ფენმორთხმით ზის და მოსთქვამს იაკობ:  
– ტანჯვას მოგაწევს ხვალ პიტიახში!

ო, დედოფალო, უარჰყავ რწმენა! –  
კვლავ ჩაგქირქილებს მარტვილს სატანა...  
და წუთით თითქოს დაგეხმო სმენა –  
უბრძანებ სხეულს მეტის ატანას.

ო, დედოფალო, იცვალენ მხარი,  
თორღ დაწვლულდენ წვლულზე წვლულები,  
დასთმე სასახლე და შლეგი ქმარი,  
ვითა ბრჭყვიალა სამკაულები...

გარეთ ქარია... ხორშაკი ჰქრიან,  
ეკლება სენაკს ნათლისღებანი...  
ო, დედოფალო, სხეული გტკივა  
თუ ცოდვის შვილთა შეცოდებანი?!

პოეტის დედას

რად გამიმეტე ასე, დედილო,  
ვით განიზრახე ჩემი ღალატი?  
სირცხვილით ვის გსურს გააგებინო,  
რომ შეიღს ჩააცვი მგონის ხალათი?  
შენ ცისფერ ეტლებს მიმეც მსახურად,  
მიფრთხობენ სიზმრებს შლეგა ქარები,  
მე თაფზე ეკლის ჯიდა მახურავს  
და შეშლილს მიგავს სმირად თვალები.  
რად გამიმეტე ასე, დედილო,  
ჩემგან რა წყენა მოგაგონდება?  
ჩემს ტვინში ახლაც ლექსი ნებივრობს  
და, იცი, ტანჯვა მიახლოვდება.  
რად გამიმეტე ასე, დედილო,  
მოგეცა ჩემთვის ნიჭი მეგუთნის.  
იცი თუ არა, დედავ, დედილო,  
რომ თავი ჩემი მე არ მეკუთვნის,  
რომ ლექსს დავყავარ უმისამართოდ,  
აკკვრივარ ქალაქს შხერადადლილი,  
რომ ეს ცხოვრება მე ვერ გამართობს  
და მომკლავს სადღაც ქუჩის ძაღლივით.  
რად გამიმეტე ასე, დედილო,  
ვით განიზრახე ჩემი ღალატი,  
სირცხვილით ვის გსურს გააგებინო,  
რომ შეიღს ჩამაცვი მგონის ხალათი.



მე, გიორგი და ნია (შვილიშვილები)

ნაირა გორაშვილი - 80

წუთია წუთისოფელი,  
დახამხამება თვალისა!..  
იოსებ ბაიაშვილი

ჩემი თავგადასავალი

ფოტოსურათი, რომელსაც ხედავთ, 2024 წლის 26 იანვარსაა გადაღებული – ჩემი დაბადების 80 წლისთავზე. გამორჩეული მღელვარებით ველოდი ამ თარიღს: თან მიხაროდა, თან რაღაც გაურკვეველი შიში დამეუფლა ბოლო თვეებში... სიკვდილის შიში! ასეც ამიცხადდა, სწორედ ოცდაექვსში, გამთენიისას ჩემი ახლობელი, ჩემი ბიძაშვილის უმცროსი ვაჟი, ალიკა გარდაიცვალა, 46 წლის მთასავით ახალგაზრდამ, სამი ულამაზესი შვილის მამამ, თვალის დახამხამებაში, მოულოდნელად დაასრულა სიცოცხლე... ასეთი უეცარი ტკივილით დარჩა ეს საიუბილეო დაბადების დღე ჩემს მეხსიერებაში. ჭირი და ღხინი ძმები არიანო და ჩემმა შვილებმა და შვილიშვილებმა მეორე დღეს მაინც მომილოცეს სახლში, ოჯახურ გარემოში და არა რესტორანში, როგორც ეს დაგეგმილი გექონდა. ამ სურათზე ეს საღამოა აღბეჭდილი.

\*\*\*

და რადგან სათაურად „ჩემი თავგადასავალი“ ავირჩიე, მართებული იქნება, საწყისს დაგუბრუნდე:

დაბადება: 1944 წლის 26 იანვარს, როდესაც მიწას მუხლამდე თოვლი ფარავდა, მე, სრულიად მოულოდნელად, შვიდთვიანი, პაწაწინა, სულ რაღაც ორიოდ კილო და უსუსური, ქვეყანას პირველ შვილად და პირველ შვილიშვილად მოვევლინე წითელწყაროს რაიონის სოფელ გამარჯვებაში (ყოფილი უზუნდარა). 17 წლისა ჯერ არ იყო დედაჩემი – ბაბუღია მოსულიშვილი, რომელიც სწავლას მოსწევითეს და გარიგებით გაათხოვეს, რადგან შეიძლება, ომში წაეყვანათ, როგორც ტექნიკუმის სტუდენტი. მამაჩემი – გიორგი (გოგია) კი 23 წლის კოლმეურნე-მძღოლი გახლდათ. 3 შვილი გაგვზარდეს, სამივეს უმაღლესი განათლება მოგვცეს და დაგვაოჯახეს. ნეტავ ბევრს ჰქონდეს დღეს ისეთი პარმონიული ოჯახი, როგორც მათ ჰქონდათ! პაპაჩემმა, სანდრომ, რომელსაც, რატომღაც, ზედმეტსახელად ჯიჯია ერქვა და ასეც დარჩა ადამიანების მეხსიერებაში, სასწრაფოდ ზოგიჭი გამოთალა, რადგან აკენის არტახებს ვერ ვწვდებოდი, მაგრამ ჩემი სიპატარავის გამო, იქაც ვერ ჩამაწვინეს. მაშინ მუყაოს მოზრდილ კოლოფში მატყელი ჩამიფინეს, ზემოდანაც მატყელი დამაფარეს და ღუმელთან მიმიჩინეს ადგილი... ასე გავიდა ორი თვე, ვიდრე მუცლადყოფნის 9 თვე არ შემისრულდა და, მერე კი, იცოცხლე, ამისრულდა ბებიჩემი მანანას დალოცვა: „დათვი მჭლე და შენ მსუქანიო!“, ყოველი დაბანისას რომ დამძახოდა. პოდა, მას მერე მოვდივარ, აგერ 80 წელია... მადლობა უფალს, რომ ფეხზე ვდგავარ, მაქვს შრომის უნარი, ვაზროვნებ ჯანსაღად და შემიძლია, ვიზრუნო ჩემს ახლობლებზე.

მოსწავლეობა: 1951 წელს შევედი სოფელ გამარჯვების საშუალო სკოლაში და დაიწყო ახალი სამყაროს შეცნობის ხანა. გავიგე, რომ ხუთოსნობა კარგია და მიზანიც გამიჩინდა. პირველი კლასიდან მეორეში ფრიადებით გადავედი. უბედნიერესი ვიყავ, ხელში ქების სიგელი მეჭირა, შიგნით ჩარიკრიკებული ხუთიანებით... წყალწყალაანთ დაღმართზე თავქვე მივქროდი, მერე ჩემი მამა-ბიძების – ოთხი ძმის – გოგიას, შალიკოს, ვასილას და თენგიზას სახელზე დარგული დიდრონი კაკლის ხეების ჩრდილში მივებოდი და ჯიჯიანთ აღმართის დასაწყისში ხის ჭიშკარში რომ შევქანდი, ეზოში მჯდარ პაპას, რომელიც წინსწრებით პომიდვრებისთვის სარებს აშხადებდა, ისე მივეჭკერ, კინაღამ ტაბურეტადან გადავაგდე, თან ქების სიგელს ვაფრიალებდი და გავევიროდი: პაპი, პაპი, ფრიადოსანი ვარ... პაპამ ხელში ამიტაცა და კონცა დამიწყო. ხმაურზე სათონიდან ბებიჩემი ფაციაური (ფაციაშვილი იყო და ასე ეძახდნენ) გამოვიდა, ხელები გაშალა, ჩამიუხლა და გულში ჩამიხუტა. ისეთი გრძნობა დამეუფლა, დღემდე რომ მომდევს და მთელი ცხოვრება ჩემი მასტიმულირებელი რომ გახდა. ამიტომ ვიყავ სანაქებო ოქტომბრელი, პიონერი, კომკავშირელი. არ დამიწოთ ახლა რაღაცეები... სწორედ ამ საფეხურებმა მასწავლა დისციპლინა, პასუხისმგებლობა, გამიჩინა მიზანი, გამხადა მიზანსწრაფული და მომცა სხვა მრავალი სასიკეთო თვისება. ცოტა სიმღერა შემიძლო, ცოტა – ცეკვა, საზოგადოებრივ საქმიანობაშიც აქტიური ვიყავ, პოდა, ასეთად დავრჩი მთელი ცხოვრება... სკოლა ოთხებზე და ხუთებზე დავამთავრე და ნაბიჯი ჩემი ოცნებისკენ გადავდგი – პედაგოგობა მინდოდა, კონკრეტულად ქართული ენისა და ლიტერატურის მასწავლებლობა. განათლება: ჩავაბარე გორის პედაგოგიური ინსტი-



წარჩინებულ მოსწავლეთა დაფიდან

ტუტის ისტორია-ფილოლოგიის ფაკულტეტზე. 5 წელი ჯგუფხელი ვიყავი. თავს არ ვზოგავდი, თავი გამოემჩინა. აქტიურად ვმონაწილეობდი ინსტიტუტებს შორის გამართულ სამეცნიერო კონფერენციებში ბათუმში, ქუთაისში, ცხინვალში, თელავში. მეხუთე კურსზე რეფერატისთვის – „მასწავლებელთა უფლებები და ორგანიზაცია „სპარტაკის“ საქმიანობა“, მომენიჭა საქართველოს კომკავშირის მეორე ხარისხის პრემია. ნაშრომი ითარგმნა რუსულ ენაზე და გაიგზავნა მოსკოვში კომკავშირის საკავშირო კონფერენციაზე, სადაც პირველი ხარისხის პრემია, 300 მანეთი დავიმსახურე. ფაკულტეტებს შორის გამართულ მხირულთა და საზრიანთა კლუბების კონკურსში, ფაკულტეტის მოცეკვავე გოგონებთან ერთად გორის თეატრის სცენაზე ვცეკვავედი „ხორუმს“ და „ფერხულს“. როდესაც ცეკვის დასასრულს ქუდებს ვიხდიდით და ვამჟღავნებდით, რომ გოგონები ვიყავით, დარბაზი დიდი ოვაციებით გვხვდებოდა... ეს მაშინ მოდაში იყო. ჩემი ბედნიერი წლები... უამრავი თბილი და ტკბილი მოგონებით! 1986 წელს, უკვე ორი შვილის დედამ და არცთუ პატარა ოჯახის დიასახლისმა, დავამთავრე თბილისის სახელმწიფო უნივერსიტეტის ჟურნალისტიკის ფაკულტეტის დაუსწრებელი განყოფილების სრული კურსი. ჩვენ პირველი გამოძვევა ვიყავით დაუსწრებლების. ამ განყოფილებამ, რატომღაც, მხოლოდ სამი წელი იფუნქციონირა, მერე დაიხურა. უნივერსიტეტი მაინც სხვა განზომილება გამოდგა: დავით გამეზარდაშვილი, გალაკტიონის ძმისშვილი და მემკვიდრე ნოდარ ტაბიძე, გოგლას შვილიშვილი ნიკო ლეონიძე, დალი ჩიკვილაძე, ვანო მჭედლიშვილი, სანდრო მამასახლისი... რა თაობა იყო, რამდენი რამ ვისწავლე, გავიგე! დაუვიწყარი იყო



და დღემდე შეამაყება ჩვენი დეკანის, პროფესორ ნოდარ ტაბიძის მიერ სადიპლომო ნამუშევრის ფრიადზე შეფასებისას წარმოთქმული ფრაზა: „ყოჩაღ, ქიზიყელო, შენ წერა-კითხვა მართლაც გცოდნიაო“... ეს უმაღლესი შეფასება იყო მისგან. ამით დამთავრდა ჩემი სწავლა-განათლება, თუმცა, შიგადაშიგ იყო მივლინებები და კვალიფიკაციის ამაღლება რესპუბლიკური პრესის რედაქციებში, თბილისისა და ბიჭვინთის ჟურნალისტთა სახლებში.

\*\*\*

ჩემი შრომითი გზა 1961 წლის 14 სექტემბერს სოფელ გამარჯვების საკოლმეურნეო საბავშვო ბაღში დაიწყო – მუსიკის მასწავლებლად დავინიშნე. მას მერე, რაც პირველ წელს უმაღლესში მოსახვედრად 0,25 ქულა დამაკლდა, განათლების კანონმდებლობით, ორწლიანი შრომითი სტაჟის დაგროვება იყო სავალდებულო. „ეს საწყალი კურდღელი“, „კომში, კომში-კომარა“, „ჩიტო-ჩიტო ნაცარა“, „რა კარგია შემოდგომა“... და ასე, სიმღერ-სიმღერით ჩათავდა ორი წელი. გორის პედაგოგიური ინსტიტუტის დამთავრებისთანავე, განაწილებით, რომელიც ასევე სავალდებულო იყო, მარნეულის რაიონის სოფელ არაფლოს ახერბაიჯანულ საშუალო სკოლაში ამოვყავ თავი ქართული ენის მასწავლებლად. 3 წელი ვასწავლიდი... მე კი ვასწავლიდი, მაგრამ ვის უნდოდა?! არაადეკვატური პროგრამით ქართული ენის სწავლება მეხუთე კლასიდან იწყებოდა, (რუსულის – მეორედან, საქმის წარმოებაც რუსულად იყო, მიუხედავად იმისა, რომ ტერიტორია საქართველოს იყო, ეროვნებით კი

ახერბაიჯანელები იყვნენ), გაკვეთილები, ძირითადად, მე-5-მე-6 უტარდებოდათ. სიმღერა და ფიზალზრდაც კი ქართულზე წინ იდგა. უკვე დაღლილ ბავშვებს არც აინტერესებდათ და არც არავინ ავალდებულებდა ქართული ენის, როგორც სახელმწიფო ენის, სწავლას. პედაგოგებმაც აქა-იქ თუ იცოდნენ საყველპურო ქართული, რადგან მათ უმრავლესობას უმაღლესი განათლება ახერბაიჯანული საშუალო სკოლის დამთავრების შემდეგ, ბაქოში ჰქონდათ მიღებული. სამი წელი ჯერ რაიონის განათლების განყოფილებას, შემდეგ განათლების სამინისტროს ვწერდი წერილებს და მოვითხოვდი, გადაეხედათ პროგრამისთვის და მეტი ყურადღება მიექციათ არაქართულ სკოლებში ქართული ენის სწავლებისთვის, მაგრამ დარჩა ჩემი ხმა „ხმად მღაღადებლისა უდაბნოსა შინა“. მერე კი ყველამ ვნახეთ, რა შედეგებიც გამოიღო ჩვენმა გულგრილობამ... დაგვაკარგვინა ტერიტორიები და ერთიანი ეროვნული სულისკვეთება. მე კი, მაშინ, 23 წლის ასაკშიც და ახლაც – 80 წლისა, ვფიქრობ, რომ საქართველოს ტერიტორიაზე მუდმივად მცხოვრებთათვის სავალდებულო და არა ნებაყოფლობითი, უნდა იყოს ქართული ენის, კულტურის, ისტორიისა და მრწამსის საფუძვლიანი ცოდნა.

1971 წლის იანვარში ოჯახი შეექმენ გიორგი (გოგი) პოპიაშვილთან და დავემკვიდრდი დედოფლისწვაროში. სკოლაში საათები ვერ ვიშოვე და, ჩემდაბედად, გაზეთ „ახალი შირაქის“ რედაქციაში გამოჩნდა ლიტმუშაკის ადგილი. იმ სულგანათლებულმა გოდერძი ტოკლიკიშვილმა თითქმის ორი თვე მამუშავა გამოსაცდელი ვადით და როდესაც დარწმუნდა, რომ წერა-კითხვა შემიძლო, შტატში ჩამსვა. ასე დაიწყო ჩემი 52-წლიანი თანაცხოვრება გაზეთ „შირაქთან“, რომელიც ჩემს სახლად და ოჯახად იქცა. არაჩვეულებრივი კოლექტივი დამხვდა, მათი დიდი უმრავლესობა აღარ არის. მათ გახსენებაზე სითბო და სიყვარული მეღვრება გულში და მენატრებიან. ამ მონატრებას სათავეში ისევ ერუდირებულსა და პატიოსან კაცს, გოდერძი ტოკლიკიშვილს ჩავუყენებ, ჩვენი „დიდი ენციკლოპედია“ შოთა ბიკაშვილი, ჩემი უთბილესი და უტკბილესი თინა ფავლენიშვილი, კლარა ოზაშვილი, ლეილა ჯინაშვილი, მაყვალა ალუღიშვილი, ანზორ ჯალიაშვილი, სულ მუდამ ზუმრობის ხასიათზე მყოფი უშანგი წყარუაშვილი... გაანათლოს უფალმა მათი სულეები. მხოლოდ მე და რენი ჭრელაშვილი დავრჩით იმ ძველი მოგონებებით. აქ, ამ ადამიანების გვერდით ვისწავლე ხალხისა და საქმის ერთგულება, გატანა და დაფასება, გუნდურობის ძალა, გავიცანი ძალიან ბევრი ადამიანი. წელი წელს მისდევდა, შემეძინა ჯერ ვაჟი – ზურაბი, მერე ქალიშვილი – მაგდა. ვეცადე, კარგი შვილები აღმეზარდა. ზურაბი – იურისტი, მაგდა – ჟურნალისტი. ორივე დაოჯახებულია: ზურაბს და ნატალის ერთი ვაჟი ჰყავთ, პაპის მოსახელე, გიორგი, მაგდას და ირაკლი მეღაშვილს – ქალიშვილი, ნია მეღაშვილი. მათთვის ვცოცხლობ და ვსუნთქავ... ისინი თბილისში ცხოვრობენ და ახლა მე გიორგის საოჯახო მასწავლებელი ბებია ვარ, რაც მამბედნიერებს!

\*\*\*

რედაქციაში ჩემი მუშაობის 20 წლისთავისთვის საბჭოთა კავშირი დაშლილი, ჩვენს ქვეყანაში კი თითქმის ყვე-



სტუდენტობისას





რედაქციაში

ლაფერი დანგრეული და მოშლილი იყო: არსად ელექტროენერგია, არსად ბუნებრივი აირი, არსად წყალი, საწარმოებისა და სხვა სახელმწიფო ორგანიზაციების უმრავლესობა უპერსპექტივოდ გაჩერებული, გაძარცვული და მიწასთან გასწორებული... სამაგიეროდ ვიყავით თავისუფლები. ეს თავისუფლება პირველ ხანებში ეროვნულ სიამაყეს, პატრიოტიზმსა და თვითმყოფადობასთან ასოცირდებოდა, მერე, თანდათან, ეს მუხტი მინელდა, მინავლდა და... მასების უმრავლესობამ ზნეობრივ და ფიზიკურ თავისუფლებად აქცია. ახლა ეს გამოიხატება ჩაცმაში, ურთიერთობებში, უზრდველობაში, აღვირაზნებლობაში, მკვლევარებში, ნარკომანიის მომძღვარებებში და მრავალ სხვა, არცთუ სასურველ ქმედებებში. გასული საუკუნის ოთხმოცდაათიანი წლები ადამიანების მესხიერებაში დარჩა მტკივნეულ მოგონებებად – სიცივესთან, შიმშილთან, ხვალისნდელი დღის შიშთან, რომელსაც სხვადასხვა დაჯგუფების განუკითხავი თარეში იწვევდა... უჭირდა ყველას. გაგვიჭირდა ჩვენც – გაზეთ „შირაქის“ რედაქციას. იცოდნენ პრესის ძალა და პირველებს სწორედ ჩვენ აგვიჭედეს კარები. პოლიტიკური პარტიები და გაერთიანებები ცდილობდნენ, დაემორჩილებინათ რედაქცია. ამ პირველ აჭედვას შეეწირა ერთ-ერთი წესიერი და პატიოსანი კაცი, რედაქტორი გოდერძი ტოკლიკიშვილი. ის გაათავისუფლეს, რამაც მისი ცხოვრება თავდაყირა ამოატრიალა და უამრავი ტკივილი მიაყენა უსამართლოდ. დიდი ბჭობისა და შეხლა-შემოხლის შემდეგ „მრგვალმა მაგიდამ“ არჩევანი ახალგაზრდა ჟურნალისტზე, ცირა ქისტაურზე, შეაჩერა. ცირამ ის-ის იყო, დაამთავრა თბილისის სახელმწიფო უნივერსიტეტი და, ყოველგვარი შრომითი გამოცდილების გარეშე დანიშნეს რედაქტორად. კარგი ჟურნალისტი იყო, განათლებულიც, მაგრამ სწორედ გამოუცდელობის გამო, ათ თვეზე მეტი ვერ გაუძლო მან პარტიების შემოტევებს, ორგანიზაციის ფინანსურ გაჭირვებას და დატოვა სამსახური. ისევ გაიმართა კონკურსი, ისევ ბევრი იმსჯელეს და ითათბირეს და ხმათა უმრავლესობით (9-დან 6 ხმა) მე, თქვენს მონა-მორჩილს, მერგო ბედად, 1991 წლიდან მეზიდნა რედაქტორის ის მძიმე ტვირთი, რომელიც რამდენიმე ათეულ წელს გაგრძელდა. ახლა, როდესაც ვფიქრობ იმ წლებზე, ერთი დიდი კომპარი მგონია... იმის მოყოლას, თუ როგორ მოვედით დღემდე, მთელი ეს ჟურნალი არ ეყოფა, ამიტომ ვეცდები (თუ მოვახერხებ), მოკლედ, ეპიზოდებად მოვყვე, რათა შეგიქმნათ წარმოდგენა, რაც გადავიტანეთ:

ელექტროენერგიის ხანგრძლივი წყვეტილობის გამო სულ ნათურას ვიყავით მიჩერებულნი. დენი მოვიდოდა თუ არა, დღე-ღამის ნებისმიერ დროს გავრბოდით, პირველ რიგში, სტამბაში ლინოტიპების (სტრიქონების ჩამოსასხმელი დანადგარი) ჩასართავად, რადგან მის გაცხელებას თითქმის 2 საათი სჭირდებოდა. მერე „დამპალოდან“ „კამიშოვიდან“ და „მაზოვიდან“ სტამბის მუშების მანქანით მოგროვებას იწყებდა ჩემი მეუღლე გოგი პოპიაშვილი, რომლის თანადგომის გარეშე მე უძღვური ვიქნებოდი, შემენარჩუნებინა გაზეთი. ზშირად ჩვენს შვილებსა და შვილიშვილებს დამე გაყინულ საამქროში, ერთმანეთზე მიდგმულ სკამებზე ეძინათ. სტამბის მუშებიც, ჩვენთან ერთად, თავს არ ზოგავდნენ. ამისთვის დიდი მაღლობა მათ. არცთუ იშვიათად, შევეუდგებოდით თუ არა მუშაობას, დენი ისევ ჩაქრებოდა და 20 წუთში ისევ იყინებოდა ლინოტიპი. ბეჭდვაც გვიჭირდა უდენობის გამო, ამიტომ, ჩემმა მეუღლემ, რომელიც სპეციალობით ინჟინერი გახლდათ, საბეჭდი ელექტრომანქანები ხელით მართვაზე გადააწყო და ჩემი ვაჟის – ზურაბის დახმარებით ბეჭდვდნენ რის ვაი-ვაგლახით გამზადებულ გაზეთს. მერე ნაცნობ-მეგობრების დახმარებით 35-კილოვატიანი გენერატორი ვიშოვეთ და ცოტა ამოვისუნთქეთ. ჭირდა საგაზეთო ქაღალდის შოვნაც. გაძნელდა სათადარიგო ნაწილების მოძიება სტამბისთვის, დედაქალაქიდან ხელოსნების ჩამოყვანა; ერთხანობას, იძულებული გავეხდი, ხელით საკრეფი ასოები სასტამბო ნაგვიდან ამოგვეკრიფა და იმით გვეკმუშავა, ზოგი ასო დიდი იყო, ზოგი – პატარა, ერთი სიტყვით, წარმოუდგენლად ვწვავდით... მერე კომპიუტერებიც შემოვიდა და სტამბის მძიმე ტექნიკა ჩაანაცვლა. ეს სიახლე ჩვენთვის მიუწვდომელი იყო, მათი საყიდელი არც ფული გვქონდა და არც სპეციალისტები გვეყავა. დღევანდელი გადასახელიდან, როდესაც 2-3 წლის ბავშვებმაც კი იციან კომპიუტერის მოხმარება, ეს ძნელი წარმოსადგენია! ამ დროს გამოჩნდა სწორედ ჩვენს მხსნელად არბოშიკელი ახალგაზრდა, ოთარ კიკილაშვილი, რომელმაც თბილისში კომპიუტერული ცენტრი გახსნა. მას გვერდში ედგნენ თავისი ერთგული დები – ლია და მაიკო. თავად შემოგვთავაზა და დაგვარწმუნა, თბილისში გვეკეთებინა და გვებეჭდა გაზეთი. შევთანხმდით. ორმაბათიდან პარასკევამდე საგაზეთო მასალებს მოვიპოვებდით, ვამზადებდით, შაბათ დილით, ადრე, სამარშრუტო ტაქსით მივდიოდით თბილისში, ვაკეთებდით, ვბეჭდავდით და 700-800 გაზეთი, რომელიც საკმაოდ მძიმე იყო, საზოგადოებრივი ტრანსპორტით კვირა საღამოს ჩამოგვქონდა. საფოსტო მომსახურება, 90-იანი წლებიდანვე, წარსულს ჩაბარდა და გაზეთი მკითხველამდე ჩვენ, რედაქციის თანამშრომლებს, მიგვქონდა. ჩემთვის არ არსებობდა გამოსასვლელი, დასვენების დღე... ასე გაგრძელდა 15 წელი, ვიდრე 2012 წლის დასასრულს, მუნიციპალიტეტის ხელმძღვანელების, ლევან ბაღაშვილის და ნიკოლოზ შანშიაშვილის ხელშეწყობითა და ჩვენი დიდი ძალისხმევით, არ გამოვეყავით დაქვემდებარებიდან ეკონომიკის სამინისტროს და გაზეთი არ გახდა მუნიციპალიტეტის ორგანო. სწორედ ამან გახდა შესაძლებელი, რედაქციის დაფინანსება ოფიციალურად შესულიყო მუნიციპალიტეტის ბიუჯეტში, გამიჯნულიყო შპს-ის ღირებურობისა და რედაქტორის შტატები და ფუნქციები, რომელსაც მთელი

21 წლის მანძილზე, ერთი მწირი ხელფასის პირობებში, ვასრულებდი. მე დაერჩი გაზეთის რედაქტორად, ხოლო შპს-ის დირექტორად დაინიშნა რედაქციის წიაღში აღზრდილი და უკვე გამოცდილი ჟურნალისტი ინგა შიოლაშვილი.

რადგან ფინანსებს შევეხეთ, მინდა, გავისხენო, თუ როგორ დავდიოდით მანამდე კარდაკარ, სოფელ-სოფელ, ორგანიზაციიდან ორგანიზაციაში რედაქციის საჭიროებებისთვის საარსებო ფინანსები რომ მოგვეზიდა ხელმომწერთა თუ რეკლამის მსურველთა გაზრდის საშუალებით. სამი დღე ველოდე რუსთავეში მეტალურგიული ქარხნის დირექტორს, გურამ ქაშაკაშვილს, რომ დაძვრწმუნებინა, რაიონში კირქვის მოპოვების სანაცვლოდ 2-3 ვაგონი კირქვის ღირებულება მაინც ჩაერიცხა ჩვენთვის, რათა გაზეთის ბეჭდვის ნისია დამეფარა. კიდევ ერთხელ მადლობა ოთარ კიკილაშვილს, შედავათიან ფასებში, ხან ნისიად, ხანაც უფასოდ რომ გვიბეჭდავდა გაზეთს. პრეფექტიდან მოყოლებული, რაიონის რამდენი ხელმძღვანელი გამოვიცვალეთ, ხეწუნა-მუდართი, ხან ცრემლებითაც კი იძულებულს რომ ვხდიდით, წასულიყვნენ „ღარღვევაზე“ და მინიმალური დაფინანსება მაინც მოეცათ, რათა გაზეთი არ დახურულიყო. არც ის დამავიწყდება, როგორ ვიჯექი დილიდან ღამის 9 საათამდე სიცივესა და სიბნელებაში, შემოდგომის იმ ჟინჯლიან და ბურუსიან დღეს მაშინდელი ფინანსთა მინისტრის მისაღების წინ, დერეფანში, როცა ყველა თანამშრომელი წავიდა და მხოლოდ დარაჯი დარჩა, იმ იმედით, რომ შეიძლება, მინისტრი მოსულიყო. ჩაბნელებულ დერეფანში ფარნის შუქზე ჩემი დანახვით გაოცებულმა მინისტრმა კაბინეტში შემეფანა, ლამპა აანთო (1996 წელი იწურებოდა) და გულდასმით მომისმინა. წინ დაუწვევ საბუთები, რომელიც ამტკიცებდა ჩვენს უფლებას სტამბა-რედაქციის შენობაში ჩვენ მიერ დაკავებულ ფართზე, რადგან მთელი შენობა, რომელიც 1980 წელს ბეჭდვითი სიტყვის კომიტეტმა ააშენა, სტამბის ბალანსზე იყო; ჩვენ ხომ – სტამბაც და რედაქციაც, მაშინ ამ კომიტეტის შემადგენლობაში ვიყავით! მე ვითხოვდი, ეს ფართი უსასყიდლოდ გადმოცემოდა რედაქციას, რაშიც არ შეთანხმებოდა მაშინდელი ქონების მართვის რაიონული სამსახური, რომელმაც სტამბის მთლიანი შენობა საპრივატიზაციო ნუსხაში შეიტანა და ყოველგვარი იმედი გადამიწურა, მეტრძოლა. მაგრამ, ამაოდ დაძვრწმუნ, მე მოვიპოვე ფართის გადმოცემის უფლება. სწორედ საკუთარი ფართის ქონამ გადაგვარჩინა. არაერთხელ იყო მცდელობა ჩვენი ფართის პრივატიზირებისა, მაგრამ ამაოდ! ფართის გადმოცემის ჩვენს სამართლიან მოთხოვნას ამყარებდა მაშინდელი მაჟორიტარი დეპუტატის, გაზეთის საიმედო მეგობრისა და გულშემატკივერის ბეჟან (ბაჩუკი) გონაშვილისა და საქართველოს ჟურნალისტთა ფედერაციის თავმჯდომარის (რომელიც იმ ძნელებლობის ჟამს სულ ჩვენ გვერდით იყო და მხარს გვიჭერდა), აკაკი სიხარულიძის რეკომენდაციები. არაერთხელ მოგვიწია ჩვენი ფინანსური რესურსების დაცვისთვის თუ რედაქციის ქონებაზე მონადირე პროვოკატორების წინააღმდეგ სასამართლო დავების მოგება, რაც დიდ ძალისხმევად დაგვიჯდა. არანაირი სამუშაო პირობები არ გვექონდა. ხან შეშის, ხან დიზელის საწვავის მეშვეობით ოღნავ ვათობდით ერთ გაჭვარტლულ ოთახს,

სანთლისა და ლამპის შუქზე ვმუშაობდით, მაგრამ ერთი წუთით არ დაგვიზოგავს თავი, შეგვენარჩუნებინა გაზეთი, რომელიც რაიონის ცხოვრების მატანეა. მადლობა მინდა ვუთხრა ჩემს თანამშრომლებს, რომლებიც გვერდში მედგნენ და ძალას მადლევდნენ იმ დროს ამ ბრძოლაში: ანა ბენაშვილს, მანანა ყაბაშვილს, ნანა ლაპიაშვილს, ინგა შიოლაშვილს, ლალი მეხრიშვილს, ნათელა ბოსტაშვილს, ნიაზი ჯანაშვილს, მზია ქენქაძეს. მინდა გითხრა, რომ დრომ მოიტანა ის სირთულეები და ჩვენ არ დავენებდით. ჩვენი ერთსულოვნებითა და პასუხისმგებლობით მოვიგეთ ომი, რომელიც დრომ შემოგვთავაზა. ჩვენ ამაცემი ვართ, რომ დღეს გაზეთი ყოველგვარეულია, რვაგვერდიანია და გარე გვერდები ფერადია. ამაში ჩვენი, ძველი თანამშრომლების, დიდი დამსახურებაცაა, მყარი საძირკველი რომ დავახვედრეთ. მადლობა მუნიციპალიტეტის ხელმძღვანელობას, რომ აფასებს და ზრუნავს გაზეთზე, როგორც ფინანსურად, ასევე მორალურად. წარმატებებს ვუსურვებ რედაქციის ახლადშემომატებულ თანამშრომლებს – ილია მარტყოფლიშვილს, ჟუჟუნა ყანაშვილს, ელზა ხარაშვილს, ხათუნა ბენაშვილს. ვისურვებდი, დიდხანს ეარსებოს „შირაქს“, როგორც ბეჭდვურ ორგანოს.

52 წელი გავატარე რედაქციაში. ბევრი იმედგაცრუებაც მახსოვს, ბევრი სიკეთე, მხარში დგომა და ერთგულებაც, ბევრი დარდსა და ფიქრში გათენებული ღამეც და ბევრი სიამით გასასხენებელი დღეც. აბა, როგორ დამავიწყდება 1997 წლის 9 ოქტომბერი – გაზეთ „შირაქის“ 60 წლის უბილვე და მე-9 000 ნომრის გამოშვება. რვაგვერდიანი,



„შირაქელები“



ფერადი გაზეთი გამოვეუშვი, მთელი ისტორია შიგ იყო ჩადებული, მთელი გაზეთი გადაჭედული იყო მოლოცვებით. ვისი მოლოცვა არ მივიღეთ: რაიონის ხელმძღვანელობის, თსუ ჟურნალისტიკის ფაკულტეტის დეკანის, პროფესორ ნოდარ ტაბიძის, ჟურნალისტთა ფედერაციის თავმჯდომარის, აკაკი სიხარულიძის, ფედერაციის რეგიონული სამსახურის უფროსის გივი ჭვლიძის, პოეტ შოთა ნიშნიანიძის, მწერლების ლევან სანიკიძისა და რევაზ მიშველაძის, „ქალთა გაზეთის“, ჟურნალ „საქართველოს მოამბის“ სახელით, გიორგი ნატროშვილის, გაზეთ „ალიას“ სახელით მაგდა პოპიაშვილის, სიდნაღის რაიონის გამგებლის, გაზეთ „მერანის“ მთავარი რედაქტორის ვაჟა ცაბუტაშვილის, ყოფილი რედაქტორების – გოდერძი ტოკლიკიშვილის, ვლადიმერ მჭედლიშვილის, ერთგული მკითხველებისა და ავტორების: ამირან ბილიაშვილის, ცისანა მჭედლიშვილის, ჯუმბერ უთრუთაშვილის, მარინე ჭუმბურიძის, მანანა ყატაშვილისა და სხვათა. გვიხაროდა და ვამაყობდით მათი შეფასებებით. ოთხმოცკაციანი ვახშამი გავმართეთ, ცოცხლად უკრავდა დედოფლისწყაროს ვოკალურ-ინსტრუმენტული ანსამბლი, შხია ალადაშვილის ნამღერმა დაატყვევა დედაქალაქიდან ჩამოსული სტუმრები... ბედნიერები ვიყავით! მეორე იუბილე 2022 წლის 8 ნოემბერს, გაზეთის 85 წლისთავზე გადავიხადეთ. ამ დღეს ვალმობილი დავემშვიდობე ჩემს „შირაქს“. მადლობა ამ დღისთვის მუნიციპალიტეტის მერს, ნიკოლოზ ჯანიაშვილს და მის მოადგილეს, მალხაზ მერაბიშვილს. უღრმესი მადლობა კულტურის სამსახურს და ცარო მარტიაშვილს ორივე იუბილის გალამაზებისთვის, ეშხისა და ლაზათის მიცემისთვის. რა წამოვიღე 52-წლიანი შრომის საფასურად? „ღირსების მედალი“, „საუკუნის ლეგენდის“, „ქალის ეტალონის“, „საუკეთესო ხელმძღვანელი ქალის“, „მეცენატის“, „წლის საუკეთესო ჟურნალისტიკის“, „წარმატებული დედოფლისწყაროელის“ ტიტულები, მრავალი სიგელი

და მადლობა... მე კმაყოფილი ვარ, დამიფასდა შრომა და თავდადება! მე გავეუძელი წუთისოფლის ამღვრეულ მორევს, გავცურე, გავედი ბოლოში და... მიხარია!!!

\*\*\*

– რას აფასებთ ადამიანში, მეკითხებით? – შრომის-მოყვარეობას, ერთგულებას, მიზანსწრაფულობას, სიყვარულისა და მადლიერების გრძნობას.

– რას ვერ ვიტან? – ამპარტავნებასა და უმადურობას.

– რისი მეშინია? – დედამიწაზე გამეფებული სისასტიკისა და უღმერთობისა. სიკვდილის, რადგან ერთადერთია, რაც იცი, რომ აუცილებლად მოხდება. და როგორც ესენი იტყვია: „არახალია ქვეყნად სიკვდილი, მაგრამ სიცოცხლეც ერთობ ძველია!“ ცხოვრება ხომ სიცოცხლისა და სიკვდილის მუდმივი ჭიდილია მას მერე, რაც გააცნობიერებ სიკვდილის არსებობას.

– რისი არ მეშინია? – უკან მოხედვის.

– ვისი მშურს? – პოეტების, რადგან ვერასდროს შევძელ ერთი სტროფის დაწერაც კი, რათა მოკლედ, ხატონად და გულში ჩამწვდომად გადმომეცა ჩემი ხედვა და გრძნობები. უზომოდ მიყვარს პოეზია და კარგი დეკლამატორი.

– რას ვუანდერძებ ჩემს შვილებს, ახლობლებსა და ნაცნობ-მეგობრებს? – ნაბოკოვის ერთ ფრაზას: „წარმომისახე! მე არ ვიარსებებ, თუ შენ არ წარმომისახავ!“

– ვისი მადლობელი ვარ? – მშობლების, რომ მომცეს სიცოცხლე და უფლის, რომ დღემდე მომიყვანა.

– რას ვიტყვი დასკვნის სახით? – რომ წუთია წუთისოფელი, დახამხამება თვალისა, თუმცა, თანადროულობა ასაკით არ განისაზღვრება.

ნუ ჩამითვლით კანდიერებაში, თუ სიტყვა ძალიან გამიგრძელდა, მაგრამ სათქმელი და გასასხენებელიც კიდევ ბევრი დამრჩა.



## თამაზ ნიალაური

### პრელუდია

რაც ლექსად სათქმელს მივენდ  
და სიტყვის კონა ვიშვილდე,  
ვაი, გაფრენილ იმედებს,  
ვაი, დაკარგულ სიმშვიდეს.  
რაც სიყრმეს გავცდი, ჯერ კიდევ  
რაც ჩემს ხსოვნაში თბილია.  
უფსკრულსაც კბილით ვეკიდევ  
ხანჯლის პირებზეც მივლია.  
ეწოლილვარ ცეცხლის ლოგინში,  
ქვეშ ნალვერდალი მგებია,  
უკეთეს დღის მოლოდინში  
უარეს გამოთენებია.  
რა ჭირს არ გადავეკიდევ,  
რაც ყურით არ გამეგონა,  
შურით მგესლავდნენ, მე კიდევ  
მტერიც მოვეასი მეგონა.



სულ მარტო დავრჩი მას მერე  
 არცვინ ავსილა ნანითა,  
 აუ, რამდენჯერ დამსერეს  
 ენით ლაქარდიანითა.  
 არც ბედს ვევედრიდი არაფერს  
 ჩემსკენ რისხვით რომ მობრუნდა.  
 ხან არწივს ვგავდი ანაფერნს,  
 ხან ირემს ვგავდი ქორბუდას.  
 ხან ვეფხვი ვიყავ ბრწკლიანი,  
 სიკვდილიც კვალში დამდევდა...  
 როგორც გზა ნარ-ეკლიანი,  
 არც შიში არ მადარდებდა.  
 ფრთას მახეთქებდა გრიგალი  
 ნამგზავრს უსაჭო ნავითა,  
 ჩემად რომ ვთვლიდი ის ქალიც  
 ადგა და სხვასთან წავიდა.  
 ეს სული ნარბევე-ნაგვემი  
 პაუ, რარიგად მტკიოდა,  
 სიტყვით ვერ აღწერს ბაგენი  
 რა ქარი შამამკიოდა.  
 მე კი ულექსოდ ვერ ვძლებდი,  
 ლექსს ვთვლიდი ყოვლის შემძლედა.  
 ზოგჯერ სიკვდილს თუ ვეძებდი,  
 ზოგჯერ სიკვდილიც მეძებდა.  
 სოფლის უკუღმა ტრიალი  
 წაღმა არ მიბრუნდებოდა,  
 თუმცადა გული ტრიალი  
 ლექსის კოცონზე დნებოდა.  
 სული დაღლილი ლოცვებით  
 ვათრიე ძალისძალათი.  
 გავაფოლადე ოცნებით  
 და ლექსის ქარბორბალათი.  
 სათქმელი სათქმელს დავწიე,  
 ლექსებს შევწირე ყველა დღე,  
 ჯოჯოხეთს გამოვადწიე  
 და ლექსით მოველ თქვენამდე.

\* \* \*

ვერც დღევანდელი დღე ვერ მიშველის  
 ნარბევს ნაგვემი სულის ობლობით,  
 ჩემს წინ სიცხადე დგას ტანშიშველი  
 ცბიერი ბედის შეუნდობლობით.  
 ჯავრს გაკურბივარ, მაგრამ იგია  
 აზრის სრულყოფის, სიბრძნის სათავე,  
 ვერც ბროლის კოშკი ვერ ამიგია  
 ეკლიანი გზაც ვერ მოვათავე.  
 ხეალ ჭმუნვის კედლებს გამოვეხსნები  
 და მღვრიე სულის ქაოსს მწვალებელს,  
 შეიფარებენ ჯვარცმის ლექსები  
 პოეტს მოგვსა და შეუწყნარებელს.

\* \* \*

მგონის მისიას ვამართლებ,  
 სივრცედ არ მყოფნის ერთი ცა,

თუ გინდა გამასამართლეთ –  
 ეშმაც მე ვარ და ღმერთიცა.  
 ჩემს სიჭაბუკეს ვიგონებ  
 ვარდების დღეთა ვარდობას,  
 მითაც ვერ გამოვიგლოვებ  
 იმ წლების დარდიმანდობას.  
 ბოლომდე მიმდევს ეს სენი  
 ლექსით მივტირი ბავშვობას,  
 ამიტომ ვერ დავეხსენი  
 ღვინოს და ლოთიბაშობას.  
 ძვირფასო, გთხოვ ნუ დამძრახავ  
 ლამაზი სულის წიაღში,  
 ხან თუ ბახუსის გზად მნახავ,  
 ხან ლექსის აგონიაში.  
 „ხან უგნური ვარ, ხან ბრძენი“,  
 ხან თვალთ ცრემლებიც მომდისა,  
 თვით მიკვირს როგორ გაეძელი  
 ცოცხალმა აქამომდისა.  
 ვიპოე ლექსების მოსამკალს  
 და სულში ვიტევ სამყაროს.  
 ლექსში ვერც ჟამმა მო-ცა-მკლა,  
 ვერც დრომ ვერ დამასაჰყაროს.  
 მგონის მისიას ვამართლებ,  
 სივრცედ არ მყოფნის ერთი ცა,  
 თუ გინდა გამასამართლეთ –  
 ეშმაც მე ვარ და ღმერთიცა.

\* \* \*

აგერ, ქარაფზე იმ ქორის  
 კლანჭებს კლდეები ლესავენ,  
 გულში სდუღს სისხლი იქორის  
 ფარსმანის მონათესავე.  
 დროს გაჰყვა ციხის ტკივილი  
 და ფუძის ბორგვა სალისა,  
 როგორც გვრგვინვა და ყივილი  
 მტრების წინ გორგასალისა.  
 ზარი ზარავდა დავისა  
 ბნელ ეპოქათა უკუნეთს,  
 ხმა დიდი მოურავისა  
 აქ დღესაც ექოდ გუგუნებს.  
 თვალთაგან ვერ დასანახი  
 ჟამი ხსნის ჟამის კარებსა,  
 ფარავს ხავსი და ბალახი  
 ნაისრალ-ნატყვიარებსა.  
 დუმს ციხე კლდეზე ნაგები  
 ქვეყნის მტერ-ღუშმნის მძლევარი,  
 მომხდურთა აუშაგების  
 შიდოთა დამაქცევარი.  
 ან სისხლის კვალი სად არი,  
 ან ომის ზათქი ქველისა,  
 ვინ ახსნას ნაღალადარი  
 მამულის ციტადელისა.  
 როგორ მოუკლა წყურვილი  
 ყველა ღუშმანს და გარეწარს,  
 ვინც მისი ავი სურვილი  
 ამ კედლებს შემოაღწია.

\* \* \*

შხის დარო, მაგ თვალეზს რარიგად აკვესებ,  
 ვერ მოვრჩი დარდსა და შენს გზაზე ხეტიალს,  
 ვით გითხრა, რა მტკივა, რა დარდი მაკენესებს,  
 ჩემს სათქმელს ისევ ეს ლექსები გეტყვიან.  
 ნიაესაც ვაფრთხილებ, მაგრამ ვერ ვაჩერებ,  
 ამ დილით ეს გული ეჭვებით ალესა,  
 ნაზ მხრებზე ჩამოღვრილ მაგ თმათა ჩანჩქერებს  
 ფრთები რომ შეახო და მოეაღერსა.  
 თავნება შხის სხივი მახელებს შეტადრე,  
 ლიცლიცით მოგევა და გზად აღარ მოვცილდა,  
 ჩემი საყვედური მნათობსაც შევკადრე  
 ძოწისფერ ბაგეზე ურცხვად რომ გკოცნიდა.  
 ეს გული ეჭვების გრიგალმა არია,  
 ვერც ლექსით ვერ გითხარ დარდი და ვარამი,  
 ოპ, შენთან სიცოცხლე წამების დარია,  
 უშენოდ – სამარის სიბძელე წკვარამი.

**ლექსო, შენა ხარ ჩემი მაყარი**

ლექსო, შენა ხარ ჩემი მაყარი,  
 სიმდიდრე დღემდე რაც რამ მებადა,  
 შენით ვარ ღმერთთან დღეს წილნაყარი  
 და შენ გიცანი უკვდავებადა.  
 ლექსო, პოეტის გულის წამალო  
 და სულის ხემსო, მცირე, უკმარო,  
 მაინც სალბუნო, მაინც ძალამო,  
 მაინც საშურო და სანუკვარო.

ხან გატეხილი ღამის თენება,  
 ხან ვულკანივით მკერდის დამძვრელო,  
 ხან გარიჟრაჟის გადაეღვება,  
 ხან ჩემი გულის გადამხანძვრელო.  
 ლექსო, ხან ვარდის ნაზო სუნთქვაო,  
 ხან ბნელში სანთლის ალის შრიალო,  
 ხან ნაღვერდალო, მწველო, მთუთქაავო,  
 ხან მთების დელგმავ ქარიშხლიანო.  
 ხან გულის შეება, ხან საწუხარო,  
 ხან მარგალიტის ცაში მოკრეფავო,  
 ხან დარში მეხად დანაქუხარო,  
 ხან ჩემი სულის აბობოქრება.  
 ბევრჯერ დამძეხე და დამძეწვერე,  
 ჩემი სიცოცხლე შენით მხნეობდა,  
 შენ რომ არც ერთხელ არ დამეწერე,  
 ქვეყნად ჩემს ყოფას რა ერქმოდა?!  
 არსად არასდროს თავს არ მანატრებ,  
 შენით ვლადობ და შენით ვმალდები...  
 ღმერთმანი. ნურც იქ დამაღალატებ,  
 იმქვეყნად როცა გადავსახლდები.  
 მინდა იმქვეყნად გადმომაყოლო  
 ამქვეყნიური წვა და ქაოსი,  
 ის რაც აქა ვთქვი აქვე დავტოვო  
 საკუთარ ძეგლად სააქაოში.  
 ლექსო, შენა ხარ ჩემი მაყარი,  
 სიმდიდრე დღემდე რაც რამ მებადა,  
 შენით ვარ ღმერთთან დღეს წილნაყარი  
 და შენ გიცანი უკვდავებადა.



**ლაბა ბაბილუა**

**ფნობა**

ისმენს ფანჯრების მსჯელობებს,  
 ნისლებში დადის, წრეა.  
 წერა რომ რამეს შველოდეს,  
 მიატოვებდა წერას.

საკუთარ თავთან ვიზიტმა  
 გადაუგლიჯა სუნთქვა.  
 ბლუზი ძალიან იზიდავს,  
 მაგრამ არასდროს უთქვამს.

ის ჭამდა მხოლოდ კულისებს,  
 და მხოლოდ ღამე ეცვა.  
 ახლა სარკეებს უმიზნებს,  
 და აღარასდროს – ზეცას.

შე თვალა და ცა – მოწმე,  
 რომ თოვლი იყო, ერთ დროს.  
 იცის, რომ უნდა წამოწვეს  
 და ღნობას უნდა ენდოს.

ქართველების შეილობილ  
მიწას ღეჭავდა, წედან.  
წერა რომ რამეს შევლოდეს  
მიატოვებდა წერას.

გამშრალი მიწით ისვრება,  
ცხრამთა დაკითხა მერვედ.  
კედლის საათის ისრები  
მაინც უშლიან ნერვებს.

ღამე – ველური ინდიკა,  
რეფრენად ისევ ხავსი.  
როცა სიკვდილზე მიდიხარ,  
სიცოცხლითა ხარ სავესე.

კომპარებისკენ იჩქარის  
და შეთხელებულ ჭადრებს  
გამოუხურა ჭიმკარი –  
იქნება, აღარ ჩანდნენ.

აღარც გიგანტურ შენობებს  
შეჰყურებს აღმაცერად,  
წერა რომ რამეს შევლოდეს...

**მზევარეთა**

შავ კატებს ლანგრით მივართვი, რძეში  
ამოვლებული სიზმრები, მთვრალმა.  
აღარასოდეს შემოვა მზე შინ,  
შინ იქნებიან ქარები, მრავლად.

თუ, ეს ქალაქი, შემიკრავს სუნთქვას,  
ვერ დაგიგულებ აირწინადად.  
აუ, რამდენი ღმერთით ვარ უკან,  
აუ, რამდენი ღამით წინა ვარ...

ვინ შემიცვალა ნაცნობი ზღვები,  
ანდა, ეს ნავი ვინ ანანავა?  
ძაღლების დაღრღნილ ძვლებითდა ვძღები,  
განგაში – ჩემი იავნანაა.

საკუთარ ღღეებს ვმარხავ გარშემო,  
თითქმის გავაგვსე გარეუბნები.  
დიდი ხანია, აღარ ვარსებობ,  
ოღონდ, ღედაჩემს არ ვეუბნებით.  
საუკუნოა ცისფერი სველა:

აღარასოდეს შემოვა მზე შინ!  
თავადვე მივალ, ამადამ, რძეში  
ამოვლებული სიზმრებით მზესთან.  
მეც მომბეზრდება წყლიანი მიწა  
და სულს დავიწვავ!

**განკუნძულება**

ჩვენთან, ნავსადგურის ექვ ღილაძედა,  
ჩვენი მოწვევა კი – ხეთქავს ქვას.  
აი, პოლონეთი,  
აი, ირლანდია,

აი, ამერიკა, გეთაყვა!  
ჩვენი უჩვენობა, წუხელ, ბოლომდე ვთქვი,  
ზღვაა – დაკბენილი იდაყვი.  
აი, ირლანდია,  
აი, პოლონეთი,  
აი, ამერიკა, გეთაყვა!  
ჩვენ მზეს ვეკითხებით:  
ძმაო, რა ფერი გაქვს,  
სიკვდილს ნუ იჩქარებ ღღეს და ხვალ.  
აი, ირლანდია,  
აი, ამერიკა,  
აი, პოლონეთი, გეთაყვა!  
ჩვენ, ამ ჭაობიდან ვზიდეთ ჭრილობები,  
ხეზე სხვანაირად ვერ ახვალ.  
აი, ჩრდილოელი,  
ათი ჩრდილოელი,  
ასი ჩრდილოელი, გეთაყვა!  
ამდენ ჩრდილოელში,  
ხელი მოვიჩრდილე,  
ვნახე: წყალი უნდა მენაყა.  
აღარც მამაჩემი,  
აღარც ჩემი შვილი,  
აღარც მე დავრჩები, გეთაყვა!

**გროვა**

ნისლები თმას სანამ იშრობენ,  
ხავსიან კომპარებს მოვირჩენ.  
როდესაც ყვითელი სიშორე  
და შემოდგომაა შორის ჩვენ –

ვკითხულობ ნევადურ ნოველებს,  
არ ვწერ, რომ გავგულო ქარიზმა.  
ზომ ხედავ, არაფერს მოველი,  
გაძვალტყავებული ქარისგან.

უძეგლოდ დაკარგულ ღმერთებზე  
ლოცვაა ყოველი ახალი  
დილა...ან სიმღერა მეთევზის,  
რომელიც ლოდინმა დაღალა.

ხან ადრე ვდგები, რომ ოთახი  
გავუთბო, ქუჩისკენ მიმავალ  
ყინვებს და ძალიან ცოტა ხნით  
ვიხსენებ კიდევაც, ვინა ვარ.

შინ უშენობაა, გარეთ კი  
ათასი მე ვარ და ამითლა  
ვერთობი... დანარჩენს არ გეტყვი!  
ახლა შემძლია, არ გითხრა!

თავისთვის ჟონავდა ონკანი  
და რიტმი ავიღე იქედან.  
თუ არშეკეთდება ზო კაი,  
თუ შეკეთდება და – მივხედავ.

„დალმა“ გადასულა ეზოდან,  
ცისკენ და მეცხრედ და ბოლოჯერ.

მხოლოდ შენიქარი მესმოდა,  
ვერ გემალებოდი მხოლოდ შენ,

როცა შემიფარა თავისი  
შავიბეწვითა და ლოკვებით.  
აღარ მესიზმრება და ისე  
მეუხერხულება, რომ ვეყვები...

გზა გახდა ერთი და მთლიანი,  
სამყოფი ყველასთვის და მეტიც.  
რამდენი ჭაობი გაიამბე,  
რამდენი ფანჯარა დაგკეტე.

ძარღვებში დასცემენ ბანაკებს,  
მინდვრებში დაღლილი ყინვები.  
არ მახსოვს, რა გელაპარაკე,  
ვღვინდები, ვძმარდები, ვღვინდები,

ვძმარდები და ასე იქნება,  
ჭურჭლიდან ვიდრე არ გადმოვალ.  
მთვარეა გვიანი მიგნება,  
ან მიტოვებული მადლობა.

გადამხდი იმდენი სიზმრის წინ  
და ღმერთიც ვიცვალე იმდენი...  
შვილი ვარ წითელი მიწისძვრის  
და პირში სიჩუმეს ვიტენი.

თვალეებსაც გავიხდი ბოლოსკენ,  
უბრალოდ იქამდე დროა ჯერ.  
ვაგროვებ, წლებია, მოლუსკის  
ნიჟარებს – მათი ხმა მომარჩენს.

სხვა დროა, დღეიდან ამ დამპალ  
ამინდებს ჭიქაში ვერ ჩაკლავ.  
ხან დღეში ორჯერაც ღამდება,  
ორივე დალახვროს ეშმაკმა!

ძარღვებში დასცემენ ბანაკებს,  
მინდვრებში დაღლილი ყინვები.  
არ მახსოვს, რა გელაპარაკე  
და სისულელეებს გიყვები.

### Left turn

დარგე სხეულში ქარიშხალი,  
წყალი დაუსხი პანიკურებს.  
დილის ლოცვები ჩაიშხამე,  
ტებილი ძილისგან განიკურნე!

ჭამე სირცხვილი და ტალახი,  
თოვე ახალი „ღარები“.  
შემოდგომები გადალახე,  
ნუღარც ფოთლები გახარებენ!

ნისლი მოიცვი განიერო  
და ტელეფონსაც ნუღარ ტენი.

მხოლოდ ყვითელზე გაიარე,  
მოხდეს, რაცაა მოსახდენი!

გადაშენების დარჩი პირას,  
არდაბრუნება დაამტკიცე  
და გატეხილი ფანჯრებიდან,  
შუშა მოირგე არათითზე!

გახდი ხმაური ქალაქების,  
დაგრჩეს სუყველა კარი ღია.  
ლექებს მარილი დააკელი,  
თვალეები ჭერით აიხვიე!

თვალე სხვაგზების გულისცემა,  
ლოკე სიჩუმე, გაგიჟებით.  
გადაიქეცი კულისებად,  
ჩამოიხიე აფიშები!

გადაულოცე ნეკნები და  
გამოისტუმრე ლილიტები!  
მიტოვებული კედლებია,  
სადაც გგზავნიან მივლინებით.

აჩუქე ღორებს მარგალიტი,  
ვენაში შიში შეიყვანე  
და დააარსე, მაგალითად –  
შეუმღარების ხეივანი.

დილის მადლისგან განიკურნე,  
ღამის ლოცვები ჩაიშხამე.  
წყალი დაუსხი პანიკურებს,  
დარგე სხეულში ქარიშხალი!

### ქარაშოტი

შენ რომ მოგწონდა სიამაყე  
ჩემი – წაიღო ქარაშოტმა.  
სასაცილო და ქარაფშუტა  
სიზმრები განმიიარაღე!  
ნაბახუსევემა, კომიკურად,  
გამითანაბრა ანგარიში.  
ასე მგონია, სანგარში ვარ  
და გადავრჩები, რომ გიყურებ.  
დღეს კი, როდესაც ველად ვრია  
წლები, რომლებმაც ჩაიარეს,  
იქნებ, მოხვიდე და იარებს  
ამოაცალო ყველა ტყვია.  
მოაჯირებმა და ფანჯრებმა  
როდემდე უნდა გამაჩერონ?! –  
ვინ იცის, იქნებ, დამაჯურო,  
რისიც, თვითონაც აღარ გჯერა.  
წვიმა ნერვებზე თამაშობდა,  
გავრბოდი მრავალწერტილიდან ...  
წლებმა წაიღეს წერილი და  
ის სიამაყე – ქარაშოტმა.



# ნიწო ჭინქლაც- ჭილიბაშვილი

\* \* \*

დაიღალა ღამე ბინდით...  
 შავი ნაბღის მოხღა უნღა...  
 მე სარკმელთან ჩუმაღ ვღნები –  
 გაღაიდროს, რაღა უნღა...  
 შემოფრქვევა თეთრი სხივის  
 ოი, როგორ მენატრება,  
 მაგრამ ღამის ნაზმანები  
 საღღაც მაინც მენანება...  
 და ჰა, ველი თუ ინათებს  
 ცის კამარა, მშვენიერი...  
 იქნებ, სწორედ ღღეს მიმართლებს,  
 ღღეს ვიქნები ბეღნიერი!

\* \* \*

საღამო იყო სიჩუმით სავესე...  
 სიცოცხლე საღღაც ჩუმაღ ტიროღა...  
 ტიროღა ისე უხმოღ სამყარო,  
 ხმა სინღისსაც არ გამოსჭვიოღა...  
 საღ მიმივევანე, რომელ ცთომილში,  
 რომელ ღრუბელზე დამიღე ბინა,  
 რომელ სამყაროს ვანღო სურვილი,  
 რომ შევეხიღო ზეცად და ხიღად...  
 გული ვინვებში ჩავარღნიღ მზეს ჰგავს,  
 გულს ზღაპრის ფერად სამოსში სძინავს,  
 როგორ მიღდა, რომ გამოვადვიო  
 და გამოვადგე ცხოვრების გიღად...  
 მაგრამ დახურა წვიმის ხმამ გული,  
 სიჩუმემ ზეცა დახატა უცხოღ,  
 ამ ღიად მხრებში ჩამალულ ამბორს  
 ვერ მოვუნახე თავი და ბოლო...  
 აღარ წამოვალ, გამიშვი, გესმის?!...  
 მე გამოვევები მთიებს შორიღან,  
 მოვალ სიჩუმედ წვიმის მორევეში  
 და სიყვარულის სუნთქვებს მოვიტან...  
 გემშვიღობები, სახელი არ გაქვს?!  
 მითხარი, ღეღამ რა დაგანათღა?!  
 მგონი გიცანი, სიტყვა ხარ ლოცვის,  
 ლოცვის სიმბოლო – „ამენ“ – შენა ხარ...  
 მაგრამ აქ მაინც ძნელია ღაღღა,  
 აქ ირგვლივ მხოლოღ შავი მთებია...  
 გემშვიღობები, მე ვერ წამოვალ,  
 მე ვერ წამოვალ, ვრჩები ღელიანს!

მე

წლების სიმრავლეში ღღემუღამ დაკარგული...  
 ღღემუღამ სხვა გრძობის პერანგი დაქარგული...  
 მიღღორში ნაკაღული, მთის წვერზე დაზამთრული...  
 ცივი სისოვლისგან ვინვისფერად გათანგული...  
 ქალი არარა, ღურჯკაბად განძარცვული...



გოგონად მოსული, ღიდ ქალად გაღაცმული...  
 ქალი წაქცეული, ქალი აღანძული...  
 ხე ცნობადობის, თქვენს ბაღში გაღარგული...  
 ყოველ განსაცღელს გმირულად გამართული...  
 ფიქრებში ჩაკარგული, ფიქრებში ჩამარხული...  
 ცოცხალი და მაინც მკვღარისფერად დახახული...  
 ქალი მზესავით, აწ უკვე გარღასული...  
 ქვას შერჩენიღი, ქვაში ასახული...  
 ქვაზე არეკლიღი, ვითარცა გაზაფხული...

\* \* \*

მოვა ზამთარი, სიცივე ნელა  
 შეეპარება თბიღისის ქუჩებს,  
 ნატკრის ხეებზე ასხმულ ოცნებებს  
 გარს შემოარტყამს ვინუღის ღრუბელს...  
 ჩამოზამთრღება აქ, ჩემს ოთახშიც  
 და ვინვად მოვა გულთბიღი ნატკრა,  
 მე აღარავინ შემიღებს კარებს,  
 და აღარავინ მეტყვის – მიყვარხარ...  
 და ჩამოვკღებით მე და ზამთარი  
 ჩემს გაციებულ ოთახის კართან...  
 ლოყას მივუშვერთ ვინუღის ამბორს  
 და ჩამოვღნებით სევდაღ და ღარღად...  
 მერე გაღავხვევთ ერთმანეთს ხელებს,  
 გარს შემოვიქსოვთ მოთეთრო კაბას...  
 და ასე ნეფე-პატარძალივით  
 ვეზიარებით ზეციურ ცარგვალს!

\* \* \*

რაღაცა სხვას დავექებღი...  
 სხვა სითბოს ვზრღიღი უბეში...  
 სულ წვეთ-წვეთობით გავღივ  
 თბიღი სუნთქვა და ნუგეში...  
 მივარეს ვუხმობღი მზეღაცღიღის  
 სახლებს ვუგებღი ღვინისფერს...  
 მიღღოღა ეთქვა, რომ წავალ

სასურველად თუ მიმიღებს...  
 მოლურჯო სიზმრებს ვახვევდი  
 ღამის კომპარის შიშის ქვეშ,  
 ისე ღამაზად ვგალობდი,  
 ისე ვიქნევი ჩიტის ფრთებს,  
 ისე ველოდი ცის გახსნას,  
 ისე ვხატავდი ღამაზ გზებს,  
 ისე ვეტროფიდი დილის სხივს,  
 ისე მივვარდა თბილი მზე,  
 ისეთ ოცნებებს ველტვოდი,  
 ვაგიზგიზებდი ფიქრის ცეცხლს,  
 ისეთ სიყვარულს ვეძებდი,  
 ვერასდროს რომ ვერ მივიღე...  
 არადა ფიქრი ყოველი,  
 ჩემი ყოველი მცდელობა  
 იყო ის ლურჯი სიზმარი,  
 მე რომ სასწაულ მჯეროდა...  
 რაზეც კი მიოცნებია  
 სხვას ახდენია უბრალოდ...  
 მე კი თქვენის ქვის კვერვითა  
 რად გამიმეტე, უფალო?!

\* \* \*

წვიმის წვეთები დაიდრენ ჯარად,  
 ბინდი ნებდება დილის ციალებს...  
 ის შემოდგომა, მე რომ მიპოვა,  
 ქოჩორს უვარცხნის ცინცხალ იარებს...  
 როგორ დავღლილვარ, სარკეში ვჩანვარ –  
 გაფერმკრთალებულს ვგავარ სოსანას...  
 ისე მაკლიხართ ამ რძისფერ ნისლში,  
 უღმერთოდ ვკივი – ღმერთო, ოსანა...  
 ისევ სარკე და ისევ ხარხარი,  
 სიბერის ნეშტი მაწვება თრთოლვად,  
 სველი სამყარო, პეწდაკარგული  
 მხრებზე მადგება დიდრონ კოლონად...  
 რა სიყვითლეა, რა სიღამაზე,  
 ეს დაღალული ვნების ხიბლია,  
 ნუ გამაჩუმებთ, მე მხოლოდ ვმღერი  
 და ვიბუხები, როგორც ნიბლია...  
 რაც გინდა, მთხოვეთ,  
 დღეს მე ვარ ღმერთი,  
 ჩემი სიმძიმის მე მეშინია,  
 მაგრამ რა ეუყოთ, სურვილი მებრძვის  
 და სიყვარულიც ვერ მომიკვლია...  
 თუ სათითაოდ უნდა წაიღოთ,  
 რაც ჩემში ჩადეს გოლიათებად,  
 მაშინ იჩქარეთ და გამაჩერეთ,  
 ოღონდ არ დასხდეთ მოტირალებად...  
 არ დაიტიროთ, ვინც უკვე მოდის,  
 ან ვინც აქ არის, არ დააქციოთ...  
 ის ანგელოზი, ჩვენში რომ გალობს,  
 ცის კვარცხლბეკიდან არ გააქციოთ...  
 და მე აქ ვარ და ვეგლაზე მდაბალს  
 წვიმა ხელს მირტყამს მოსისხარებად...  
 ვიღაც მიმხერის თეთრი მხერით და  
 ზღაპრის ბოლოსკენ მოიპარება...

\* \* \*

\* \* \*

ჩემთვის თუ კიდევ აყვავილდება  
 და აყვავებს ხეებს კვირტები,  
 აღარ გაგატან მხერას სიცივეს  
 და კიდევ ერთხელ აყვავილდება.  
 ასკინილებით მორბის ზაფხული,  
 ბავშვობა მარტში ისხამს ზიზილებს,  
 მინდა ვიპოვო ის ცისარტყელა,  
 სიბერეშიც რომ სტუმრად მიმიღებს...  
 რა სიღამაზე დულდა ტყეებში,  
 ლურჯი კაბები მიწის ქვეშ თრთოდა,  
 იის სურნელი ახსოვდათ ფოთლებს  
 და მარტის ციდან სიცოცხლე თოვლა...  
 როგორ მივვარდა ის აფეთქება,  
 თეთრი გვირილის გიჟური კოცნა,  
 მივვარდა, როცა უუძღვნიდი გვირგვინს  
 და ვჩურჩულებდი გრძნობებზე მორცხვად...  
 დღესაც ცისკარი აყვავდა ცაზე,  
 მზემ იგალობა ნატერის ხის ლოცვა,  
 მადლობა, ღმერთო, სიყვარულისთვის...  
 მადლობა, სულო, ასეთი რომ ხარ.

\* \* \*

ეს მერამდენედ ვერ გნახე წუხელ,  
 გეძებდი სიზმრად, გეძებდი ცხადში,  
 შენ ეფემერულს მისდევდი ტალღას  
 და ციმციმებდი შორეულ ზღვაში...  
 შენ სულ შორსა ხარ, მაშ როგორ გითხრა,  
 რომ გავიზარდე ოდესღაც ბავშვი  
 და ჩავაბარე დღევანდლობას  
 წვეთ-წვეთ ნალევი დაღლილი ქალი...  
 შენ მე მაშინებ და შიში ესე  
 იღუმალებით მბერავს და მსერავს,  
 შენ არ იყავი, პატარა გოგოს  
 რომ ამაცალე გვერდიდან დედა  
 და ჩამიტოვე სადღაც სოფელში  
 მიწის გორაკი და ჩუმი სევდა...  
 ისიც შენ იყავ, მე როცა მომკლეს,  
 ცივი თითებით ამართვეს სული  
 და მიმატოვეს ჯვარზე გაკრული,  
 სისხლის ცრემლებად გადმონთხეული,  
 ადამიანი ცოცხალი-მკვდარი,  
 ადამიანი მუმიის დარი  
 და მაინც ქალი თავისი არსით,  
 სულდაკარგული, ხორცილ ნაკვეში,  
 სხვისი ცხოვრების თარგით ნაკერი  
 და მაინც ქალი მთელი სხეულით...  
 და მაინც ქალი მთელი შიგთავსით...  
 ოღონდ მე არა, ვიღაცა სხვა...  
 სხეულით ჩემით, ჩემი გვარ-ტომით  
 დღესაც არსებობს ვიღაცა ქალი...  
 და მე ისა ვარ, და მე ის არ ვარ,  
 ვგრძნობ არსებობას, ჰო, ვიღაც სხვა ვარ...  
 შენ კი მოგდევ და ვერ გიჭერ ქარში,  
 რომ შეგეკითხო: ვინა ვარ, რა ვარ?

# მარი ჩაპებაძე

\* \* \*

მთვარემ სირმით ამოქარგა  
გაზაფხულის ქრიზოპრახი.  
ცა მკარნახობს ასე კარგად,  
თეთრად მოელვარე ფრაზებს.

ტბის ზედაპირს ააჭკველებს  
ქარი, თანაც გაიოცებს,—  
ნეტა წყალმა ამ ჭალებში  
მთვარის შუქზე რა ილოცა.

ვერ ამოთქვა პიპოთეზაც,  
დაებერა ლაყუნები,  
იბადები როცა თევზად  
და ტკივილი არ ყუჩდება...

ტბის თვალეებში მოტივტივე  
ამოუთქმელ სიზმრის ფერფლი,—  
ახლა გამლა მოტივია  
ტურმალინისფერი ფარფლის.

ასეც ცხარეს, ისეც მწარეს..  
ამ ცხოვრებას დამლაშავენ,  
ერთადერთი ცაზე მთვარე  
არ იქნება დამნაშავე.

\* \* \*

ქარვის მძივად ასხია ხეებს კარალიოკი,  
გზას უფარავს იარებს ხმელი ფოთლის ამაღლა,  
შეაშინებს ბალახებს ანცი ქარის წიოკი,  
ცა ცრემლიან ლურჯ თვალეებს, შორ ნისლეებში ჩამალავს.  
ვით წეროთა გუნდები, აფრენილი ფიქრები  
შემიპყრობენ მყოფადზე, სხეულს დამისუსტებენ,  
კარგად მოსჩანს აქედან აშევერილი რიფები,  
მე კი ოკეანეში ვერ ვიოკებ ზუსტ ნებებს.  
სანამ მომიახლოვდა, ნისლი ქარგაფანტული,  
სანამ ლურჯი თვალეები ზეცას ცრემლით ავესო,  
ხეს ჩემსავით დაურჩა გული გამოფატრული,  
მოდი რამე მიშველე, მოდი უზენაესო...

\* \* \*

აკუტაგავა საკურების სულებს აასაუბრებს,  
როგორ უხდებოდნენ საყურებლად ხეებს.  
და მათ საყურებლად ნიავეები მოდიოდნენ  
და ანიავებდნენ სურნელს.  
ჯერ მზე არ ამოსულა და გული ამომიწვა  
მთვარის შუქზე ნანახმა სიზმარმა...  
შემკრთალი ვარსკვლავები დადუმებულან,  
მარტოა მარტი – როგორც პოეტი,  
ათასი სურნელის გამოგონებელი.



ფერადი მუზები,  
ვერ გიზიარებენ ცხადად შესახებს.  
შენი სულია ვარსკვლავის უკან ამოფარებული,  
რომ ფათურობს და სიცხადის ეშინია.  
გადმოფრქვეული გაზაფხული  
გულებზე გვეცემა,  
და არითმია ირიდებს რითმებს.  
ლაბირინთებში შეგიტყუებს რიუნოსკე და თავს დაკარგავ.  
ეს უსახლკარო, ეული ქარი  
მაწუხებს, რადგან ვერგასაგებად  
უკრავს რაღაცას ბახის ფუგისებრს.

\* \* \*

ზოგჯერ სიკეთეს მიუძღვის ბრალი  
მთვარემ დაწოლა ჩემთან ინება,  
მე გადაეფურცლა მყოფადის ბრაილს,  
ბაგეს ღიმილი შეეყინება.

ტალღები ბგერის ამოგოგმანდა  
ლექსი ცხელებად სხეულს დაუვლის,  
რა ღრმაა განცდა გამოუთქმელი  
და რა მარტივი, – თქმის სასწაული.

ფოთლები ნახავს თვითფოთოლცვენას,  
მიწაზე დიდი სარკის დაგებით,  
დაიცვარება სილურჯის ფენა –  
ცაზე ვარსკვლავთა სარკოფაგები.

\* \* \*

ფანჯრის მინებზე შემოდგომა რომ წაიშლება,  
მოვა ზამთარი და მის ადგილს დაისაკუთრებს,

იმრამულებს ფერმწერივით და წავა შლეგად,  
ვერ დაესწრება ფოთოლცვენა დაისს აწ უკვე.

ცა თეთრად როცა მოიფიქრებს ჩვენთან საუბარს,  
აჯანყდებიან ეს ფიფქები დეკაბრისტებად,  
და ტანპოიზერს აღმოაჩენ თურმე სხვა უყვარს,—  
და ეს განცდები ცივია და დეკემბრისაა.

ღამის რომანსზე გამოსულან მთვარის სხივები,  
და მათი ნაზი ნატერფლები თოვლზე ეხატა,  
ეს ღამეები ყველასაგან განმასხვავებენ,—  
რომ ჩემი სული ახლა შენში შემოეხეტა.

\* \* \*

აპრილი აპრიალდა ასე უცაბედად,  
ცაზე ტოპაზები ელვარებენ,  
ქარმა შეამჩნია მღელვარება

ხეზე წამოჩიბულ ნორჩ კვირტებს.  
მწვანე ტბა ვარსკვლავებს დაისიზმრებს,  
და მზის დაისს მოუყვება ნანახს.  
ნათელი გაგრცელდება,  
დენდელიონები ნამს შეიშრობენ  
ქარვისფერ სახეზე.  
დაქანცული არსება ჩემი  
ფიქრს შეაგებებს ტყემლის თოთო კვირტს,  
დააკვირდება გაბადრულ მზერით.  
რას დაისიზმრებს ამ ღამით ზეცა,  
თუ არ დახუჭავს ციმციმა თვალებს?!..  
...და მუნჯი მთვარე როგორ მიაპბობს  
ურჩმა ქარებმა სად გადარეკეს  
წამოცდენილი შენი ფრაზები.  
მე ბევრ ტკივილებს ამ გაზაფხულზე როცა გავისხლავ,  
წვეთ-წვეთ წამოვა შვება სულიდან,  
რომ ფოთლოვანში ნიავს გავანდო  
წამოსაღები ამბავი შენთან.

## ნინო ჯალიძა

### მწყემსი ქალი მარიშკა (ნამდვილი ამბავი)

ჩვენთან, ჩემსა და თქვენს სამშობლოში რომ მოდიოდა,  
არ უტირია.

ისე დატოვა საკუთარი სხეულის ნაწილი საკუთარი  
სულის ნაწილთან, არ უფიქრია მათ შორის ოდესმე ფერ-  
ფლისფერი სამყარო თუ ჩადგებოდა. ჯერ არდაბადებული  
იმედებით მოემგზავრებოდა.

საკუთარი სახლის არარსებული ხის ჭიშკარი რომ გა-  
მოიხურა, მაშინ მოიხედა მხოლოდ, ხის სახლის მოქარგუ-  
ლი ფანჯრებიდან დედა იმზირებოდა მის მიღმა მიმავალი  
მზერით, გზას გაჰყურებდა. მარიშკასთვის არ შეუხედავს.  
თვალს არ სწევებდა ქვევით, ქალაქისკენ ჩამავალ ოდ-  
რო-ჩოდრო გზას...

თითქოს ქვევს თვლიდა, იმ ქვევს, საუკუნეებად რომ  
იქცეოდნენ ლოდინში.

შეილი გზის გასაყარზე იდგა. მარცხნივ უკრაინის  
თვალწევდენელი სტეპები იწყებოდა, უკვე მზით გადახ-  
რუკული ბალახისფერი. დედამ საკუთარი დედის მზერ-  
ას თვალი რომ მოსწევითა, შეიღმა მარჯვნივ გადადგა  
ნაბიჯი. მოკლე შარვალი ეცვა და დიდი ფეხსაცმელი...  
გრძელი ხელები ჰქონდა. ფართო ხელისგულები.

რაც უფრო იზრდებოდა, მით უფრო მატულობდა მის  
ხელისგულებზე დამსკდარი კოფრები. ზოგჯერ სისხლიც  
სდიოდა, ნაკეცებში ჩამჯდარ ჭუჭყს ჩამობანდა ხოლმე. არ  
მოსწონდა ბიჭს წითელი ხელისგულები, გაიქცეოდა და  
თივის ზეინს ჩამოუსმევდა ხელს. ალაგ-ალაგ დამსკდარ



კოფრებში ხმელი ბალახის ჩხვლეტას გრძნობდა... პირ-  
ველად მაშინ ისწავლა ტკივილის მოთმენა. ვერ იტანდა  
სისხლიან ხელისგულებს.

ეს მაშინ იყო. ახლა გზისგასაყარის მარჯვნივ იდგა.  
გზისგასაყარის გზის დასაწყისში. ქალაქისკენ რომ მიდ-  
იოდა იმ გზის. ამ გზაზე დედა უნდა წასულიყო.

არ იცოდა რა ეთქვა ქალისთვის, რომლის ნერვულ  
უჯრედებსაც დაატარებდა საკუთარ სხეულში. არ იცოდა  
როგორ დამშვიდობებოდა ქალს ამ გზას რომ ჩაივლიდნენ,



საუკუნეებამდე ქვეყნის გზას...

ოციოდე წუთი იარეს ფეხით, ოციოდე წუთი და ოციოდე არარსებული საუკუნე. ბოლოს ქვიანი გზა დასრულდა... შემდეგ ქალაქის გზა იწყებოდა...

ერთმანეთის პირისპირ იდგნენ. მარიშკა მკაფიოდ გრძობდა როგორ ფეთქავდა მისი შვილის გული შუასაყარში. ტკივილი აძლიერებდა გულისცემას და გზას დაეძებდა ბიჭის ნათელი თვალებისკენ ცრემლად რომ ქცეულიყო. მაგრამ ბიჭს თვალები ისე დაეხუჭა თითქოს ქუთუთოები დაეკეცათ მისთვის. მარიშკას მუდამ დამსკდარი ტუჩები ჰქონდა ქარისა და მზისგან. ახლაც მწველი სხივები დასთამაშებდნენ მტკივან ტუჩებზე. თვალები არც მაშინ გაუხელია ბიჭს დედის შეხება რომ იგრძნო...

თითქოს მისი სახის დამახსოვრებას ცდილობდა სამუდამოდ გონებაში. საკუთარ თავს ამეღებდა ქვეცნობიერად, რომ მოენატრებოდა თვალს დახუჭავდა და მის სახეს დაინახავდა.

„დაკემსილი“ თვალები დაუკონა მარიშკამ. დახუჭულ თვალებს მიღმა მხერა დაიმახსოვრა და ჰორიზონტს მიღმა მიმავალ გზას გაუყვა.. ხელბარგი არ ჰქონდა, მხოლოდ საკუთარი შვილის სევდა აკვიდებინა ზურგზე. უკრაინის სტეპებს ეშმიდებოდა დაკემსილთვალებიანი ბიჭის დედა

– მარიშკა, ულამაზესი სოფელია ჩვენი გომარეთ-სოფელი, ხალხი კეთილშობილი, სიკეთით სავსე, მზის სოფელია ჩვენი სოფელი, ფერმა, სადაც მარიშკას უნდა ემუშავა პატარა, მორაკრაკე მდინარის პირას იყო გაშენებული.

შრომას შეჩვეულ მარიშკას მუშაობა არ გასჭირვებია. სისხამ დილაზე დგებოდა, როცა მზის პირველი სხივი გამოჩნდებოდა სამყაროს აღმოსავლეთით, მოჭიკჭიკე ჩიტებთან ერთად ეგებებოდა ალიონს... ამ წუთებში, სადღაც მდინარის ქვეშ უკან მიეუწოდებოდა ხოლმე მისი ტკივილი... მთელი სხეულით გრძობდა, შორს უკრაინის სტეპებში მისი დაკემსილთვალებიანი ბიჭიც ასევე შეპყრებდა მზეს...

გული გულს გრძობდა... განსაკუთრებით მაშინ, ერთი სისხლი თუ მოედინებოდა ორივე გულში. დროდარო დედა საკუთარ გულს ხელისგულზე დაიდებდა და დიდხანს და დაჟინებით ათვალიერებდა... ეს გული სისხლის გუბედ რომ იქცა, მაშინ მიხვდნენ მოჭიკჭიკე ჩიტები შვილის გულს რომ ათვალიერებდა მარიშკა სინამდვილეში.

ძალიან უყვარდა თავისი ნაირფერი ძროხები, რიჟრაჟზე ბლავილით რომ აღვიძებდნენ არემარეს... თითქოს სიცოცხლე ახალ ძალას იძენდა ყოველ ახალ დღეს. მოვლა-პატრონობას არ აკლებდა მარიშკა ძროხებს, რომლებიც მაღლიერების ნიშნად სავსე ჯიქნებით ბრუნდებოდნენ სამოვრებიდან... ხელის შეხებით გრძობდა მარიშკა თანდათან როგორ ამდინარდა რძე სადინარებში.

ერთ დღეს, მაშინ როდესაც მარიშკას მზის საკუთარი სხივი ჩამოტყდა აღმოსავლეთის მხეს, ფერმა დაიხურა. დაკემსილთვალებიანი ბიჭს ცრემლი ჩაუდგა ჩამავებულ უპეებში. დედის წასვლის შემდეგ სტეპებს რამდენჯერმე ეცვალათ ფერი. გაოგნებული იდგა ჰორიზონტამდე მიმავალ გზაზე, ვერ გადაეწყვიტა შინ, უკრაინაში დაბრუნებულიყო ხელმოცარული თუ კვლავ ებრძოლა ჯერად-აბადებული იმედის დაბადებისთვის... თავადაც დაეხუჭა თვალები. საკუთარ თავს უმხერდა ფერფლისფერი სამყაროდან, საკუთარ დაწყვეტილ ნერვებს და გულს უკან

დამალულ სევდას. შვილი ენატრებოდა ძალიან. მხოლოდ გულით არა, ნერვებით. ბოლოს დარჩენა გადაწყვიტა, შემოდგომამდე თითქოს.

კეთილ ხალხს რა გამოლევს ჩვენს გომარეთ-სოფელში... ერთ-ერთ მაღლიან ოჯახს შეუფარებია, თბილი კერა შეუთავაზებიათ და საჭმელ-სასმელიც უხვად მიუწოდებიათ მისთვის.

მარიშკა მწველავად მუშაობდა... ქათქათა თბილი რძით რომ აავსებდა სათლებს და საქონელს დააბინავებდა, ოთახში შეიპარებოდა და დიდხანს იდგა სარკესთან.

არავინ იცოდა რას ფიქრობდა ამ დროს.

საკუთარ თვალებს აკვირდებოდა დიდხანს, საკუთარ თვალებში დაეძებდა შვილის სილუეტს ასე ძალიან რომ ენატრებოდა. შინაგანი ტკივილის მიუხედავად ბოლო დროს მარიშკა ძალიან დამშვენებულია, სხეულის ფორმები შევსებოდა და თვალებში უცნაური იმედი ჩასახლებოდა. ახალგაზრდა მწვემსი სტუმრობდა ოჯახს, ბოლო დროს ხშირად. მარიშკას გულს, შვილს რომ ეკუთვნოდა პატარა ნატეხი ჩამოსტეხია ახალგაზრდა მწვემსისთვის.

გამთენიისას გაუდგნენ გზას. მღუმარედ მიეგებოდნენ ცხვრის ფარას... გომარეთის ქვიან ფერდობზე რომ შეფენილიყო უკვე. ალაგ-ალაგ ბატკნების გაუბედავი ბლავილი ისმოდა ნაცრისფერ სივრცეში.

მესამე დღე იყო იმედის გაჩენიდან. მესამე დღე იყო შვილს რომ ვერ უკავშირდებოდა. მესამე დღე იყო... გული სისხლად რომ იწყებებოდა. ომი რომ დაიწყო, კახეთის გზას ადგნენ, კაშკაშა მზე ანათებდა, ქათქათა ხუჭუჭა ბატკნები მზის სხივებთან თამაშით ირთობდნენ თავს. მარიშკა იქვე, ხის ძირში ჩამომჯდარიყო და თვალდახუჭული ისრუტავდა მზის სითბოს. ხეს ხმელი ტოტები და მიწაში ღრმად გადგმული ფესვები ჰქონდა. ჯერ ცოცხალი.

ამბავი კეთილმა მწვემსმა მოუტანა. პირველად მაშინ ატირდა გული. შუასაყარში კედლებს ეხეთქებოდა გალიის ჩიტივით. ტკივილამდე უნდოდა შვილის ნახვა. საკუთარ ხელს უკბინა ჩუმად. თითქოს ტკივილი შეუმსუბუქდა.

ტკივილმა ტკივილი ჩაახშო.

დანიშნულების ადგილს რომ მიაღწიეს მზე ფერდობებს უკან ჩამალულიყო უკვე. ჰაერივით ისრუტავდა მარიშკა ომის ამბებს, მუდამ ეკითხებოდა კეთილ მწვემსს. მოვლას არ აკლებდა მწვემსი, მაგრამ ილეოდა მარიშკა. შვილი ენატრებოდა, შვილის ხმა ჩაესმოდა, შვილს ეძახდა. ომში წასულ დაკემსილთვალებიანი ბიჭს.

გამთენიისას ჩამოვარდნილა ჭურვი. ერთ მთლიანობად ქცეულა სტეპი და სოფელი. ფართოდ გახელილი უძრავი თვალებით იზირებოდა ოდესღაც დაკემსილთვალებიანი ბიჭი. ბავშვობაში მარიშკას ჰგავდა... დედასავით ნათელი თვალები და გრძელი ხელები ჰქონია თურმე.

დიდხანს მდგარა კართან კეთილი მწვემსი, იქამდე სანამ მარიშკას თავად არ გამოუხედავს დაგვიანებით შემფოთებულს. კითხვა უსწავლია უცხო ქვეყანაში, ფიქრების კითხვა, ადამიანების დატანჯულ სახეებზე. შვილის სიკვდილი რომ ამოუკითხავს, საკუთარი ხელით ამოუგლეჯია საკუთარი გული. კახეთში დაუკრძალავთ. მაღლიანი კაცი ყოფილა მწვემსი.

მარიშკას საფლავზე ხშირად შეამჩნევთ ერთ ცალ მოფარფატე პეპელას, ადამიანის სულს რომ ჰგავს ძალიან.

# თენგიზ ჰავაშვილი

## გამომიგლოვებს ზერა თბილისის...

უხმოდ ჩამოჯდა მგზავრი დაღლილი,  
 მზე, იქვე ზეცის ცისფერ ტატნობთან.  
 იყო სიმრავლე გაცრეცილ ლილის,  
 შენი თვალების ფერს, რომ ნატრობდა.  
 შეუცნობელი ზეცა კვლავ მიხმობს,  
 ცრემლით მილამბავს მოგრძო ნაბიჯებს.  
 აქ სხვა სიმაღლეს ვეღარ დავიპყრობ,  
 სიზმრებში, თუ არ შემოაბიჯებ.  
 დამეც შეშლილი, გადარეული  
 ღრუბელს უსწორებს სიზმრის ნაკეცებს  
 და გადაფურცვლა წლების რვეულის,  
 კვლავ ნახვის სურვილს გამიასკეცებს.  
 მაცდურად სდუმან ცაცხვის რიგები,  
 სულში მოცისფრო ათინათია.  
 მჯერა, უფალსაც შევირიგებდი,  
 მეც, რომ მყოლოდა ათი ნათლია.  
 ვეყრები ამდენ უიღბლო სახეს,  
 ათასი ჯურის ნაცად „შაითანს“.  
 სიკეთე ვერვის ვერ დავანახე,  
 უნემობასაც, ვიცი აიტანთ!  
 და შევერევი მოლურჯო ზეცას,  
 ეგ თბილი მხერაც ვეღარ დამიცავს  
 შენსკენ საფრენ ფრთებს შემოვიკეცავ  
 და ჩამიხუტებს მშობელი მიწა.  
 ვტოვებ სამყაროს შეურიგალი,  
 გზას გავუყვები აღმა სვენებით.  
 მაშინ ჩაცხრება სულშიც გრიგალი,  
 როცა აქედან გამასვენებენ...  
 გამომიგლოვებს ზეცა თბილისის,  
 დავტოვებ ლექსებს შენთვის მსტოვრებად.  
 ერთი ბედკრული კაცი, ვინ იცის,  
 ვეჭვობ, რომ ვინმეს ემანსოვრება...

## როგორ უაზროდ...

იცი, უშენოდ ხრიოკია სულის უდაბნო,  
 სულში ტკივილი ილექება ცრემლის ქანებად.  
 ეს დღეც უშენოდ მიიღია, როგორ უბრალოდ,  
 დავიწყებისთვის უფსკრულში, რომ მიექანება.  
 დამე უშენოდ ძლივს გავლიე ვაინაჩრობით,  
 ვგონებ, მგოსანმა შენთვის ყელიც ვერ მოიღერა.  
 შენთვის ეს ლექსი შესაძლოა დღეს იყოს ბოლო,  
 როგორც გედისთვის, მომაკვდავის ბოლო სიმღერა.  
 სული კი უკვე განცხრომისთვის ზეცას მიელტვის,  
 სულ არ მჭირდება ტიტულები, ყალბი დიდება.  
 როცა მე წავალ, სანუგეშოს არავინ გეტყვის,  
 შენი აქ მართოდ დატოვებაც გამიჭირდება.  
 მდუმარეს უტყვი, მოლივლივე ლურჯი ცა მიმზერს  
 და მეწამული უშენობა დაღად მატყვია.



იცი, გულისთვის ამაღამაც შენ ხარ სამიზნე,  
 ლექსი კი გულში ჩარჩენილი ბოლო ბრმა ტყვია...  
 როგორ უაზროდ დაიშრიტა სულის უდაბნო,  
 გულში ვარამი ილექება სისხლის ქანებად.  
 ეს დღეც უშენოდ მიიღია, როგორ უბრალოდ,  
 დავიწყებისთვის უფსკრულში, რომ მიექანება...

## და დამრჩა დღემდე...

ჯვართან ღრუბლების კვლავ ქაქანია,  
 გამოვციდი არმაზს, მცხეთას, „ნარეკვავს“,  
 მთვარემ ვარსკვლავნი აქ რა ხანია,  
 ცად საბალახოდ უკვე გარეკა.  
 მგონია ურიცხვ ვარსკვლავთ კრებული,  
 შენს საამებლად შენთვის აენთო.  
 გექონდა ალერსი მონატრებული  
 და სიყვარულიც გექონდა საერთო.  
 გრძნობა დღეს გულში ვერ დავატიე,  
 განვუდექ დამეს, მოვხუჭე თვალი.  
 რა გულსაკლავად მღერის მატყე,  
 ვნანობ, რომ ჩემი არ რჩება კვალი.  
 სიკეთის თესლი გზა-გზა ვარიგე,  
 წინ მხედება მხოლოდ უიმედობა.  
 მე უფალი მყავს მხოლოდ გამრიგე,  
 გულის კუნჭულში ვიცი მენდობა.  
 დღეს მენატრება აგვისტოს ზვატი,  
 ხან კაირო და ხანაც დაკარი  
 და დამრჩა შენი ძვირფასი ხატი,  
 უძილო დამის ნაქანდაკარი.  
 რად მომანატრე აპრილის ზეცა,  
 სული ჯვარცმისთვის რად გაიმეტე?!  
 დღეს უშენობა მიერეკება,  
 ჩემს გადარჩენილი ბოლო იმედებს...

**დავანებული უკვე სიოც მღლის...**

დეკემბრის ღამე მიხდის პარაკლისს,  
 უშენობა მკლავს ეგზომ ძალიან.  
 ვერ ვეგუები კოცნის დანაკლისს,  
 გულმა უშენოდ წლები გალია.  
 მღუმარე არის ჩემს წინ სამყარო,  
 საწუთროს გზებზეც შემომადამდა.  
 არ მსურს მაგ მხერას კიდევ გამყარო,  
 და მიმითვალოს „ძილმა საღათას“.  
 დავანებული უკვე სიოც მღლის,  
 მწუხრი უნდობლად მიჭერს არტახებს.  
 ცხოვრება თუა ტკობა სიცოცხლით,  
 მამ მძიმე წარსულს რად მიპარტახებს.  
 გაღიოქარუნეს ბედის რაშეგმა,  
 ასე როდემდის ვდიო კუმ ურდოს.  
 დღეს ბედისწერაც მეთამაშება,  
 შენს თავს ვავედრებ, ისევე კუმურდოს.  
 არ ვიცი, კიდევ რით განუგემო,  
 ეს დღე და ღამე მე ვით გაეყარო.  
 ვარ დაჩოქილი უფალთან ფეხითთ,  
 თავზე მემხოდა მთელი სამყარო.  
 და ეხეთქება სული დაღლილი,  
 ჩუმი გრძნობების დამცხრალ კანიონს.  
 უშენოდ მიწვევს უნდა გავიგნო,  
 გზა სამერმისო და სახვალისო.  
 შენც დაბრუნდები თეთრ გერბერებად,  
 გაზაფხულებად ანდა იებად.  
 აღარ დაგიტოვლი ნაზამთრალ დღეებს,  
 მაინც იცი, რომ გეპატიება.  
 ის წლები წარსულს ლექსად შეახმა  
 და მონატრების ვერთვი იმ ღვარებს.  
 კვლავ შემეყვარო გინდა ხელახლა  
 ან კი როდისღა გადამიყვარე.  
 მივდივარ შენი დარდი მიმეყვება  
 და გულის კარი გადანარაზი.  
 ვერეს ხეობა გიკოცნის კალთას,  
 მე კი მაცილებს ხევი ვარაზის...

**ვერა, ჩავლილ ნლოვს ვერ გავაჭანე...**

ისევე თოვს ჩემთან და თოვლი ფარავს,  
 შენს ფრესკებს, ჩემი სულის ნატყვიარს.  
 და ქანცგალეულ ჩემს ყრმობას მარად  
 ეგ ნატერფალი დღემდე ატყვია.  
 ჟამმა გარიფა, გაინაპირა,  
 ლალი ანცობა, ჩემი სიმარდე.  
 სულში შემოხველ სუნთქვად, აპრილად,  
 გიჟი ვიქნები, რომ არ მიყვარდე.  
 სასწაულია, შევძელი დღესაც

იდუმალ წლებთან სულის ლაციცი,  
 გამსგავსე მაშინ მოვარესაც, მხესაც,  
 დღეს მცირეა, თუმცა რაც იცი.  
 გიჟი ვიქნები ამ გადარეულ  
 სტრიქონს არ დაჰყვეს ძველი სიშლეკე.  
 ავიტან მასაც ღამით მოვარეულს,  
 სალი კლდის ფიქალს ურცხვად მიშენდენ.  
 შენთვის ვებრძოდი ურიცხვ სატანებს,  
 თუმც არ ვყოფილვარ ბრგე და ახმახი.  
 ვერა, ჩავლილ წლებს ვერ გავატანე,  
 შენი ბავშვური ეგ მონაჩმახი.  
 დღეს კი კვლავ სევდამ დამიმარტოვა,  
 სისხლს უშენობის ხიბლი ახუნებს.  
 მალე დეკემბრის სუსხი და თოვა  
 კარებს შენსავით გაიჯახუნებს...

**ფრო დამიდგა ჭირთა თმენის...**

ახლა ლექსი თუ გიშველის, ამ გულს დანამწყემსები,  
 თუ ვიცოცხლებთ, ისევე შენით, მე და ჩემი ლექსები.  
 უშენობის ეხ, რამდენი გადის წელი, გადის თვე,  
 ამ დამესაც მერამდენედ ტკიბლ სიზმრებთან გაგიოთვე.  
 ახლა დამის წუხილს ვატან ძველ შფოთსა და ფორიაქს,  
 შენს ნახვისას რომ მიპყრობდა ვნების ეიფორია.  
 იქნებ დარდის გარდასახვის დაღვა უამინდობა,  
 არც სურვილი შეგრჩა ნახვის, ან კი როდის გინდოდა.  
 შენი ცივი სიმარტოვე თან მღევს მრუმე ლანდივით,  
 ძველ სიყვარულს ვერ ვიბრუნებ, ვეღარც ბუმერანგივით.  
 დღემდე მწარედ მღვენის ბედი, მიფენს ტანჯვის საფანელს,  
 დრო დამიდგა ჭირთა თმენის, სულიც ვერ მივაფარე.  
 ალბათ მალე ჩუმი ვნების სუნთქვა შემეკიჟინებს,  
 ტანზე მორცხვად შემაშრება შენი ვნების სიგიჟე.  
 ამ ქვეყნიდან გავიყოლებ ათას დარდს და საფიქრალს,  
 წუთისოფლის ქარბორბალა წლებსაც თეთრად დაფიქრავს.  
 მერე დინჯად გაუყვები ჩემს დათოვლილ ბილიკებს  
 და საწუთროც, დარცხვენელი, ვეღარ გამაქილიკებს.  
 მარტობის ეხ, რამდენი გავა წელი, გავა თვე,  
 რამდენ დამეს კიდევ თეთრად შენზედ ფიქრში გავათოვე...

**ლამის ეს ღამე...**

გაყუჩდა ღამე, მიილია ყრუ დღის ზმანება,  
 ფიქრებში ნათრევს აქ მომინდა დღეს დავანება.  
 წლების ფილაქანს ეხეთქება ტკივილის ლოდი,  
 უკვე წლებია, ვეღარ უძლებს საშინელ ლოდინს.  
 მწარედ გიხსენებ შენს ცრემლიან, დაღალულ დაწვეზე,  
 ლამის ეს ღამეც გაცრეცილი უშენოდ დაწვეს.  
 შენთან მოვედი ნამთვრალევი, თვალებს ძლივს ვახელ,  
 რომ ვეამბორო შენს სპეტაკ და უმწიკვლო სახელს.

სტრიქონში ცოცხლობ, ვით ამ გულში ჩემი ნიბლია,  
 რაც წლები გადის უშენობა არ შემძლია.  
 ჩემი მფარველი მუზა ხარ და ჩემი თილისმა,  
 მე უშენობამ შემაყვარა ასე ღვინის სმა.  
 მჯერა ეს ლექსი არ გახდება ლოდი საყორე,  
 ცივი დეკემბრის სიმარტოვეს არ გამაყოლებ.  
 დაულაშქრავი დამრჩა ბაგის ალპური ზონა,  
 სულში ნევადა ჩამიქციე და არიზონა.  
 ნუ ეხეთქები დამზრალ სულის მცოცავ აისბერგს,  
 სიზმრის ტბორებში სილუეტი გზას ვერ გაიგნებს.  
 დამე უშენოდ ეფერება სოფლის ორღობეს,  
 აქ რა ხანია ერთი-ორზე ჩემთვის მოღობეს.  
 მომენატრე და... შენს ვნებიან დაღალულ დაწვზე,  
 ლამის ეს ღამეც გაცრეცილი უშენოდ დაწვეს...

**აღარ დამიტოვე სხვა გზა...**

როგორ ამერია თავგზა,  
 სტრიქონს შევალე წლები,  
 დღემდე დამატარებ გზა-გზა,  
 ტრფობის ნაღვერდალზე ვღნები.  
 ისევ უშენობას ვჩივი,  
 გულიც მარტობას ჩემობს,  
 ბედი ამიმხედრდა იცი?  
 შარბათს ვერ გავუგე გემო.  
 ახლა მინავლული წლების,  
 ტკივილს ვიხსენებ და ვგოდებ,  
 ისევ უშენობა ზაფრავს,  
 სულის ძგიდესა და კბოღეს.  
 უძოს ეპარება ბინდი,  
 დამე ყორნისფერი მოღის,  
 ისევ მარტობით ვუძღებ,  
 ლოდინს, უსაშველო ლოდინს.  
 როგორ ამირიე თავგზა,  
 ტანზე შემომაცვდა წლები,  
 აღარ დამიტოვე სხვა გზა,  
 ლექსად სანთელივით ვღნები...

**ვიდრე მერ ნავალ...**

შენ მწარედ დუმხარ, მე კი უშენოდ  
 გამიწვრა ძელქვა, არ ჰყვავის ნუში  
 და ამ საღამოს, გადარეული  
 სტრიქონს ვიხუტებ სათუთად გულში.  
 არა, არ შეგვრჩა დედის რძესავით,  
 ზღვა სიყვარული ზღვარს გადასული.  
 შენი თვალები ცეცხლის მკვესავი,  
 გულს მიმძიმებენ უკვე წარსულით.  
 ვიდრე მეც წავალ, ისევ ღვთის ნებით,  
 ვიცი დარჩენაც არრას მომიტანს.  
 დაიწერება ერთი რიგითი,  
 ლექსად დაღვრილი სულის ქრონიკა.  
 ჯერ კი ფერფლიდან აღდგა სამთავრო,  
 ვეღარ დამთრგუნავ, მძიმე სასჯელო!  
 ძველ მივიწყებულ ფრესკას ვამთავრებ,  
 ერთი შემღილი მიქელანჯელო...

**და გულის მიბორგებ...**

გადითარემა შენსავით შლეგმა  
 და უსაშველო ცივმა ქარებმა.  
 მარტოდ შემოვრჩი სტრიქონის დღეგმას  
 და თვალზე რული არ მეკარება.  
 დამით მესტუმრენ მუზის ღმერთები,  
 ლექსიც სისხლივით გადმომედინა.  
 თუ სტრიქონებში გაგაღმერთებდი  
 დღემდე, ვერასგზით წარმომედგინა.  
 ეს ლექსი დღესაც ქილიკს ვერ ასცდა,  
 მით გულს მიბორგებ ამ გულის შიგნით.  
 ვერა, ვერ მთრგუნავს სიკვდილის განცდა  
 და უსასრულო მნახველის რიგი.  
 დღემდე ცხოვრება არ მქონდა მყუდრო,  
 იყო ბრძოლები, დეღგმა, ქაოსი.  
 დრო-ჟამი მნაცრავს უფრო და უფრო,  
 ვით მდუმარება სასაფლაოსი.  
 არ მომასვენა ფიქრმა ნაშაღმა,  
 ჟამი მაცდური სავალს მიქონის.  
 ლოდინმა გახრა ლაგამ-ავშარა  
 და გამომტყუა კიდეც სტრიქონი.  
 ფერფლიდან აღსდგა სულში სეული,  
 კართაგენი და ძველი მედინა.  
 ეს ლექსი ჩემგან ანასეული,  
 ვიდრე სტრიქონზე ჩამომეძინა...

**მტოვებენ წლები...**

ამ ღამეს დღესაც ლექსთან გაავათევ,  
 თუ დამევა სული ნადეღგამარი.  
 გადაწოლილა უძოსთან დამე,  
 ვით ხეობაზე შავი ქამარი.  
 ამდენ სიზმარ-ცხადს ვეღარ ვერევი  
 და მარტობის სევდა მაცოფებს  
 რომ წვიმის მსგავსად მეც შევერევი,  
 ჩემი ქალაქის მღვრიე ღვარცოფებს.  
 გამოვიარე ჩემი გოლგოთა,  
 მე კი მგონია, ისევ თოთო ვარ.  
 მზერას ვირიღებ მერე როგორთა,  
 წლების ქარბუქში რახან მოთოვა.  
 დამე ძლივს იკვლევს გზასა და სამანს,  
 შენსავით ცივი მთვარეც როგორ თრთის.  
 ვგონებ დასრულდა აქ ჩემი დრამაც,  
 როგორც სასრული დიდი გოლგოთის.  
 გამოვიარე ჟამი უნდილი,  
 ათასი ჯვარცმა, მძიმე გოლგოთა.  
 მაგ თმის სურნელს და ვარდის სუნს დილის,  
 მზერა მოვწვევით, მერე როგორთა.  
 წლების ქარბუქმაც გადაიარა,  
 მტოვებენ წლები შინდის მწიფობის.  
 სულზე დამაჩნდი დაღად, იარად,  
 დღემდე ვერ შევძელ, გითხრა: მშვიდობით!



# მანანა თარაშვილი

## ზამთრის დილა ალაზანზე

ზამთრის მუსიკა გამეფებულა,  
 დაკონილია სითეთრით მიწა,  
 ზეცამ აუშვა სინათლის ქულა  
 და გათენებას ნიშანი მისცა.  
 მზე მესიჯებად სხივებს აგზავნის,  
 რომ დაათბუნოს ყველა ღიობი,  
 სიო ამაოდ ცდილობს დავარცხნოს,  
 ქოჩორნაფხანი კავკასიონი.  
 ტირიფი ტოკავს წყლის პირს ეული  
 და სიბრალულით უმხერს ალაზანს,  
 წარსულის სისხლით ბებერ სხეულში  
 ძლიეს მოაგორებს სველ ძვლებს დანაშაღს.  
 ტყეში მეტყევე უხმობს ვილაცას,  
 ცხვარ-საქონელი ბლავის ბაგაში,  
 ჭირხლის საბანქვეშ, რა ქნას მიწამაც,  
 ვედარ სთავაზობს გულ-მკერდს გადაშლილს.  
 ეინვა გარემოს თათებით ფხაჭნის,  
 ყველაზე მეტად ნიბლიებს უჭირთ,  
 სიცხევე სულმდგმულთ ძალ-ღონეს აცლის  
 და ალაზანიც კავკავეებს სუსხით.

## ნიკორა

იყო, არა იყო რა,  
 ბედისწერის ნიკორა  
 მერქინება ყოველდღე  
 და სავალ გზებს მიტორავს.  
 არც ბავშვობა მაცალა,  
 ცრემლისაგან დამცალა,  
 ვერც ვიცხოვრე სურვილით,  
 დავიბორკე დუმილით;  
 დრო-ჟამს წამნი ვაწიწკნე  
 ხელოვნების ტრფიალით,  
 სანატრელი მიხადეს  
 ზე-სიტყვების ციალი;  
 პოეზიის მეჯლისზე  
 ბევრჯერ დამაგვიანდა,  
 სიტყვა საქმემ ამართვა,  
 გაყვევ ყოფით ლიანდაგს;  
 მუზას რაღას უშველი  
 უწრფელესი ბოლიშით,  
 ხშირად აცრემლებულა  
 ჩემი მოცლის ლოდინში;  
 თავი ვერ დავიყუდნე,  
 მსაჯეს, როგორც გომბიო,  
 ერთად გადამირიეს  
 ფეტვი, ბარდა, ლობიო;  
 სიყვარული მიკორტნეს,  
 როგორც ვაჟას არწივი,  
 მაგრამ გადავარჩინე



უფლისაგან აცრილი;  
 ვისაც არ დაეზარა,  
 გულზე გადამიარა,  
 მაინც ვერ მახოროტეს,  
 შევკარ ყველა იარა;  
 უთმენელი ვითმინე,  
 გულმტირალმა ვიცინე,  
 ვემედგარე განსაცდელთ,  
 არ ვეპუე განაჩენთ,  
 მხოლოდ უფლის შეწევნით  
 ნება-ნება მივგორავ,  
 იყო, არა იყო რა,  
 გეყო, ჩემო ნიკორა!!!

## ფოთოლცვენა

ფოთოლცვენაა, ცვლილება ხეში,  
 სიკვდილ-სიცოცხლის მიჯნაზე ყოფნის,  
 ფოთოლცვენაა, ვით საწნახელში  
 ფეხქვეშ სრესავენ იმედებს ფოთლის.  
 ვუმხერ სარკლიდან და ვფიქრობ ისევ,  
 შემოდგომის მზე ირგებს ლაბადას,  
 ქარი ზეიმობს და თავბრუს იხვევს,  
 შიშველ ხეებთან ცეკვავს „ლაამბადას“.  
 ბზარი გაუჩნდა ჰაერის სითბოს,  
 გაუთითოვდა მნათობს სხივები  
 და შემცივნულმა კავკასიონმა  
 ამოახველა ნისლის ფთილები.  
 რა უცნაურად დაჰბედეს ფოთოლთ,  
 უნდა იხადონ ზამთრის ვალები,  
 ვინ ეკითხებათ, არ მოსწონთ-მოსწონთ,  
 ჟამი დაუდგათ გარდაცვალების.

ფოთოლცვენაა...

სპექტაკლი სამისთვის

სპექტაკლი დაიწყო,  
როლები გაიყო,  
მუსიკას უკვეთავს ვიღაცა მესამე;

ვთამაშობთ იდილიას,  
ჩვენს გულში ჭიდილია,  
ჩემი სიძულვილით თანდათან გგესლავენ;

„ნიჭიერ მსახიობს“  
როლი არ გამოგდის,  
სივალბე არ უხდება ერთგულებას;  
მესამე ხალისობს,  
რადაცას ჩალიჩობს,  
მე მხოლოდ ერთი გზა მეგულება;

სპექტაკლი მდორეა,  
ფინალი სწორეა –  
მე უნდა გაგიღე კულისებში...

მნიფონის სეზონი მოზრძანდება

ნიაჲმა ფოთლები ააშარიმურა,  
სიცოცხლემ ჩამჩურჩულა ყურში,  
სიცივე სიმწვანის მიღმა გაიტრუნა,  
თითქოსდა არც ყოფილა გუშინ.

სურნელი, სურნელი ფერად ყვავილების,  
უამობა ტრფილის ვარდთა,  
სოსნები, შროშნები, პრანჭია კესანები,  
მინდვრების საზღვრებსაც გასცდა.

ზაფხულს ეგებება ანცი გაზაფხული,  
ველარ უმკლავდება ლოდინს,  
ზეცას ახმინებს ელვით დაზაფრული,  
შხაპუნა წვიმებით ლოდინს.

რაც კი გაიკვირტა, რამაც იყვავილა,  
ხონჩით მიაგება დობილს,  
მწიფობის სეზონმაც ძღვენი ითავისა,  
მხურვალე ამბორით მოდის.

გადამიფუცდა...

მექინქლავება თითქოს ფორტუნა,  
ძნელად იმეტებს ჩემთვის სიამეს,  
გავკვალავ ბილიკს, კვლავ ინამქრება,  
ოცნებაც ღრუბლებს მიღმა ციალებს.

უკვე გაზრდილიც ვერ შეველიე,  
ტანს მიკანკალებს ბარტყის ბუმბული,  
თავს არ მანებებს ფიქრების ჯარი,  
ავბედისწერით ამოგუნგლული.

არც ვიშიშე და არც მიმხდალია,

მერეხს ვედეჲი თავგამეტებით,  
გაღამიფუცდა ტკივილის ცოში,  
ამ სამყაროში ველარ ვეტევი...

ავღანეთში წასულ მეუღლეს

დაბადების დღეს გილოცავ, ჩემო,  
წლების მერეც შენს სიყვარულს ვჩემობ,  
ამღერებულ ნიაჲს ვატან ამბორს,  
წლების მერეც მე იგივეს ვამბობ:  
არ ხუნდება ჭეშმარიტი გრძნობა,  
წლების მერე მეტი გზნება მოვა,  
წლების მერე დაღვინებულ მაჭარს  
სისხლისაკენ სულ სხვა ეშხი „ქაჩავს“.  
ავღანეთის ტრამალებში წასულს  
დაგადევნებ აწმყოსა და წარსულს,  
გიგემია ბევრი ბრძოლა ცხელი,  
აფხაზეთის და ცხინვალის დღენი.  
შენი მკერდით ეაბჯარე მამულს,  
ვინ დაგიოვლის განცილსა და ნახულს,  
საქართველოს ჯარისკაციო, მუდამ  
შენი ქვეყნის ძლიერება გსურდა.  
ღმერთს მაღლობა, გული ქებას მერჩის,  
სანატრელიც რაღა არის მეტი,  
მამრნაკლები მსოფლიო რომ „გიჟობს“,  
კაცურ-კაცის ცოლობაა ჯილდო.

ასიყვარულეთ

ასიყვარულეთ სიყვარული, გემუდარებით,  
მთელი არსებით, გულით, საქმით, თუნდაც თვალებით,  
აფენთხეთ გული, რომ დასცვივდეს სითბოს დადარი,  
უგულო ხალხში უგულობა, ნეტავ, რად არის;

ასიყვარულეთ სიყვარული, რას ემართლებით,  
კვლავ ყვაყვარჯნეთ აზრით, რწმენით და შემართებით,  
სულ ნუ მოაშობთ, ამოსუნთქვის მიეცით შანსი,  
რომ იშრიალოს გაღაღებით სიცოცხლის ვალსი.

ნუთუ ბოლომდე დაგიჩლუნგდათ გრძნობის საცეცი,  
აღარ შემოგრნათ სიყვარულის თუნდაც ნამცეცი,  
ველარ იხსენებთ, რა დიდია სულის ზეიმი,  
ან ვის უნახავს კაცთმოღმეიდან ურვის ხეირი.

ასიყვარულეთ სიყვარულის ციციანათელა,  
რომ კვლავ დაბრუნდეს თქვენს გულებში მისი ნათება,  
გადაირეცხეთ სიავისა მთქმელი და მქმნელი,  
ღვარძლის ღვარცოფით გაბიღნული გონება თქვენი.

გავგულშზიანდეთ, შემოვძახოთ, მაღლი უფალსა,  
კვლავაც ერთობით მოვაშოროთ მუშლი მუხასა,  
თორემ დაგვტოვებს უფუნქციო სიტყვა – მშვენება  
და მასთან ერთად გვიწერია გადაშენება.

ასიყვარულეთ სიყვარული,  
გ ე მ უ ღ ა რ ე ბ ი თ!!!

# მანია ღიაონიძე

## ზმანება

(ხალხურ მოტივებზე)

მთებს შემოუცვამთ ნაბლები,  
 თავს ადგათ თოვლის ვარაყი...  
 ერთმანეთს გადასძახიან:  
 „გადმო, დავლით არაყი;  
 გაუბეთ, სისხლი რომ აჩქროლდეს,  
 მეღვრად დავუხვედეთ ყინვასა,  
 პირზე ღიმილით ვუსმინოთ  
 მაგის კენესას და გმინვასა!“  
 ქარს მოაქვს ღიღინ-ღიღინით,  
 არყით პირსავსე ხელადა,  
 მთათ მაიმარჯვეს ყანწები  
 სასმელის შესასმელადა.  
 „ალავერდს“ არის ვველასთან  
 მთების თამადა, – მყინვარი,  
 გოჩასა ჰგავის, ხევისბერს, –  
 მარადღუამს გაუცინარი.  
 ალაღად ლოცავს მთა-გორებს,  
 ბარში, – გაფენილ ხავერდებს  
 და საქართველოს მოძავალს,  
 სამყაროს შემქმნელს ავედრებს!

## სიჩუმე!

ერთხელ სიჩუმე მოვიდა ტყეში,  
 შეწყდა – „გუ, გუ, გუ“, მერცხლების „ტია“  
 და ქარსაც გიჟმაჟს, ხანდახან შეშლილს,  
 შიშისგან კრინტიც ვერ გაუღია.  
 არ გაინძრესო ერთი ფოთოლიც,  
 პირქუშად მდგარმა სიჩუმემ ბრძანა,  
 ცამდე აწვდილი იდგა გოდოლი,  
 სიჩუმის, შიშის დამდგარა ხანა.  
 უეცრად საღღაც იმ ტყესთან ახლოს,  
 გაიწვრიალა პატარა ზარმა,  
 თუთრი ბეკეკა მიაღდა ახოს,  
 ამ ზარმა ღუმილს გამოჰკრა სარმა.  
 სიჩუმის წესრიგს მოეღო ბოლო,  
 ატყდა სტყენა და ქარის რიალი,  
 ნუ დავიძინებთ ბოლომდე ოღონდ,  
 საღღაც ისმოდეს ზარის წვრიალი.

## ხმა დიდგორიდან!

ეს გაბმული ხმა ზარებისა, საიდან არის?  
 ზარების ხმა ხომ სიმბოლოა უფლის შევლისო...  
 ალბათ მოგველის დაჯახება ხმალის და ფარის  
 და... აუწყებენ დავით მეფეს: „ომი გველისო!“

დროშას შეუშვერს ჭყონდიდელი, გიჟმაჟ ქარს, – ოჩანს,  
 კარგის მაცნეა ხმა ზეციდან არწივის ყეფის;  
 წმინდა გიორგის თუთრი რაშიც იმედად მოჩანს,  
 ეშმაკსაც კი სძლევეს დღეს ლამქარი ერთგული მეფის!



„უფლის იმედად ვიბრძოლოთ“, – დავითმა ბრძანა,  
 სხვა დროსაც ბევრი გვინახავსო დღეები ცხელი...  
 დღეს გამოჩნდება, როგორ გვიყვარს ჩვენი ქვეყანა,  
 მტრის სასაფლაოდ ვაქციოთო დიდგორის ველი!

## რა იცის ქარმა?!

ქარი მოვა და მწველ ფაქიზ გრძობებს  
 წაიღებს, დაყრის ვით ყვითელ ფოთლებს,  
 რა იცის ქარმა, რომ ჩვენს ნაზ ტოტებს,  
 უსახურებს და სულ შიშვლებს ტოვებს.

მოვა და ტანზე მოგვაყრის მიწას,  
 წრფელი ცრემლებით აგვიყვებს თვალებს,  
 რა იცის ქარმა, რომ ნახავს სიზმარს,  
 მოვა და იქნებ, ჩვენ აღარც დავხვედეთ!

## შენ, კახეთო!

წვიმდა, წვიმდა, უცნაურად წვიმდა,  
 დასდიოდა ცრემლი მხოლოდ ვაზებს  
 და კახეთის ამ საოცარ მიწას  
 მზე აფენდა ციდან ფიანდაზებს.  
 ღობე, ღობე, გავსებული ეზო  
 ყვავილებით, ქვევრებით და ჭურით,  
 შენ კახეთო, თეთრ ღრუბელთა მწვემსო,  
 სიტკბოებით გამომივსე გული.  
 დაფენილი რუხნისლები ცაზე,  
 მოგედი და მყისვე შევიყვარე,  
 გვერდზე გადექ, საქართველოს მტერო,  
 მზე დაადგა ხორბლის ნაფერ ყანებს.

ჩემო კახეთო!

ქამარ-ხანჯალით შეგმოსეს ვერცხლის,  
და შხის გვირგვინი გიმშვენებს თავსაც,  
ჩემო კახეთო, გიტყვდა ბევრი,  
გაუტყუებლო ციხეო, დგახარ!  
დგახარ და ერის ბურჯადა გსახავთ,  
მამაპაპურო ჩვენო ვენახო,  
არ მოგეშალოს შრომა და გარჯა,  
ვანთან ღიღინი, არ მოგეშალოს!

ესეუ ჰოეზიაა!

გარეთ ქარი რომ თამაშობს,  
ბავშვებს ჩაეხიარა,

ატრიალებს ბურთს და ანცობს,  
ესეც პოეზიაა.  
ფურისულა გაშლის ფურცლებს,  
ზედ პეპელამ იარა,  
სკაში დათვი თათებს ურევს,  
ესეც პოეზიაა.  
ველარ იტევს ყვავილს ველი,  
წინ გაგვიძლის ფიანდახს,  
ყანას მკიან პაპას ცელით,  
ესეც პოეზიაა.  
ვაფი ქალს აპურებს რწმენით,  
ცხვარი მისდევს იალაღს,  
რასაც ვერ გამოთქვამ ენით,  
ესეც პოეზიაა.



გიორგი ჰავაუპვილი

დავიბადე 1995 წლის 8 მარტს. დავამთავრე ქ. დე-ოფლისწყაროს პირველი საჯარო სკოლა. სკოლის დამთავრების შემდეგ ჩავაბარე საერთაშორისო ურთიერთობების ფაკულტეტზე ქართულ უნივერსიტეტში. დამთავრებული მაქვს ასევე მედიასკოლაც ტელეკომპანია ფორმულას ბაზაზე, სადაც ასევე გავიარე სტაჟირება-პრაქტიკაც. მაქვს გავლილი სამსახიობო კურსიც ბრიტანეთის ერთ-ერთ წამყვან უნივერსიტეტში, რადაში. მცირე ხანს მოხალისედ ვიმუშავე საფრანგეთში. ამჟამად ვწერ სტატიებს ფრანგულ-ქართული ონლაინ გამოცემა „შენი ამბებისთვის“.

შობის ღამე ნიუ-ორკში

ნიუ-იორკი. ამბობენ, აქაური შობა ზღაპარს ჰგავსო. აქ შობას არც ზღვის პლაჟზე ატარებენ, როგორც კალიფორნიაში, მაგრამ ყინვა ძვლებამდე ნამდვილად არ ატანს, როგორც ალიასკაზე. შობის ღამეს, როგორი ამინდიც არ უნდა იყოს, ყველა სახლშია, რათა სამსახურით დაქანცულებმა ამ ჯადოსნურ ღამეს ერთმანეთით იხარონ.

ერთ-ერთ ოჯახში რადიო დაბალ ხმაზეა ჩართული, დიქტორი ამინდის პროგნოზს გადმოსცემს. „დღეს ნიუ-იორკში ჩვეულებრივზე ცივი საშობაო ღამე გველის, ამიტომ თუ გარეთ გასვლას დააპირებთ, თბილი ქურთუკის ჩაცმა არ დაგავიწყდეთ“ და ამ ცივ ღამეს, როცა ყველა ბავშვი ოჯახში უნდა იყოს, პატარა ბიჭუნა მადანზიდან ბოლო ცენტრებით ნაყიდი სნიკერსით ხელში გარეთ გამოდის და გზას უმისამართოთ მიუყვება. ცუდად არ აცვია, რაც იმაზე მიუთითებს, რომ უსახლკარო არ უნდა იყოს, მაგრამ რატომ არის მართლ ამ ჯადოსნურ ღამეს?

ფიქრებში გართული ბიჭი ერთ ჩითან ჩერდება, შოკოლადს ხსნის და უცებ ფეხთან კრუტუნის ხმა მოესმება, რასაც მალევე კატის კნავილი მოჰყვება. „შემეშვი ფისუნია, ხომ ხედავ ჩემი თავი გამჭირვებია, თან მგონი კატები შოკოლადს არ ჭამთ“. მაგრამ კატა ბიჭის ფეხებს თავს არ ანებებს, თან დროდადრო თვალებში უყურებს. ბიჭი ერთს გაუღიძვებს ფისოს და მთელ შოკოლადს ძირს უგდებს. კატამ ერთბაშად გადასანსლა შოკოლადი და სკუპ-სკუპით ჩიხში გაუჩინარდა. ბიჭმა უკმაყოფილოდ გააყოლა თვალი. „ნუთუ პატარა მადლობაც არ დავიმსახურე“. თავის ნათქვამზე თვითონვე გაეცინა. „ის ხომ კატაა“. ბიჭმა ხეტიალი განაგრძო და სუსხად განათებულ ქუჩაზე გავიდა. კორპუსის პირველი სართულიდან გაჩახჩახებული სინათლე გამოდის. ბიჭი ფანჯრისკენ იყურება. ის იქ ბედნიერებას ხედავს. ხედავს, როგორ მოაქვს ოჯახის დასახლის საშობაო პუდინგი მაგიდასთან. მისი ხნის გოგონა ბედნიერი და გახარებული უკრავს ტაშს. ერთ დროს მისი ცხოვრებაც ასეთი იყო, მაგრამ ახლა ისეთი შეგრძნება აქვს, თითქოს არც არასდროს ყოფილა.

რადიოში გამოცხადებული ამინდის პროგნოზი ხში-



რად არც მართლდება ხოლმე, მაგრამ დღეს მართლაც ძალიან ცივი დამეა. ქუჩაში უკვე აღარავინაა. ბიჭს ფეხები ეკვეთება, გზას ვეღარ აგრძელებს, მაგრამ უკვე ფიქრობს, რომ აზრიც არ აქვს სიარულის გაგრძელებას, მან ხომ ისიც არ იცის, სად მიდის. უცებ ჩერდება, იქვე ჯდება და თავს მუხლებში რგავს. ყინვა ძლიერდება, თოვლის ქარბუქი იწყება, ბიჭი უკვე სხეულს ვეღარც გრძნობს, ერთს ამოიღულულულებს. „დედა, მამა, გთხოვთ, თქვენთან წამიყვანეთ“ და უცებ „ბიჭუნა, შობას არავინ უნდა იყოს მარტო“. ბიჭი თავს წევს, გარშემო იყურება, მაგრამ ადამიანის კვალიც არ ჩანს. მის წინ მხოლოდ კატა დგას. ბიჭი ფიქრობს, რომ უკვე მოლანდებები დაეწყო, ან ცოცხალიც აღარაა. კატა აგრძელებს: „ჰო, რატომ ასეთი თვალებით. არ გახსოვს, რამდენიმე საათის წინ შენი ერთადერთი ნუგბარით რომ გამიმასპინძლდი? ხოდა, აი, აქ ვარ. აქ ვარ რომ, გადაგარჩინო“ და მთელი ხმით იწყებს კნავილს. მთლად გათიშულ ბიჭუნას ეს ხმა დიდად არ სიამოვნებს და უცებ, რას ხედავს, იქაურობა უამრავი კატებით ივსება. ოღონდ კატები ხელცარიელები როდი მოდიან. ზოგს ტკბილეული, ზოგსაც სხვადასხვა საჭმელი მოაქვს. ბიჭი ფიქრობს, რომ სამოთხეშია, მაგრამ იქ ზის, სადაც ცოტა ხნის გათოშილი ჩამოჯდა. „აი, ასე ახლა მარტო არ ხარ. ვფიქრობ, ჩვენი ჯადოსნური ბეწვი მოსწრება იქნებოდა ასეთ ყინვაში. ისე, სულ მიკვირს ამ მწერლების, ხშირად ცბიერ, მჩხავანა და ბოროტ არსებებად რატომ გამოვეყვართ. ჰო, რას მიყურებ, კითხვა მიყვარს“. კატები მოტანილ ძღვენს ბიჭუნასთან ალაგებენ და ყველა გარშემო ეხვევა. ბიჭი სიცივეს ვეღარ გრძნობს, მაგრამ თვალებს ნელა ხუჭავს და ძილი ცნობიერებას ართმევს. ის თვალს ნელა ახელს და რას ხედავს, უზარმა-

ზარ საერთო პალატაში წევს, თავზე ექთანის დასტრიალებს და გონზე მოსულ ბიჭს უდიდის. მასთან მალე ექიმიც მიდის. „სასწაულმა გადაგარჩინა, ასეთ ყინვას ზრდასრული მაწანწალებიც ვერ უძლებენ. პოლიციამ რომ გიპოვა, ვერც იფიქრეს, რომ ცოცხალი იქნებოდი“. ბიჭუნა ერთს ამოიღულულულებს „იცით, მე“... „ნუ დედავ, შენი ნათესავები უკვე გზაში არიან, გაუხარდათ როცა შენზე შევატყობინეთ“. „არა, ოღონდ ისინი არა. მათგან ჩემი ნებით წამოვედი, ვძულვარ, ჯოჯოხეთი იყო მათთან ცხოვრება“. „ჰო, თავიდან შენს დეიდას და ბიძას შევატყობინეთ, მაგრამ გვიპასუხეს, რომ თუ მათთან ცხოვრება არ გასურს, რა გაეწეობა, ვალდებულებას იხსნიან შენს მოვლაზე. ესენი, ვიზუც ახლა გეუბნებოდი, შენი ოკლაპომელი ნათესავები არიან. კარგი, ახლა დაისვენე, ექთანის მალე საჭმელს მოგიტანს“. ბიჭი ყოყმანობდა, მაგრამ ექიმს მაინც ჰკითხა: „როცა მიპოვეს, იქვე კატებით ხო არ შეუმჩნევათ სადმე“? „კატები? კატების რა გითხრა, მაგრამ კანფეტის ნაფრცქვენები ეყარა, როგორც ჩანს მშვიდი არ ყოფილხარ. კარგი, ახლა სხვებსაც მიხედო. ჰო, მართლა შობას გილოცავ!“

ბიჭი სულელურად და უზომოდ გახარებული იცინოდა. მაინც არ სჯეროდა, რომ ეს პატარა ამბავი მართლა მის თავს მოხდა, არა შეუძლებელი იყო. კატებს მადლიერების გრძნობა არ აქვთ და, მითუმეტეს, ადამიანის ენაზე საუბარი არ შეუძლიათ, მაგრამ კანფეტის ნაფრცქვენები იქ საიდან გაჩნდა? ნუთუ...

ბევრი იტყვის, რომ ჩვენს თავს ზღაპრული სასწაულები არ ხდება, მაგრამ შობა ის დღესასწაულია, როცა ასეთი ბავშვური ზღაპრებისაც უნდა ვიწამოთ. შობას გილოცავთ!

### ლალი მხრივილი



დაიბადა 1979 წლის 13 აგვისტოს, დაამთავრა თელავის ი. გოგებაშვილის სახელობის უნივერსიტეტის ისტორია-ფილოლოგიის ფაკულტეტი. 2001 წლიდან მუშობას იწყებს დედოფლისწყაროს ადგილობრივი გაზეთი „შირაქის“ კორესპონდენტად, 2003 წლიდან რაიონული გაზეთის პარალელურად კახეთის რეგიონალურ გაზეთ „სპექტრის“ ჟურნალისტად ითავსებს მუშაობას, 2004 წლიდან „კვირის პალიტრის“ რედაქციის თანამშრომელი ხდება. ხშირად აქვეყნებდა მწვავე და კრიტიკულ სტატიებს, წერდა იმაზე, რაც ხალხს აწუხებდა და პრობლემას უქმნიდა. მისი სტატიებით, უთვალავი პრობლემატური საკითხი მოგვარებულა სამინისტროების ჩარევის შედეგად.

2012 წელს „ფონდ დია საზოგადოება საქართველოს“ მიერ გამოცხადებული კონკურსის შედეგად იგი დასახელდა საქართველოს ბეჭდურ მედიაში საუკეთესო სტატიის ავტორად, 2014 წელს ჟურნალისტობის პარალელურად დააარსა არასამთავრობო ორგანიზაცია „დედოფლისწყაროს ქალები“.

2018 წელს ტოვებს ყველა გაზეთს, მათ შორის მშობლიურ გაზეთ „შირაქს“ და იტალიაში მიდის სამუშაოდ,

იტალიაში დაუკავშირდა ქართულ იტალიურ დიასპორას ქალაქ ბარიში და თანამშრომლობა დაიწყო ქართულ იტალიურ ჟურნალთან „აისი“, სადაც მისი რამდენიმე სტატია დაიბეჭდა.

2019 წლის დეკემბერში იგი კვლავ საქართველოში ბრუნდება. 2020 წლის თებერვლიდან დედოფლისწყაროს კულტურის ცენტრის პრესასთან და საზოგადოებასთან ურთიერთობის მთავარი სპეციალისტია, ხოლო 2021 წლიდან კულტურის ცენტრის პიარ-მენეჯერია. ამავე დროს სოციალურ სივრცეში დაარსა ბლოგი „დედოფლისწყაროს კოლორიტები“, სადაც მუნიციპალიტეტში მცხოვრებ დეაწლმოსილ ადამიანებზე ვიდეონტერვიუებს აქვეყნებს. არის 200-ამდე ვიდეობორტრეტის ავტორი, ჩატარებული აქვს რამდენიმე საავტორო კულტურული ღონისძიება.

ამჯერად, ლალი მეხრიშვილს სხვა მხრიდან გაგაცნობთ მისივე ლექსების მეშვეობით.

### ოზანს

ხოხბის ყელივით ყელს იღვრებს შენი სამება,  
და აძაღვება ვეფხის კლანჭებს მხრებზე იხოკავს,  
მზის სხივებს ოქროს სამკაულად ირტყავს ვენახი  
და ოქრაანის აშოლტილი ველები გმოსავს.  
შენი გელიქი, მრავალ ჭირით გულდატეული,  
სალი კლდეები ყელზე გადგას სამკაულებად,  
ისე გაჩრილა სოფლის ტბაში ჩემი ბავშვობა  
და ის ყიჟინა სიმფონიად გულს მაქარგია.  
ჩაძირული ხარ მთაგორიან ლამაზ ტყეებში,  
ვინ არის შენი სევდიანი ფიქრის დამტევი,  
ათას მტერს გული შეაგელვე ხმალივით დადექ,  
შენ, ჩემო დიდო ჭირნახულო, გულის მარილო!  
საოცრება ხარ და რად მიკვირს ნიკალას ფუნჯის,  
შენი შემყურე გადარიე, ის ხომ ბავშვია,  
გაადიდგულე, მერე თბილისს დაასამარე,  
შენმა მშვენიებამ არ დაუშრო ფუნჯის არშია.  
შენ, უსენათის ნანგრევები ქვებად რომ შეგრჩა,  
წმინდა სამება გადგას როგორც მეფის გვირგვინი,  
მოქარგულ ქუჩებს, შენს ძველ სახლებს ისევე ატყვია,  
ჩემი ბავშვური მხერა, ჩუმი ნაფეხურები.  
ამდევნებია, მხრებზე შოლტებს მარტყავს ბავშვობა,  
უკან მომბლავის შენზე ფიქრი დაიმშვეს თვალებს,  
გულის მაქმანად მასვენებხარ თვალებხატულა,  
ჩემო სოფელო, ოზანო, როგორ მაკლიხარ!  
დაიტევს ღამე უსასრულო ფიქრს და ხვაშიადს  
და სიამაყე შემამაგრებს შენგან შეხრდილი,  
მე იტალიის სამხრეთის ქვებს ზღვადმეხიზნული,  
შენ უფრო დიდი მეჩვენები, მედიდგულები.  
მოზიდულია ყველა ფიქრი თოფის ჩახმახით  
და გაეარდება, დაიჭექებს, რა შეაჩერებს,  
ამოიშრიტა გულის წვენი იმ მონატრებით,  
რასაც ხატულა ოზანის ნიაგი დაჰკრავს.  
წავალ სიზმრებში, ნაქოხრებთან დავიჩოქები  
და მინდა ქორად გადავეგლო შენს ჭალის ტყეებს,  
სიო მეღება და ცხვირს მიწვავს შენი სურნელი,  
მაყვლები თვალებს ჩამოკრავენ და ნანგრევებთან  
თავს მაწონებს ნაქოხრების ასკილი, კომში...

მოითქვირება თეთრი საბნის ცხვრის ფარა გრძელი,  
გელიქის წყაროს ჩხრიალს მოსდევს მეცხვარის სტვენა,  
ეს ისტორია ნაცნობია თითქოს ჩემს სისხლში  
და ჩემი დიდი ქიტა პაპა სიზმრებად მოდის.  
გაჟღენთილი ვარ, ოზანის სურნელი აქ მდევს  
და მის მიწაზე აყლორტილი კისკისი მესმის,  
ჩამოიწვეთა გულზე წამლად ქურხულიანი  
და კაბის ძველი ნაფლურთებით ზედ გეფარები.  
ისევე ავდექი და ეს დილაც გადაიზმორა,  
ვიცი, გალობენ ახლა ტყეში შავი შაშვები.  
ბუღბული ისევე იმ სიმღერას მღერის ჭალაში,  
რასაც მღეროდა ოზანურ ბავშვობის წლებში.  
მადლობა უფალს, დავიბადე მე ამ სოფელში  
და გამომხარდა ვაკის წვიმის ნაჟურმა წყარომ,  
მონატრებიხარ და ეს ფიქრი ნისლად გაშლილი,  
სოფლის ხეებში ილექება და დანანაობს.  
ჩემო მაქმანო,  
ჩემო დიდო ნავთსაყუდელი,  
ჩემო პურო და ჩემო ღვინოვ,  
ჩემი ფიქრის დიდო მცხობელო,  
ჩემო გულო, გმირო სოფელო, ოზანო, მესამაგები!

### მეორედმოსვლის ზღვართან ახლოს...

მეორედმოსვლის ზღვართან ახლოს,  
მე განდიოხულად შეეცდი,  
ამოვიკარი ფეხზე ჩუსტები და  
ომში გავიწვიე საკუთარი თავი.  
ოხ, ეს სიგიჟე ალექსილი დაეილობს ცაში  
და ვერ ვპატიობ თავს ამ შეშლას,  
სად დავტოვე ჯადოსნური  
ორი წყვილი ბავშვის თვალები?!

ო, ღმერთო ჩემო, სუნთქვა მათი რომ აღარ მესმის,  
მე აქ უმათოდ ან როგორ ვარ, ან რას ვიკერავ,  
დაკონკილ გულს ხელით დაეატარებ და  
არტერია რა ხანია ვედარ იხსნის სულში არტახებს.

გაგულულია დროებითად ჩემი სხეული,  
მხოლოდ ფურცლებად დანანაობს ძველი კადრები,  
ქარი კი წეწავს ფანჯარასთან ფიქრის ბუერებს  
და ჩემს ფანჯარას აწყვდებიან ხმელი ტოტები.

მე ალბათ ისევე დავბრუნდები, ჩემს მწვანე ბაღში,  
მოვეფერები ჩემს ყვავილებს უკვე გადამქრალს,  
ჩვენ შევიყრებით,  
მაგრამ ვიცი, ვერ დავიბრუნებ,  
იმ წუთებს, რაც თავს მოვაკელი უსიყვარულოდ.

### ვალსი

მე ყოველ დილით გავდივარ ზღვაზე,  
სილას დახვეტავს ჩემი ფეხები.  
მერე ზღვის პეშვით შემოვიმოლტავ კოჭებს და  
ტალღებს ვალსს ვეცეკვები.

ვღგავარ კისრამდე ჩაფლული წყალში და  
 წყლის ტორტმანი ზემ-ზემით მაგდებს.  
 ტანზე მაცვია სველი წყლისფერი კაბა და  
 ცის და მიწის კიდეს გავცქერი.  
 მე ყოველდღით გავდივარ ზღვაზე,  
 სილას დახვეტავს ჩემი ფეხები,  
 მაგრამ უსულოდ ვგდივარ ზღვის ქიმთან,  
 როცა მე არ მყავს გვერდში ოჯახი.

### ეს ზღვა მე ვარ

ეს ზღვა მე ვარ, მე მაცვია ტანზე...  
 ჩემსავით ასკდება ნაპირებს...  
 ეს ზღვა მთვრალია, სიყვარულით მთვრალი  
 და ჩემსავით იკლავს ვნებებს...  
 ეს ზღვა მე მგავს,  
 ბორგავს და ასკდება ნაპირებს ჩემი სხეულივით...  
 როგორ მესმის მისი,  
 რამდენად ჩემია, ის მე ვარ,  
 ჩემსავით ემოციურია,  
 გიჟია და ჩემსავით ნაპირებს ასკდება და  
 ნაპირებს იქით გადადის...  
 როგორ მესმის მისი...  
 საწოლის თავთან ყავის ლამბაქზე მღვარ ჭიქას  
 ნალექი შემრობია პირზე,  
 ორი ღვია არ ვიღებ,  
 ვცდილობ, დიდხანს იდგეს აქ ეს ფინჯანი და ლამბაქი,  
 რადგან ის ჩვენი საძინებლის თავთან დადგმულ  
 ყავის ფინჯანს მაგონებს,  
 ძირამდე რომ ამოვაშრობდით პირგამშრალნი...

მინდა, დიდხანს ვუყურო ამ ლამბაქს,  
 მერე რა, თუ უწესრიგოდ დგას!  
 სამაგიეროდ ჩვენს სახლს მახსენებს,  
 სახლს,  
 მუდამ სიცოცხლის მჩქეფარებით რომ სუნთქავდა...  
 უდროობის დროს რომ მოვიტოვდით ერთმანეთისთვის,  
 ბავშვების ცხოვრებით გადაღლილები,  
 რა ტკბილი იყო ის ცოტა დრო.  
 ეს თაროებიც,  
 რომ აიყრება და აილინთება ერთმანეთში ჩემი კაბები,  
 ხელს არ ვახლებ,  
 არა იმიტომ, რომ დრო არ მაქვს,  
 ან მეზარება მისი დალაგება, –  
 არა, – ის ჩემი მოუცლელიობით და  
 გადარბენით ცხოვრების რიტმში მყოფ,  
 არეულ ჩემი სახლის თაროებს მახსენებს  
 მინდა ვუყურო ამ არეულ თაროებს,  
 რადგან ის ჩვენს სახლში  
 ბედნიერებით სავსე ცხოვრებას მახსენებს...  
 ბევრს ვფიქრობ ამაზე და  
 მიუხედავად უამრავი წყენებისა, ტკენებისა,  
 იმ სიყვარულს ვერც დრო,  
 ვერც მანძილი,  
 ვერც წლები ვერანაირად წაშლის,  
 რადგან მე ისევ ისე ვგრძნობ შენს სუნთქვას,  
 შენს მოწყურებულ თვალების მზერას,  
 როგორც ბოლო წუთებში,  
 როცა ერთმანეთს დავეშორდით.

## თენგიზ მორჩიაული



ღღეს ვიხსენებთ XX საუკუნის 80-იან წლებში გარ-  
 დაცვალბულ შესანიშნავ სიღნაღელ პოეტს თენგიზ მორ-  
 ჩიაულს. მისი სახელი უცნობია ფართო მკითხველისათ-  
 ვის, მაგრამ მისი ღღექსები იმსახურებენ, რომ ამ პოეტის  
 სახელი და შემოქმედება დავიწყებას არ მიეცეს.  
 თენგიზ კრაწაშვილი (მორჩიაული) სიღნაღის რაიონის  
 სოფელ ნუკრიაანში 1939 წელს დაიბადა. სწავლობდა  
 ნუკრიაანის საშუალო სკოლაში, თბილისის სახელმწიფო  
 უნივერსიტეტის ფილოლოგიის ფაკულტეტზე, რომლის  
 დამთავრების შემდეგ (1966 წ.), მუშაობდა სიღნაღში. გარ-  
 დაცვალა 1985 წლის მაისში, რაზეც წერს კიდევ თავის  
 წინასწარმეტყველურ ღღექსში, რომელსაც დასაწყისში  
 გათავაზობთ. პოეტის სამუდამო განსასვენებელი შშობლი-  
 ურ სოფელშია.  
 მისი ფსევდონიმი – მორჩიაული, შეურჩევა გამოჩენილ  
 მწერალს გიორგი ნატროშვილს, რადგან კრაწაშვილების  
 მათ განშტოებას თურმე „მორჩიაანთ“ უწოდებენ.  
 პოეტის დასახასიათებლად გავიხსენებთ მისი სტუ-  
 დენტობის მეგობრის – მწერალ მირონ ხერგიაანის,

სიტყვებს: „ტანად მორჩილი და სუსტი (გავიხსენოთ მისი ფსევდონიმი – მორჩიაული) საოცრად აენთებოდა ხოლმე, პოეზიაზე რომ ჩამოვარდებოდა საუბარი. იგი თვალდახელშეუ იცვლებოდა, მაღლდებოდა, ახოვანდებოდა, უკან გადავარცხნილი ხშირი თმა აეჭორებოდა, აეჯაგრებოდა, ფაფარით ყალფზე დაუდგებოდა, კისრის ძარღვები დაებერებოდა, ხმა დაუბოხდებოდა, ოცნების ფრთებით ტოროლასავით ცის ლაჟვარდში აიჭრებოდა და“...

თენგიზმა სიცოცხლეში მხოლოდ ნარკვევების ორი კრებული გამოცემა მოასწრო. მისი ლექსები მომცრო კრებული კი 1997 წელს გამოიცა პოეტის მეგობრების და მოწადინებით და იმ პერიოდში სიღნაღის რაიონის გამგეობის თავმჯდომარის ბატონ ვაჟა ცაბუტაშვილის მატერიალური მხარდაჭერით. თუმცა მისი შემოქმედება დღემდე სრულყოფილად არ გამოცემულა და არც შესწავლილა.

ქვემოთ გთავაზობთ პოეტის რამოდენიმე ლექსს.

**ვირი იქნება სწორედ მაისი**

**ეპიტაფია**

ვიცი იქნება სწორედ მაისი,  
 სწორედ მაისი, და არა სხვა თვე,  
 როცა სიკვდილი აღარ დაიცდის,  
 დაგიგებს მანეს და აგიცხადებს.  
 ვიცი, ცა შავად მოიღუშება,  
 მოეფარება მზე ღრუბლებს შიშით  
 და შენი სიყრმის თეთრი ნუშები  
 აღივსებიან ვაით და ვიშით.  
 ვიცი, უგულოდ ასწევენ კუბოს  
 და წაგიღებენ ტირილით სადღაც,  
 დაგისველებენ ცრემლებით უბეს,  
 შეგაგებებენ საფლავთან სხვა დღეს.  
 ბორცვად გაქცევენ... და დაგამშვენებს  
 მკერდზე ყვავილი დაყრილი უხვად...  
 მოგისხდებიან შემდეგ გარშემო  
 და შესანდობარს ასწევენ უხმოდ!

**თიზათვე**

სველ ბალახებში სრიალებს ცელი  
 და დგას სურნელი მოთიბულ თივის...  
 სველ ბალახებში სრიალებს ცელი,  
 სამყურა პირქვე წვება და ტირის.  
 ტირის და მისი უმანკო ცრემლი  
 ეფშვნება შიშველ, დაკუნთულ ტერფებს...  
 სველ ბალახებში სრიალებს ცელი  
 და ქუხს სიმღერა მინდვრიდან ტყემდე.  
 მზე მჯიღად ადგას ამ მთას მინისლულს  
 და სტყორცნის სხივებს, – ვერცხლისფერ თევზებს,  
 თოვლივით თრთის და ცეკვაავს იენისი  
 ზაფხულის ცხელ და კანდამსკლარ მხრებზე.

**ფოთოლორცენა**

ხევს ცისფერ კვამლით ავესო თვალი  
 და ქარაფები ცრემლით მონისლა,

ლეგა ღრუბლებმა წამოვევს თავი  
 და შეუტყის ნათელ ჰორიზონტს.  
 მათ თეთრი მთები მითელ-მოთელეს,  
 მერე იერიშს მხესთან მივიდნენ...  
 ჭადრის ბრიალა ბრტყელი ფოთლები  
 მოვარეებივით ენთო ბილიკზე.

**შემოდგომა**

ოქროს შემოდგომა იტირებს ჩუმად,  
 აცივდება და მთებზე ჩამოთოვს...  
 ოქროს შემოდგომა იტირებს ჩუმად,  
 აღარ ამოვა თეთრი მთვარე მღვრიე ჩალიდან.  
 თვალს გავაყოლებ მაყრიონთა გაფრენილ ცხენებს,  
 იქუხებს თოფი სოფლის ბოლოდან...  
 და დედაჩემი ჩუმი ოხვრით მოიწმენდს ცრემლებს:  
 – ეჰ, ნეტავ ერთი პატარძალი მეცა მყოლოდა.

**მეტყვეის ქობთან**

მთის ასწვრივ, ზემოთ, მეტყვეის ქობთან  
 ღრუბელი თრთოდა, როგორც ბარათი...  
 მუხლებდამეხილ მუხების ოხვრას  
 იმეორებდა ფშავის არაგვი.  
 თუთუნისფერი ფოთლების წყება  
 მოეხვეტა და მიჰქონდა ქარებს,  
 როგორც მეგობრის პატარა წყენა,  
 ცის კაბადონზე ბჟუტავდა მთვარე.

**აღაზანთან**

დიდხანს ეუშხერდი ვერხვების შრიალს  
 და მოდუღუნე მღორე აღაზანს...  
 ტანკენარ წნორებს თმა ჩამოშლოდა,  
 წყალში მუხლებზე იდგნენ ლამაზად.  
 ცა იბლანდება მუხის ტოტებში,  
 მწვანე წიფლები აკმევს სიგრილეს,  
 წიფლნარში ბოლავს ლურჯი კოტეჯი,  
 თითქოს მზემ სადღაც გადაიფრინა.  
 გადაიფრინა და ჩაიმუხლა,  
 იქვე, მთის ძირში დასცა გრილონი...  
 ლაღი ფერები დაღვარა უხვად,  
 ფუნჯით მოხატა სანაპირონი.

**სასაფლაოზე ყვარდა ვარდი**

სასაფლაოზე ყვარდა ვარდი  
 და სევდიანად კენესოდა სიმი...  
 სასაფლაოზე ყვარდა ვარდი,  
 ცას ამ ვარდივით ეკიდა სხივი  
 და შრიალებდა მუხა და რცხილა,  
 წინაპრის სუნთქვა – ამ ქვეყნად მოსვლის,  
 ტოტებზე წვიმის წვეთები ბრწყინავს,  
 თუ ეს ობოლი ცრემლია მგოსნის?!  
 ლეგა ღრუბლები კლდეებს ეკვრიან,  
 ხევებში სადღაც ჭოტი კიოდა...  
 და შუქჩამქრალი მზის ელეგია  
 უკვე დაკარგულ დღეს მისტიროდა.



პაპა

მე ერთი პაპა მყავდა, რჩეული გვარ-ტომითა, უყვარდა გაზაფხული, ყვავილითა ფანტელები, სულ იმას იძახდა, სულ იმას ამბობდა:

– ვაი, რა ცოტანი ვართ დღეს ქართველები! შრომობდა, იღწვოდა, სწევროდა, შიოდა, ბევრჯერ მისი ოფლით მორწყულა ველები... შინ იყო, გარეთ იყო, სულ იმას ჩიოდა:

– ვაი, რა ცოტანი ვართ დღეს ქართველები! ჰყავდა ცხრა შვილი, ოჯახის ფუფუნება, მაღალნი, თამაზნი, ლამაზნი, ჯანმრთელები და მაინც წუხდა და სულ იმას ბუხუნებდა:

– ვაი, რა ცოტანი ვართ დღეს ქართველები! კვებოდა, ეცლებოდა სული – ზღვის ტალღა, მკერდს ეწყო გაყინული ვეება ხელები... კვებოდა ბერიკაცი და მაინც იძახდა:  
– ვაი, რა ცოტანი ვართ დღეს ქართველები! ვდგავარ მის საფლაკთან, დარდს გულის კარს ვუდებ, მწვავს ფიქრი მამულის სუნთქვით ნაფერები... და მეც პაპასავით მტკივა და მაწუხებს, რომ დღეს ცოტანი ვართ, მართლაც, ქართველები! თუმცა ცოტანი ვართ, ნურვის ეგონება, უკვალოდ ჩაიფერფლა ბებერი პაპის ძვლები, კვლავ სულში მიკიჟინებს წინაპრის შეგონება: გამრავლოთ, გამრავლოთ, გამრავლოთ ქართველები!



პაატა სულთანიშვილი

პაატა სულთანიშვილი 1953 წლის 28 იანვარს დაიბადა რაჭაში, ონის რაიონის სოფ. გლოლაში. მშობლიურმა ულამაზესმა მხარემ უდუდესი გავლენა იქონია მისი პიროვნების ჩამოყალიბებაში, რაც გამოისახა მის მტკიცე ხასიათში, ქვეყნის სიყვარულში, მეგობრების ერთგულებაში, სისპეტაკესა და გულწრფელობაში.

საშუალო სკოლის დამთავრების შემდეგ, პაატა სულთანიშვილმა პირნათლად მოიხადა ქვეყნის წინაშე სამხედრო ვალდებულება, სამხედრო ვალდებულების მოხდის შემდეგ პაატა სულთანიშვილმა სწავლა, ცხოვრება და მოღვაწეობა განაგრძო თბილისში, თუმცა მშობლიურ რაჭასთან კავშირი არასდროს გაუწყვეტია. სულ ამბობდა, რომ მშობლიური კუთხის სიყვარული წინაპრებმა ასწავლეს, რაც მის ლექსებში მოჭარბებულად იკითხება კიდევ.

ის თავის ლექსებში ერთნაირად ეფერება თბილისსა და რაჭას და ამბობს:

„ორი კუთხე მაქვს რაჭა და ვერა მე მათ გარეშე ვერ გავძლებ ვერა!“

პაატა სულთანიშვილი იყო პოეტი და საზოგადო მოღვაწე, შესანიშნავი მეუღლე და მამა, კაცთმოყვარე და სიმათლის მოყვარული, თავისი ქვეყნის ნამდვილი პატრონი, პაატა სულთანიშვილი დაჯილდოებული იყო ადამიანებთან ურთიერთობის განსაკუთრებული ნიჭითა და უნარით, რამაც განაპირობა ის, რომ ცხოვრების მანძილზე ყველა ასაკის თაობაში ახლო მეგობარი ჰყავდა.

პაატა სულთანიშვილი გარდაიცვალა 2016 წლის 18 ოქტომბერს.

გთავაზობთ რამდენიმე ლექსს პაატა სულთანიშვილის პოეზიიდან.

არწივებს ვერვინ გაგვწირავს

რომ ეუბრუნდები ჩემს რაჭას,  
ტყეც კი მიცინის შშობელი,  
მთიდან ხარ-ჯიხვი დამხარის  
წმინდა მიწაზე შობილი.  
მივალ, მიტკებება ეს ზეცაც,  
ღარად იქცევა ავღარი,  
ბოროტი ეშმა ფრთებს კეცავს,  
მატულობს სულის ნადავლი.  
მაგრამ აქა-იქ ბაღნარში  
გამოერევა შამბნარიც,  
ზოგჯერ ღრუბელი ჯანღს აშლის,  
მწუხრისგან ოხრავს მთა-ბარი...  
და სწორედ ამ დროს სჭირდება  
თანდგომა ფუძის ანგელოზს,  
მოყვასმა მოყვასს სულისთქმა  
წამლად რომ წამოაშველოს.  
კაცი ხომ ჭირში იცნობა  
და მითუმეტეს ქართველი.  
ხშირ-ხშირად ამას ვამბობ და  
გულს მივსებს გრძნობა ნათელი,  
არწივებს ვერვინ გაგვწირავს,  
მედგრად გვიდგანან მართეენი.

**მამადავითზე ჭაღარა მთვარე**

კობწიად ნაგებ თეთრ შუშაბანდებს  
 წარსულის ჩუმი სევდა ატყვია.  
 ფიქრი, მომავლის რწმენას რომ ბადებს,  
 წამლად ეღება ამ გულს ნატყვიარს.  
 მამადავითზე ჭაღარა მთვარე  
 წმინდა საფლავებს დაჰნათის კრთომით.  
 ნელა იმსხვრევა მნათის სიმკრთალე  
 და არემარე ივსება თოვლით.  
 ღამის ჩრდილებმა ნაძვნარი მყუდრო  
 უკმურ სიზმრებად გადაიარეს.  
 შუქი, რომელსაც ცა ადგილს უთმობს,  
 ხსნად ესახებათ ადამიანებს.

**ღამის სურათი გლოვანში**

ღრუბლებმა გადაიარეს,  
 გამოჩნდა მტკნარი მიდამო,  
 დევებად გადმოხრილიყვინენ  
 ღრენი და კლდენი პიტალო.  
 ვიდექი ალტაცებული  
 ტყესლა გავცქერდი მარტოკა,  
 ქარმა ვეება ხეები  
 შრიალ-შრიალით ატოკა.  
 გლოლას ეძინა, მთვარე კი  
 შუქს ფენდა არემარესა,  
 ჭანჭახიც ნანას უძღერდა  
 ამ ულამაზეს მხარესა.

**კვლავ წამოვფეკნი**

ვარ წაჩოქილი როგორც ხარი...  
 მებრძვის აფთარი,  
 და თითქოს სულში უმკაცრესი  
 მიტევეს ზამთარი:

მაინც თანდათან კვირტებსა შლის  
 ჩემი ოცნება,  
 გული მედგრად დგას, არ შინდება  
 არა ღონდება...  
 მივეყვები ქუჩებს, აყვავებულ ნუშსა  
 და ატამს,  
 სიკეთის თვალი მზის სხივივით  
 გულ-მკერდში ატანს...  
 წყაროს წყალივით მოჩუხჩუხებს  
 იმედი ხვალის,  
 და ვგრძნობ სიამეს, სიანკარეს,  
 უზომო ხალისს,  
 კვლავ წამოვდგები რკინის მკერდით  
 და გავწევ ჭაპანს,  
 როგორც სწვევლათ ჩვენს წინაპართ,  
 ჩვენს მამა-პაპას.

**რაჭავ, არწივთა საბუდარი ხარ**

რაჭავ, არწივთა საბუდარი ხარ,  
 ამაღლებული მზიურ ფერებად.  
 მაგრამ ვაი, რომ მშობელს ხანდახან  
 დვიძლი შვილი ვერ მოგეფერება.  
 დაგემრიტება თვალნი ნათელი,  
 მთებს ძაძისფერი ნისლი დაქარგავს,  
 რატომ მოგტაცა ქარმა მართვენი  
 დიდ ქალაქებში გადასაკარგად?!  
 „რა უბედური სენი შეპყრიათ“, –  
 მოხუცთ აწუხებთ შვილებზე სევდა,  
 მათ მოლოდინში თვლემენ თვალღია  
 გამოყრუებულ ეზოს ჭიშკრებთან...  
 და სულში მაინც უღვივებთ იმელს  
 შორს მთები თეთრად მოქათქათენი,  
 რომ ბედი ერთხელ კვლავ გაუღიმებთ  
 და მონახავენ ბუღეს მართვენი.



**გიგი სორნაული**

**სვანი**

*კუძღვნი ჩემი განუყრელი სვანი მეგობრის  
 უნა ცინდელიანის ხსოვნას*

ბექმურზა, დათვისაგან სასიკვდილოდ დაბეგვილი, ტან-  
 გაუნდელად იწვა ხის ტახტზე. თვალდახუჭული, არც  
 კვნესოდა, არც გმინავდა, უხმოდ იტანდა ჩაღწეული მკერ-  
 დისაგან გამოწვეულ ჯოჯოხეთურ ტკივილს. აბურბურე-  
 ბული ტკივილი გულის გამაწვრილებლად იკვროდა და  
 სულის ქცევას უშლიდა. საწოლთან ჩიკა სკამზე ეჯდა  
 თავისი მეუღლე, დადი, რომელიც ამოდ ელოდა პასუხს  
 უკვე მერამდენედ დასმულ შეკითხვაზე – ხომ არაფერი  
 გინდაო? არაქათიც გამოცლილი ჰქონდა ბექმურზას, წინა  
 დღიდან მოყოლებული, მთელი ღამე ჯოხზე დაკიდებული,  
 მოჩაჩუნობდა, ძლივს ჩამოაღწია სოფლამდე. მაშინდა

შენიშნეს ბიძაშვილებმა. მიეგებნენ, მხარში შეუსხდნენ, სახლში შემოიყვანეს და ტახტზე დააწვინეს. არც იმათ პასუხობდა შეკითხვებზე, მხოლოდ ეს უთხრა – დათვმა დაძვეგავო. მერე მიასწავლა მან, სად იყო დათვი ჩამოთრეული და გამოშიგნული, წაეღოთ მარხილი და ჩამოეტანათ.

ძლიერი კაცი იყო ბექმურზა, გასაოცარი მშრომელი, გათენებიდან დაღამებამდე დაუსვენებლად შეეძლო მუშაობა და დაღვას მაინც არ ახსენებდა. ეს რომ არა, იქვე მოკვდებოდა, სადაც დათვმა დაბეგვა. გამოცდილი მონადირე იყო ბექმურზა, უშიშარი, ახრიალი, მონადირეული ადათ-წესების დამცველი. სხვები რაკი ამ წესებს არაფრად დაგიდევდნენ, მათთან ერთად ნადირობას არ თანხმდებოდა, მარტოდ ერჩინა. სხვადაც ვერ იტანდა, აღიზიანებდა, ნადირობის მსურველი კაცი ათი დღით ადრე ცოლთან წოლას რომ ვერა თმობდა, ტანს არ იბანდა და ტანსაცმელს არ იცვლიდა. პაპიროსს ეწეოდა და საშუალებას აძლევდა მთის ნიაგს, დეპეშასავით სწრაფად მიეტანა ნადირისათვის საფრთხის ამბავი. საჯიხვეებში ასული, არასოდეს ბრუნდებოდა ხელცარიელი, არც სადათვეებში დარჩებოდა ისე, რომ საზამთროდ არ ჩემარილებინა დათვის მსუქანი ხორცი. იცოდა, როგორი საშიშია საჯიხვეებიც და სადათვეებიც, მაგრამ ბოლოს მაინც მოტყუვდა, მონადირულმა ჟინმა შეაცდინა, ენანებოდა მძიმედ დაჭრილი დათვის დაკარგვა, ფრთხილად მიეყვებო, გადაწვიტა, მაგრამ დათვმა მაინც აჯობა თავისი ვერაგობით: თავის კვალზე ჩაუსაფრდა, შორიდან შემოტრიალებული, როგორც სწევია, ერთი ნახტომით დაიჭირა ისე, რომ ბექმურზამ თოფის ხმარება ვეღარ მოასწრო, უფრო სწორად, გრძელი ბერდენკა ვეღარ გაიმართა მათ შუა. ძლიერი ტორები აქვს დათვს, ერთი დარტყმით ხერხემალს უშტკრევს ხარს. თუნდაც ხარივით კაცისათვის მკერდის ჩაღწევა არ გაუჭირდებოდა.

ბექმურზას ბოლო სურვილი იყო, როგორმე ცოცხალი დახვედროდა თავის საამაყო შვილს, შერგილს, რომელიც, სადაც არის, უნდა მოსულიყო სკოლიდან. განსაკუთრებით უყვარდა და ეამაყებოდა ბექმურზას, რაკიდა ყველაფრით მამას ემსგავსა: შრომაში დაუღალაობით, სწავლის დაუოკებელი ჟინითაც და დედ-მამის ერთგულებითაც. დილით სკოლისკენ გარბოდა სიხარულით, გაკვეთილების შემდეგ კი შინისკენ მორბოდა გაკვეთილების მოსამზადებლად და მუდმივად საქმეში გართული მამის მისახმარებლად. სიამაყით ამბობდა ხოლმე ბექმურზა – ახლა მშვიდად შემიძლია მოკვდე, ოჯახში ჩემი შემცველი უკვე იმედინანა და დგასო. წვიმიან ან უქმე დღეებში, ანაც დღის ბოლოს, გადმოიღებდა ბექმურზა დავით გურამიშვილის „დავითიანს“ და უკითხავდა სმენადქცეულ შერგილს. ისწავლა კითხვა და ეხლა ის უკითხავდა მამას „ქართლის ჭირსა“ და „ქაცვია მწყემსს“. თითქმის ზეპირად იცოდნენ უკვე, მაგრამ არა ბეზრდებოდათ ბრძნული შეგონებების კითხვა. მეტი წიგნი არცა ჰქონდათ. უცებ კარი შემოჯახუნდა და გაოფლიანებული შემოვარდა შერგილი.

– ნელა, ბიჭო, ნუ ჩამოიღე კარი! – ჩვეულებრივ მიამახა დადიმ. შერგილს უნდოდა, ჩვეულებრივ, ქურთუკ-გაუხდელად და ქუდმოუხდელად მისჯდომოდა საწერ მაგიდას, მაგრამ მოულოდნელად ტახტზე მწოლიარე რომ დაინახა მამა, შეცბა, ხმა ვერ ამოიღო.

– ჰო, შერგილ, შენ გელოდებოდი, მოდი ჩემთან. შერგილმა ჩანთა, ქურთუკი საწოლზე მიყარა და მამას შემცბარი გაუჩერდა ტახტთან.

– ჰა, შერგილ, ხო მიიღე ხუთიანები დღესაც?! ეგრე, ჩემო შვილო, ეგრე გააგრძელე სწავლა. ამაში შენ არავისი თქმა არა გჭირდება. შენ სწავლის გემო უკვე იცი. აქამდე არ დაფიქრებულვარ, ეხლა მომივიდა თავში: ეს დიდი ბრძენკაცი დავით გურამიშვილი მთლად მართალი არ არი, როცა ამბობს, სწავლის ძირი მწარე არისო. შენთვის რატოა მწარე. შენისთანებისთვის სწავლა სიხარულია. შენთვის სწავლის ძირიც ტკბილი არის და კენწეროში კიდე ორმაგად გატკბილდების. სწავლის ძირი მწარე იმათთვის არი, ვისაც სწავლა არ უყვარს, წიგნს ძალად აკითხებენ, შენ, შერგილ, ჩემი თხოვნა გახსოვდეს – სწავლა უნდა გააგრძელო, ნასწავლი კაცი უნდა გამოხვიდე. ჩვენს ძველებს სჯეროდათ, რომ ადამიანები სამ ჯიშზე გამოდიან: ვირის, ძაღლის და ღორის. ჩვენი შტო ვირის ჯიშზე ვართ გამოსულები – ძლიერები ვარ და ჯიუტები. როგორც ვირს შეუძლია აკიდებული მძიმე ბარგის ბოლომდე მიტანა, ჩვენც არჩეულ საქმეს ერთგულად ვაკეთებთ და ბოლომდე მიგვყავს. მე ძალიან გახარებული ვარ, შენ რო თავის საქმედ სწავლა აირჩიე. ვიცი, არ მოეშვები და ბოლომდე მიჰყვები, სტუდენტობამდე და პროფესორობამდე.

შენ რომ ჩვენ ჯიშზე ხარ გამოსული, ამაში ისაც მარწმუნებს, ბუნებითი „იარალი“ ზუსტად ჩვენნაირი გაქვს, გამორჩეულად დიდი. ამას შეიძლება მექალთანეობაც კი მოჰყოლოდა, მაგრამ არა! შენში ყველაფერს სწავლის სიყვარული გადასძლევს. განსაკუთრებით, ქალაქში რომ მოხვდები, მაშინ უნდა იყო ფრთხილად, შეგიჩნდებიან მეგობრები, ამხანაგები, დავლითო, გოგოებში გავიაროთო. უნდა ყველა მოიშორო თავიდან, თორემ დაგლუპავენ. ყველანაირი ასეთი სისულელე პაპიროზის წვეიდან იწყება, პაპიროზი არ მოსწიო.

იცი, რა მინდა გითხრა? ჩვენი ნადირთა მწყემსი დალი ხო იტყუებს მონადირეებს ქარაფებში, ხარ-ჯიხვს აადევნებს და კლდეზე გადასჩეხავს, ეგრევეა ქალაქიც, ლამაზ ქალსა ჰგავს, ქალაქის მფარველი ანგელოზი ავხორცი დიაცია, მაცდური, შემპარავი, ქართლის დედა თბილისს რო გადმოჰყურებს, მთლად საქართველოს დედაა. ის სინდის-ნამუსისა და კაცთმოყვარეობის სიმბოლოა. ქალაქთან იმას საერთო არა აქვს. ქალაქს თუ არ ჩაეთრეინები და ჭკუას მოიხმარ, გამარჯვებული გამოხვალ ცხოვრებაში, თუ ჩაეთრეინები, დაიღუპები.

ერთი უნდა გთხოვო კიდე, სოფელი არ დაივიწყო, ცოლ-შვილი აქ უნდა ჩამოიყვანო ზაფხულობით. ამაზე კარგ ადგილას სად წაიყვან, დედას უნდა მიხედო, დას პელიდოს, უმცროს ძმას.

კიდე რაღაცის თქმას აპირებდა, უცებ თავი გვერდზე გადმოუყარდა და მოკვდა.

ზავითანია სიკვდილი, თითქოს უჩინარია, ხალხი ლაღობს, იცინის, მხიარულობს და ამ დროს შევა რომელიმე ოჯახში და მწუხარება დაისადგურებს; ქალები ატარდებიან, აწიოკებიან, კაცები აჩურჩულდებიან...

ადვილი წარმოსადგენია, რა დაემართებოდა გალაღებულ, მერცხალივით ცაში მონავარდე 11 წლის ბიჭს, რომელსაც მამის გარეშე ერთი დღე არ დაეღამებინა.

გული ისე მოეთუთქა, ისე ჩაუკვდა, როგორც მარტში კუდ-შემოქნეული ზამთარი მოულოდნელი ყინვით მოთუთქავს ხოლმე ახლად გაჩირთულ ტყესა და ხეხილს, ახლად გამოყოფინებულ ნახ ფოთლებს ისე გააშავეებს, თითქოს ცეცხლის აღს მოუტუსიაო. დაღუპებული, ენაჩავარდნილი შერგილი იჯდა და უაზროდ იცქირებოდა, არ იცოდა, რა გაეკეთებინა, რატომ გაეკეთებინა. რამდენიმე დღე ადროვა დადომ, მერე ახლოს მიუჯდა და გონს მოეგანა დაუწყო:

– შვილო, შერგილ, მძიმე დანაკლისი გვარგუნა ბედმა, მაგრამ, რას ვიზამთ, უნდა გაუძლოთ, უნდა გადავიტანოთ, ცხოვრება უნდა გავაგრძელოთ. ეს არის ცხოვრების წესი. გახსოვს, რას გეუბნებოდა მამაშენი? მიხარია, ჩემ ადგილზე რო გტოვებ. ოჯახს შენ უნდა მიხედო, მაგრამ იმანაც ის დაგიბარა და მეც იმას გეტყვი, პირველ რიგში სწავლას უნდა მიხედო. ასე რომ ჩამოვყაროთ ყველამ ხელები, მამ შე ძროხები აღარ უნდა მოვწველო? რძე არ უნდა შევდღვობო? გადადი შენ კლასელებთან, ჰკითხე, გაკვეთილები რა აქვთ... გახსოვდეს, მამაშენის სული ეხლა ციდან დაგყურებს და ეცადე, ისე მოიქცე, იმის სულს ასიამოვნო.

დადის სიტყვებმა თითქოს გამოაფხიხლა შერგილი, განაახლა სწავლა, მაგრამ ეს უკვე სხვა შერგილი იყო – დინჯი, პირქუში, დაფიქრებული, საქმიანი.

\*\*\*

მეორე წელს დაამთავრა შერგილმა ნაკრის ოთხწლიანი და დედამ ჭკუბერის საშუალო სკოლაში გადაიყვანა სწავლის გასაგრძელებლად, ბინაც იქვე შეურჩია ბიძაშვილებთან. შერგილი პირველ დღეს დარჩა მათთან. ბიძაშვილები მართლაც თან ჰყვებოდნენ, მაგრამ შერგილს არ შეეძლო უსაქმურად ჯდომა. გაკვეთილების მომზადების შემდეგ ჩვევა ჰქონდა, ან მამას უნდა მიხმარებოდა საქმეში, ან დედას. მეორე დღეს გაკვეთილების შემდეგ არჩევით გადაირბინა ქედი, შინ მიუჯდა თავის საყვარელ მაგიდას და საღამოს ძროხები მოურეკა დედას. ამის შემდეგ ყოველთვის ასე გადარბოდა და გადმობოდა წყალგამყოფ ქედზე. დადღას არა გრძნობდა, პირიქით, სიამოვნებას ჰკვირდა მუხლის მოსამაგრებელი ვარჯიში. სწავლასაც თანდათან უფრო სერიოზულად ეკიდებოდა და ისე მძაფრად ეწაფებოდა, როგორც არჩვი ეწაფება ნაჩვევ მჭავე წყალს. ცოდნის წყურვილმა შერგილი სკოლის ბიბლიოთეკაშიც შეიყვანა და ერთმანეთის მიყოლებით კითხულობდა წიგნებს. წლიდან წლამდე გრძნობდა, როგორ ემატებოდა ჯანი და თავში ცოდნა. ასე გალია სკოლის წლები და მეთერთმეტე კლასში ერთხმად გადაუწყვიტეს – ოქროს მედალი ალალი და უსაყვედუროაო. მიაღებინეს კიდევ. შერგილმა ოქროს მედალი თბილისში წაიღო და საბუთები უნივერსიტეტში შეიტანა ფილოლოგიის ფაკულტეტზე. იქ პატარა გასაუბრება და დაიწყო ნაოცნებარი ლექციები. ბენდიერი იყო შერგილი, რაკი გაეხსნა ცოდნის შეძენის უმაღლესი სამყაროს კარი. შესცქეროდა ჭაღარა პროფესორებს და თავი ზღაპარში ეგონა. ძველი ქართული ენისა და ლიტერატურის ჯგუფში იყო და ძირითად საგანს პროფესორი ილია აბულაძე უკითხავდა. პირველ საათზე თეორიას კითხულობდა, მეორეზე კი განხილდა თავის დიდ პორტფელს, ჰაგიოგრაფიული ძეგლების სქელ ტომეულს რიგრიგობით აკითხებდა სტუდენტებს და

უხსნიდა სიტყვების მნიშვნელობასა და შინაარსს.

ადამიანების სიცოცხლეში სამიოდე პერიოდა ზეადმატებული სიხარულია. მათ შორის ერთ-ერთი სტუდენტად გახდომაა. გასტუდენტება ყველაზე მეტად გამოირჩეულია. ახალგაზრდები, რომლებიც სწავლის ყინით არიან შეპყრობილნი, სკოლაში ისე რომ დაიარებიან, როგორც ღრმად მორწმუნენი ეკლესიაში, რა თქმა უნდა, ისე ოცნებობენ უმაღლეს სასწავლებელში ჩარიცხვაზე, როგორც მიუღწეველ და აუხდენელ მიზანზე. ოცნების ახდენას საეჭვოდ ხდის სიღუბნური და „უპატრონობა“. და, რაც უფრო ღიღია შიში მიზნის ვერმიღწევისა, ახალგაზრდები მით უფრო შეუპოვრები ხდებიან. შერგილის მსგავსი სწავლამოწყურებული გოგო-ბიჭები კანტიკუნტად ჩნდებიან საქართველოს კუთხეებში. განგების ძალით ქართული მიწიდან ამოიხრდებიან ქართული ჯიმ-ჯილაგის „სახარენი“, რომლებსაც ასევე განგების ძალით ჩაეღმის ეროვნული სული. ასეთებს დაბრკოლებას ვერავენ შეუქმნის და არც არავენ დაჩაგრავს. აი, ასეთი გამარჯვებული ახალგაზრდები იყვნენ შერგილის ჯგუფში, ჯერ რომ არც კი ეჯერებოდათ თავისი სტუდენტობა. ლექციებს შუა შესვენებები მოზღვავებული გრძნობების სიცილ-კისკისში გადმოღვრის საშუალება იყო. შეჭნაროდნენ ერთმანეთს, კისკისებდნენ ყველაფერზე, იცინოდნენ, თუ სასაცილოს ვინმე რამეს იტყოდა, იმაზე ხომ წიოდნენ და კიოდნენ. სხვადასხვა კუთხის წარმომადგენლებს – კახელებს, რაჭველებს, მეგრელებს, ხევსურებს და მათზე შექმნილ ანეკდოტებს აყვედრიდნენ. განსაკუთრებით მიზანში ჰყავდათ ამოღებული შერგილი და სვანურ ანეკდოტებს უყვებოდნენ, ანეკდოტებს, რომლებიც შერგილს არასოდეს მოესმინა და თავადაც გულაინად ხარხარებდა.

უნივერსიტეტის პირველკურსელებს ახარებდათ პირველ რიგში ის, რომ პირველი უმაღლესი სასწავლებლის სტუდენტები იყვნენ. უნივერსიტეტში ისე შედიოდნენ, როგორც მორწმუნენი შედიან ტაძარში, ისე შესცქეროდნენ დიდპორტფელიან, შლაპიან, თეთრ თმაწვერიან პროფესორებს აუდიტორიაში, როგორც წმინდანებს. აჟრიაშულებულნი, უცვებ გაისუსებოდნენ და გაისუსნენ კიდევ, როცა კარში მათი ყველაზე საყვარელი ლექტორი, ილია აბულაძე გამოჩნდა.

სკოლიდან გამოყოლილი ჩვევის თანახმად, მერხებზე ჩამომსხდარნი, ფეხზე წამოდგომით შეხვდნენ. დასხედითო კი არა, დაბრძანდითო, უთხრა ბატონმა ილიამ, თავისი დიდი პორტფელიდან წიგნი ამოიღო, პირველი მერხის პირველ გოგოს წინ დაუდო და – მაყვალა, არა, თქვენნი სახელი? ხომ არ მეშლება? – არა, ბატონო ილია. – აბა გადაშალე წიგნი და „შუშანიკის წამება“ წავიკითხოთ.

გაგრძელებებით აკითხებდა ბატონი ილია სტუდენტებს და თან ყოველი სიტყვისა და წინადადების განმარტებას აძლევდა. ტექსტი ნუსხა-ხუცურით იყო დაბეჭდილი. ერთი კვირის წინ ნუსხა-ხუცური ანბანი ჩამოუწერა დაფაზე, მერე თითო გვერდი ანაბეჭდებიც დაურიგა და საშინაო დავალებად მისცა ანბანის შესწავლა, ტექსტის კითხვა. აღფრთოვანებული იყო ბატონი ილია სტუდენტების სიბეჯითით. ჯერი შერგილზე მიდგა. მას იმ ადგილის წაკითხვა მოუწია, სადაც მოთხრობილია ვარსკენის მიერ ნაცემი შუშანიკის შესახებ: „მიბრძანე და მოგბანო სისხლი ეგე პირსა შენსა და ნაცარი, რომელი თვალითა



შენთა შთაცვეულ არს და სალბუნი და წამალი დაგად-  
ვა, რათა ჰე ღამე თუ განიკურნო“. ბატონმა ილიამ „ჰე  
ღამე“ განმარტა: რათა ამაღამ განიკურნო. შერგილი  
შეწრიალდა, რაღაცა აწუხებდა, შეატყო ბატონმა ილიამ:

– რაო, სვანო? რაღაცის თქმა გინდა.

– ბატონო ილია, დიდ ბოდიშს გიხდით, მაგრამ ეხლა  
მომივიდა აზრად: რანაირად შეიძლებოდა ბრძენ კაცს  
სასიკვდილოდ ნაცემი შუშანიკისათვის ეთქვა: „რათა ამა-  
ღამ განიკურნო“. ერთ ღამეში როგორ განიკურნებოდა?

– აბა თქვენ რას ფიქრობთ?

– იმას, ბატონო ილია, რომ... – ჰე ღამე, ღამეს არ  
უნდა ნიშნავდეს.

– ბავშვებო! მოწმენი ვხდებით ახალი სვანური ანეკ-  
დოტის დაბადებისა? – შესძახა თბილისელმა გოგომ –  
ლუიზამ. შერგილმა წყენით გადახედა:

– არა მჯერა და რა ვქნა, არა ვთქვა?

– მოიცათ, მოიცათ, ახალგაზრდებო! – შეუძახა  
აკისკისებულ გოგო-ბიჭებს ბატონმა ილიამ, აქამდე არ  
დაფიქრებულვარ, არც სხვები, აქ მართლაც რაღაც შე-  
უსაბამობაა, მაგრამ ასე ზეპირად ამას ვერ გადავწყვეტთ,  
მეცნიერულად უნდა დასაბუთება. აი, ახლა რას გეტყვი,  
შერგილ: უნდა გადაიკითხო სხვა ჰაგიოგრაფიული ნაწარ-  
მოებები და ამოიწერო წინადადებები. სადაც „ჰე ღამე“  
შეგხვდება, უნდა დაუკვირდე, რა შინაარსით არის ნახ-  
მარი.

ახლა ასე მოვიქცეთ, ჩემო შერგილ, აიღე სიმონ ყაუხ-  
ჩიშვილის მიერ გამოცემული ჰაგიოგრაფიული ტექსტების  
დიდი კრებული, თქვენს სტუდენტთა ბიბლიოთეკაში არის,  
წაიკითხე ტექსტები და, სადაც შეგხვდება „ჰე ღამე“,  
წინადადებაანად ამოიწერე. დავაკვირდეთ, რა მნიშვნე-  
ლობით არის ნახმარი.

ესლა უნდოდა შერგილს? ისედაც გვიანობამდე იჯდა  
ხოლმე სამკითხველოში და ახლა სულ ბოლომდე,  
22 საათამდე არ ეშვებოდა, სანამ ქალბატონი მარგო  
არ გასძახებდა: შერგილ, მორჩი მუშაობას, ჩამაბარე  
წიგნებიო. ასე იმუშავა შერგილმა ილია აბულაძის მეო-  
რე ლექციაზე და, როცა მასალა უჩვენა, შერგილის  
სიმათლეში დარწმუნებულმა ბატონმა ილიამ აღტაცებით  
შესძახა: ყოჩაღ, სვანო, ამდენ მეცნიერს გვაჯობე, ახლა  
ამ მასალიდან გამოკვლევა უნდა ჩამოვაყალიბოთო. და  
ასე ბატონმა ილიამ ისეთი საკურსო დაწერინა შერგილს,  
რომ თითქმის მთელი უნივერსიტეტი აღაპარაკდა: პირ-  
ველკურსელმა სვანმა პროფესორების მიერ დაშვებული  
შეცდომა გამოიკვლიაო. ზოგიერთი პატივმოყვარე დიდი  
მეცნიერი ასეთ ამბავს იწყებდა: „თავხედ“ სტუდენტს  
ამოიჩემებდა, შეიძულებდა, მოიმორებდა, ბატონმა ილიამ  
კი, როგორც კეთილსინდისიერ დიდ მეცნიერებს სწვე-  
ვათ, შერგილის წვრთნა სათავესოვლ დაიწყო, კიდევ და  
კიდევ აძლედა გამოსაძიებელ საკითხებს და შერგილ-  
იც შესანიშნავად ართმევდა თავს. მისმა ავტორიტეტმა  
თანაკურსელებშიც იმატა. ისინი მას ისე კი აღარ შეს-  
ციცინებდნენ, როგორც საანეკლოტო სვანს, არამედ, რო-  
გორც ჭკუა-გონებით გამორჩეულ მომავალ პროფესორს,  
შესვენების დროს გასაქანს არ აძლევენ, ელიჯლიჯებ-  
ოდნენ, შერგილს კი კისერი უკანა მერხისკენ სტედებოდა,  
სადაც მერხში თავჩარგული მზექალა იჯდა. ერთხელაც  
ვეღარ მოითმინა, ჯიქურ მივიდა, გვერდით მიუჯდა და

შეუმდერა: „წავიდეთ მთაში, ქალაუ, მზექალავ...“

– „უჩვენოდ ყოფნას ღრუბლებიც დარდობენ“ – მოუ-  
ლოდნელად ხმა შეუწყო მზექალამ.

– ვაჰ, შენ გენაცვალე! – შესძახა შერგილმა, – აკი  
ხევსურებმა სიმდერა არ იციანო.

– მე ახმეტელი ხევსური ვარ, მათ... მახათელაშვილის  
გუნდში ვმდეროდი, უბრალო ვინმე არ გვეგონო.

– მაინც რას კითხულობ ეგეთ საინტერესოს, რომ მუდ-  
მივად ესე ჩასცქერი რაღაცას. შეიძლება, ჩვენც წაგვა-  
კითხო?

– არ შეიძლება, საიდუმლოა.

– არ შეიძლება, მე გამანდო ეგ საიდუმლო?

მზექალამ შემოხედა, თვალებში მიაჩერდა და დინჯად  
უთხრა:

– შენ გენდობი. წიგნს შემოხვეული გაზეით შემოაცა-  
ლა და დანახა „გველის პერანგი! – გრიგოლ რობაქიძე.  
მერე ათხოვა კიდევ ორი დღით და აქედან უცებ ჩაყვარა  
საფუძველი შერგილისა და მზექალას მეგობრობასა და  
სიყვარულსაც. იმ დღიდან მოყოლებული, მზექალა და  
შერგილი მუდმივად ერთად ისხდნენ, ერთად დადიოდნენ,  
არა მალავდნენ და არც არავის უკვირდა, რომ ისინი შეყ-  
ვარებულები იყვნენ და გადაწყვეტილი ჰქონდათ, ქორწი-  
ლი ხუთი წლის შემდეგ, უმაღლესის დამთავრებისთანავე  
გადაეხადათ. სტუდენტობის წლები უცებ გადის და ამ  
შემთხვევაშიც უცებ გაიარა. ბატონმა ილიამ დამთავრები-  
სთანავე თავისთან წაიყვანა შერგილი ხელნაწერთა ინსტი-  
ტუტში და მზექალა ქისტაურის ადგილიც იქვე მოინიშნა.

ქორწილი ახმეტაში გადაიხადეს მზექალას მშობლებმა.  
მისი მამა ახმეტის რაიონის აღმასკომის თავმჯდომარე  
იყო და ქორწილი მართლაც დიდებული ჰქონდათ.  
სვანეთიდან ჩამოსულმა ვაჟის მაყვებმა სვანური ომახ-  
იანი სიმღერებით ასწიეს ჭერი. ქალის მაყვები კახუ-  
რი სიმღერებითა და ფანდურით არ უდებდნენ ტოლს.  
თბილისიდანაც ბევრი ჰყავდათ დაპატიჟებული, ბატონი  
ილიას მეთაურობითა და სტუდენტობის ამხანაგებით.  
შერგილს უნდოდა და მზექალაც თანახმა იყო, საქორწინო  
მოგზაურობით სვანეთში წასულიყვნენ, მაგრამ არა ქნეს  
მზექალას მშობლებმა, ნათესავებმა: როგორო, აუცილებ-  
ლად მოსკოვში უნდა წახვიდეთო. მამის ერთადერთი და  
საამაყო წასასვლელი მოსკოვი იყო. ბილეთებიც წინას-  
წარ ჰქონდათ შეკვეთილი თვითმფრინავზე. დიდი ამაღა  
გამოჰყვა თან ნეფე-პატარძალს, შამპანურებით გააცილეს  
და გააფრინეს.

ჩაფრინდნენ მოსკოვში, წინასწარ იყვნენ გაფრთხილე-  
ბულნი, სასტუმროების ძებნას ნუ დაიწყებთ, სულ ერთია,  
ნომრებს ვერ იშოვით და, რომც იყოს კიდევ, თქვენ არ  
შეგიშვებენო. კერძო ნომრებიც ჰქონდათ, გადაწყვიტეს,  
აეროპორტიდანვე დაერეკათ იმ ნომრებზე. პირველივე ნო-  
მერზე უპასუხა ქალმა. ვინა ხართო, ჰკითხა, ქართველე-  
ბი ვართო, უპასუხეს. მამის ეხლავე დასხედით ტაქსიზე  
და სასწრაფოდ მოდიეთო. ვინც მყავდნენ, აი ეს წუთია  
გავისტუმრე და ბარემ თქვენ ჩაგასახლებთო. შერგილი  
და მზექალა გახარებულები გამოცვივდნენ, აიყვანეს ტაქ-  
სი და სადღაც კუნცევოში გაემგზავრნენ მიცემულ მის-  
ამართზე. ბინა ერთოთახიანი აღმოჩნდა, ქალიც – ძალზე  
სიმპათიური. უთხრა: მე მხოლოდ ქართველებს ვაყენებ  
ბინაში, აი, ნახეთ, როგორი დაკრიალებული ჩამაბარეს,

მაცივარში რამდენი რამე დატოვეს. რუსებსა და ზოგიერთ სხვა ხალხსაც ბინაში არ ვუშვებ, საღორეს დაამსგავსებენ, მაცივრის მეტს არაფერს ასუფთავებენო. დაემშვიდობა და წავიდა. შერგილი და მზექალა ძლივს მარტო დარჩნენ, დაღლილები იყვნენ და იმ დღეს ქალაქში გასვლას არ ფიქრობდნენ. და ეს სწორი გადაწყვეტილება იყო.

\*\*\*

მესამე დღეს გააღეს კარი და გამოვიდნენ ქალაქში. პირდაპირ კრემლის დასათვალიერებლად წავიდნენ. ჭკვიანი ხალხისგან ჰქონდათ ნათქვამი, მოსკოვში კრემლის მეტი სანახავი არც არაფერიაო. არც მაღაზიებში აპირებდნენ სიარულს. წითელ მოედანთან ცენტრალური დიდი მაღაზიაა, იქ შედით, იქ იტრიალეთ, იქ უფრო რამეს იყიდით, სხვაგან სიარული არ დაგჭირდებათო. ის დღე კრემლის გარედან და შიგნიდან დათვალიერებას მოანდომეს, მერე, დაღლილ-დამშეულები, იქვე ცენტრალურ მოედანზე უზარმაზარ სასადილო „მასკვაში“ შევიდნენ. მზექალა გათავისუფლებულ მაგიდასთან დაჯდა, შერგილმა უთხრა, მე მოგემსახურებიო. სუფთად რუსული საჭმელები აიღეს – ბორში და პელმენები. ჭამდნენ და თან ერთმანეთს ეხუმრებოდნენ.

– ქართველები ხართ? – შემოესმათ გვერდზე მაგიდიდან ქართულად, – რა კარგები ხართ, თქვენ გენაცვალეთ. ბინა იშოვეთ?

– კი, კერძო ბინაში დავბინავდით, – უპასუხა შერგილმა.

ლამაზი გოგო იყო, 3-4 წლის ბავშვი ეჯდა გვერდზე და იმას აჭმევდა.

– არა, თუ არ გექნებოდათ ბინა, ჩემთან წავიყვანდით, უფასოდ დაგაყენებდით. საქორწინო მოგზაურობით ხომ არ ხართ ჩამოსულები?

– დიახ, დიახ, შეგვაძინეთ?

– კი, გეტყობათ, მომეცით ბლოკნოტი, ჩემს მისამართს ჩაგიწერთ, შემდეგში თუ ჩამოხვალთ, უსათუოდ ჩემთან მოდით.

შერგილმა უბის ჯიბიდან ამოიღო ბლოკნოტი, ჩააწერინა, ბლოკნოტი გამოართვა და ისე ჩაიღო ჯიბეში, არც ჩაუხედავს. მაღლობა გადაუხადეს და ჭამას შეუდგნენ.

ასე ათვალიერებდნენ მოსკოვის ცენტრს, ასე შედიოდნენ ცენტრალურ მაღაზიაში და ისევ თავიანთ ბინაში ბრუნდებოდნენ. რადგან ყველგან ზღვა ხალხი იყო, მთელი საბჭოთა კავშირიდან აქ, ამ ერთადერთ ქალაქში ჩამოდიოდნენ სავაჭროდა და რაიმეს სანახავად. აი, ამ ბზროში გარევა და აქეთ-იქით წყვეტება არ აინტერესებდათ, რადგან ჩაცმა-დახურვაზე ისედაც არ გიჟდებოდნენ. მზექალა თუ რამეს ყიდულობდა, თავისთვის იმდენს არაფერს, შერგილის დედისა და დისთვის იყიდა საჩუქრები და მორჩა. რაკი აღარაფერი იყო საინტერესო, რაკი სვანეთისკენ ჩქარობდა შერგილი, მოსკოვი ძალევე დატოვეს. მერე ისევ თბილისი, სამსახური ხელნაწერთა ინსტიტუტში და დაიწყო ახლებურად საინტერესო ცხოვრება.

შერგილს რაკი საკანდიდატო დისერტაციად ჩაუთვალეს სადიპლომოდ მომზადებული ნაშრომი, ბატონმა ილიამ ახლა უფრო სერიოზული საქმე ჩააბარა – ბიბლიის ხელნაწერების შესწავლა, შედარება, ძირითადი ტექსტის

დადგენა და სხვა მასთან დაკავშირებული სამუშაოები. რაკი დაინახა ბატონმა ილიამ, რომ შერგილი კიდევ უფრო უმატებდა შრომას, გვიან შემოდგომაზე, ნოემბერში, გადაწყვიტა, მივლინებით გაეგზავნა მოსკოვში ლაზარევის არქივში სამუშაოდ, უთხრა: ეს არქივი თითქმის არავინ იცის, მეც ერთხელ ვიყავი მხოლოდ, მინდა, ეს საქმე შენ მოგანდო და იქაური ქართული ხელნაწერები შევესწავლოთო, ისიც დააყოლა, მოსკოვში ახლა ყინვა იქნება, მაგრამ სვანს ყინვა ვერ შეგაძინებსო.

გაუფორმეს მივლინება შერგილს და ისიც გადაფრინდა. რაკი ბატონი ილიასაგან იცოდა, ეს არქივი სადღაც ცენტრში იყო, არჩია, იქვე დაბინავებულიყო სასტუმრო „რასიაში“.

ასეც მოიქცა, გადაფრინდა მოსკოვში და თავისი სამივლინებო ბარათით პირდაპირ სასტუმრო „რასიაში“ მივიდა. რუსის ქალმა ბარათი უკან გადმოუგდო და მრისხანედ გაუშეორა, ჩვენ ეგეთი ქალაქები არ გვჭირდებაო. აბა როგორი ქალაქები გჭირდებათ? – კითხვა შეუბრუნა შერგილმა.

– Мужчина, убирайся! – უფრო მრისხანედ შემოუტია რუსის დიაცმა.

ბრაზისაგან აცახცახებულ შერგილს უხეშადვე უნდოდა მიემართა, რომ მკლავზე ვიდაცამ წაავლო ხელი. მოჰხედა, მილიციელი იყო, დაცვა.

– ახალგაზრდავ, დაანებეთ თავი, ხომ ხედავთ უზრდელია, – შერგილი გვერდზე გაიყვანა და უთხრა: ნომერს სასტუმროებში ტყუილად ეძებთ, ერთადერთი „ვედეენ-ხაზე“ შეიძლება ჰქონდეთ, იქ წადით.

შერგილს მეტი რა გზა ჰქონდა, მეტროში ჩავიდა და „ვედეენ-ხაზე“ გლეხურ სასტუმროს მიაკითხა. ადგილი არ გვაქვსო, იქაც გამოუცხადა დიაცმა.

რაკი მივლინების ბარათმა არ უშეელა, იმ კერძო ბინის პატრონი ქალს, მარია სერგეევნას დაურეკა, ისევ თქვენ რამე უნდა მიშველოთ, უბინოდ ვარ დარჩენილიო.

– ორი ღამე სადმე გაათიეთ, ჩემი ბინა ზეგ დილით გათავისუფლდება და ისევ 11 საათისთვის მობრძანდითო.

შერგილმა სასტუმროს დიაცს შესჩვილა, რა ვქნა ეხლა, ორი ღამე სად გავათიო.

– თუ ყინვა არ გაძინებთ, ერთ ნომერში მინა ჩამსხვრეული, იქნებ იქ დაიძინოთო.

– გარეთ ყოფნას ხომ მაინც აჯობებსო, – უპასუხა შერგილმა და სთხოვა, მაჩვენეთო.

ქალი გაუძღვა, კარი გააღო, ჩამსხვრეულ ფანჯარაში ბალიში შეტენა და სხვა საწოლებიდანაც გადმოუღო ადიანლები, მაგრამ იმ ღამეს კინაღამ გაიყინა. დილით ადრე გამოვიდა და ქალს დაუბარა, ჩემოდანს დაგტოვეთო. შერგილმა თავისი ჩემოდანი საწოლის ქვეშ შეაგურა და ქალს უთხრა, საღამოს მოვალ, ეხლა უნდა ლაზარევის არქივი მოვძებნო და მივლინება წარვაგდინო.

– წადი, წადი, გაუღიმა რუსის დიაცმა, – ვნახოთ, საღამოს როცა მოხვალ, შევეცდები, სიცივეს არ მოგაკვლევინო.

შერგილმა იოლად მოძებნა ლაზარევის არქივი, მოიკითხა სერგეი არუთინოვიჩი, გაეცნო, ილია აბულაძის მოკითხვაც გადასცა და მივლინების ბარათიც წარუდგინა. ეს არქივი მე-19 საუკუნეში იყო დაარსებული მდიდარი სომეხი კაცის მიერ, ქართულ და სომხურ ხელნაწერებს

ყიდულობდა თურმე კერძო პირებისგან და მდიდარი საარქივო მასალა შეაგროვა. სერგეი არუთინოვიჩი კი ეხლა ერთ-ერთი განყოფილების უფროსი იყო. მან რომ გაიგო, თბილისიდან იყო სტუმარი, ხელეები ალაპყრო და შესძახა: „ნუთუ გაახსენდათ თბილისში, რომ ამდენ ქართულ ხელნაწერს მიხედვა უნდა“. მოიკითხა ბატონი ილიაც – დიდი მეცნიერია, სომხურ-ქართულ ურთიერთობებში ბევრი აქვს გაკეთებული, ეხლა თქვენ მითხარით, ახალგაზრდავ, რით შემძლია დაგეხმართ და მე ყველაფერს გააკეთებო. შერგილმაც აუხსნა: მინდა, ქართული ხელნაწერების სია შევადგინო და ბიბლიის ხელნაწერების, ზოგიერთის მაინც, ასლები გადამიღოთ. მოხუცმა სომეხმა დიდი სიყვარულით შეიყვანა შერგილი საცავში, უჩვენებდა ხელნაწერებს და მოკლე ისტორიებსაც აცნობდა. შერგილმა მამინვე აირჩია რამდენიმე მათგანი, დარბაზში გამოატანინა და ინტერესით შეუდგა მუშაობას. გიყვარდეს, გათბობა კი აქაც უმადლესად იყო.

გვიანობამდე იმუშავა და გვიან მივიდა „ვედეენსაზე“. ხედავს, იმ რუსის დიაცს იქვე მაგიდასთან უხის ლამაზი შავგვრემანი კაცი და ჩაის სვამენ, ნამცხვრები აქვთ დახვავებული.

– ეჰ, ახალგაზრდავ, სამწუხაროდ, გაყინულ ოთახში მოგიწევს დაძინება, აი, ჩემი მეგობარი ქართველი ჩამოვიდა და, რას ვიხამ, ამაღამ ეს უნდა გავათბო. ისე ურცხვად, ისე ამაყად ამბობდა ამას რუსის დიაცი, მის მაგივრად შერგილს შერცხვა. ვანო კი (მართლა ვანო ერქვა თუ დაცინვით ეძახდა საყვარელი) ნახად ილიმებოდა და ოქროს კბილს აელვებდა. მოძებნა ბლოკნოტში უცნობი ქალის მისამართი. სამწუხაროდ, ტელეფონი არ ეწერა. გადაწვიტა, წასულიყო და მისამართით მოეძებნა. იქამდე მეტრო „ბელიაევო“ მიდიოდა, მაგრამ, სად, არ იცოდა, მეტროს გადასასვლელები რთული იყო და ძლივს იგებდა გზა-კვალს. ამოვიდა სადღაც ტრიალ მინდორში, შორს მრავალსართულიანი სახლები ჩანდა, შორიშორს მიმოფანტული. გამკვლელებს, სიცივისაგან შეწუხებულნი რომ მირბი-მორბოდნენ, ეკითხებოდა მისამართს, სახლი 4 სად იქნება, ვერ მიმასწავლით? ზოგი სულ არ პასუხობდა, ზოგი ეუბნებოდა, აი, ის სახლი უნდა იყოს, მგონიო. წავიდოდა, ივლიდა, ივლიდა, სხვა ნომერი აღმოჩნდებოდა. იქიდან ჰკითხავდა ვიღაცას, ისინი სხვა სახლისკენ გაიშვერდნენ ხელს, მგონი, ის უნდა იყოსო. არც ის აღმოჩნდებოდა. თანაც რა მანძილებია. ასე წვალებ-წვალებით როგორღაც გვიან მიაკვლია. სამსართულიანი ადრე ამენებული უბრალო სახლი აღმოჩნდა. ბოლოს ვინც ზუსტი მისამართი ასწავლა, იმან ისიც დააყოლა, მშენებელი მუშებისთვის სიჩქარ-მჩქარად ამენებული სახლიაო. იმან გვარიც ჰკითხა, რა გვარს ეძებო და, როცა უთხრა, იმან დააყოლა: აა, კოლია ანდრეევიჩის მეუღლეა, მეორე სართულზე ცხოვრობსო. მივიდა შერგილი მეორე სართულზე. ზარი ზედ კიბის თავზე იყო. დარეკა. კარი ვიღაც თეთრთმიანმა, ჩამრგვალებულმა, მოძრავმა კაცმა გაუღო.

- ვინ გნებავთ? – შეეკითხა.
- მარიკა კოლხიდაშვილი...
- აა, მარიკა აკაკიევიჩა! – გასძახა კაცმა იქით, – თქვენთან არიან.

შერგილმაც მიიხედა და ის ლამაზი ახალგაზრდა ქალი დაინახა. ის კი გაუნძრევლად იდგა, მერე უცებ გაიღიმა,

გამოქანდა:

– აა, სოსო, ეს შენა ხარ? – კისერზე მოეხვია, აკოცა, მერე იმ ჩამრგვალებულ კაცს მიუბრუნდა და უთხრა, ქუთაისიდან არის ჩემი ნათესავი, წამოდი, წამოდი, შევიდეთო.

შევიდნენ. კარი მოხურა და უთხრა:

– ბოდიშს გიხდით, ვერ გიცანით, ვინ ბრძანდებით? თითქოს მეცნობით და ვერ გიხსენებთ.

– მე ისა ვარ, გახსოვთ, წარსულ ზაფხულს „მასკვა“ სასადილოში რომ შევხვდით, მისამართი რომ ჩამიწერეთ.

– აა, – გაიცინა მარიკამ, – გამახსენდა, შენი სახელი შერგილი, არა? სვანი. სოსო ისე დაგიძახე, რაც პირზე მომადგა. ჩემს მეზობელს, აი, ამ ხნიერ კაცს, დავალებული აქვს ჩემი ქმრისგან, მიდარაჯოს. მაგას ვერ მივცემდი საბაბს, რომ უცხო კაცი მოვიდა ჩემთან. გაიხადეთ, გაიხადეთ, აი, აქ დაკიდეთ. ბათინკებიც გაიხადეთ და ამ ფლოსტებში წაყავით ფეხი. ჩვენთან ძალიან თბილა. მარიკა ჩურჩულით ლაპარაკობდა, იმავე ოთახში ბავშვს ეძინა და არ გაგაღვიძო. რაკი ბინა ერთოთახიანი იყო, ბავშვის საწოლი შირმით იყო გამოყოფილი.

ამ სახლში სულ ერთოთახიანი ბინები იყო თურმე მშენებელი მუშებისთვის.

– თბილა კი არა, ცხელა. ამ მოსკოვისას ვერ გაიგებს კაცი, შიგნით ცხელა, გარეთ ყინავს.

შერგილმა გაიხადა და მითითებულ დივანზე ჩამოჯდა. იქვე ჩამოჯდა მარიკაც.

– მაპატიეთ, ასე გვიან რომ გესტუმრეთ, ტელეფონიც არ მეწერა თქვენი, რომ გამეფრთხილებინეთ.

და შერგილმა მოკლე უამბო თავისი მივლინებისა და თავს გადახდენილი ამბის შესახებ.

– არაფერია, არაფერი, – ცოტა არ იყოს, უხალისოდ წარმოთქვა მარიკამ, – ერთ ღამეს როგორმე გაგათევიებთ. მერე წამოდგა, ელექტროჩაიდან ჩართო, მაცივირიდან ნამცხვრები გამოიღო და კედელთან მიდგმულ პატარა მაგიდასთან მიიპატიჟა. ცხელი ჩაი და რაღაც უცხო ნამცხვრები შერგილს ძალზე ესაიმოვნა. მეორე ჭიქა დაუსხა. ნელ-ნელა სვამდნენ, საუბრობდნენ, დროც გადიოდა, კედელზე დაკიდებული საათი უკვე პირველს აჩვენებდა. შერგილი ამჩნევდა, რომ მარიკას ღელვა ემატებოდა, თითქოს ფერიც დაკარგული ჰქონდა. შერგილმა იფიქრა, ჩემი ეშინიაო და რაღაც გადაკრულად გამხნევება დაუწყო, საშიში კაცი არა ვარო.

– არა, მე მაგიტომ არა, შეიძლება ჩემი ქმარი მოვიდეს, დაახლოებით ამ დროს მოდის ხოლმე და არ ვიცი, რას იზამს, რას იტყვის.

– რას იტყვის, მე ხომ ნათესავი ვარ შენი. ვსხედვართ, ვსაუბრობთ, რა, არ შეიძლება?

– საქმე იმაშია, რომ ჩემს ქუთაისელ ნათესავებს ყველას იცნობს, მაგრამ მაინც მკაცრად ვყავარ გაფრთხილებული, ქართველები ყველას ბიძაშვილსა და მამიდაშვილს ეძახით, ოთახში ფეხი არავის შემოადგმევინო.

– კი მაგრამ, ვინ არის ეგ შენი ქმარი, რა ეროვნებისაა, რუსია?

– რუსია და ჯანდაბა, ამათ ხომ ნათესაობა არ იციან, ჩვეულებრივი კაცი რომ იყოს, კიდევ როგორღაც ავიტანდი. კანონიერი ქურდია. მას შეუძლია, მეც და შენც დაგვხოცოს აი აქ, ერთ წამში და ხელსაც არავინ ახლებს,

მოჩვენებითად დაიჭერენ, გაასამართლებენ კიდევ, მერე საზღვარგარეთ გაისტუმრებენ ისევ თავისი ქურდები, რამდენიმე წლის შემდეგ ჩამოვა და ისევ ისე გააგრძელებს ამ უბნის მაყურებლის მოვალეობას, როგორც დღეს არის.

– კი მაგრამ, თუ ასე იყო საქმე, გეთქვა მაშინვე, როცა მოვედი, ეხლა სად წავიდე, მეტრო აღარ მუშაობს, ალბათ ტაქსიც არ იშოვება აქ. ამ ყინვაში ქუჩაში ნამდვილად მოკვდები. აქ იქნება გადავრჩე. ერთი ეს იცოდე შენ, ეგრე იოლად არ მოვაკვლევინებ თავს, შეიძლება იარაღი წავართვა და მე მოვკლა, თუმცა რა, დამიჭერენ და ციხეში ქურდები მაინც მომკლავენ. ისე რომ, საშველი არ არის. ახლა მე აქედან არსად წამსვლელი არ ვარ. შენ დამშვიდდი, ხანდახან მოდისო, რომ თქვი, იქნებ სულ არ მოვიდეს.

– არა, დღეს ხუთშაბათია, ხუთშაბათობით მოდის. ჩემს ჯიბრზე მოვა.

ამ დროს ზარის ხმა გაისმა კარზე.

– ვაიმე, – შეპკივლა ქალმა, მგონი მოვიდა, – და წამოდგა. წამოდგა შერგილიც შესახვედრად.

სანამ ამ კარს გააღებდა, გარეთა კარი უკვე გაიღო.

– კინოში ვიყავი ბოლო სეანსზე და შემაგვიანდა, – მოისმა ქალის კისკისი.

მარიკამ კარი მიხურა, ჩაკეტა და ლამის გონმიხდილი შემობრუნდა. ერთი-ორი ნაბიჯი გადმოდგა და შერგილს მიეხურა მკერდზე.

– ოჰ, ღმერთო, რა გადავიტანე!

შერგილიც შემოპხვია მკლავები, დაიხარა და აკოცა.

– გული გაიმაგრე, ნუ გეშინია!

– ოჰ, ღმერთო, მეტი აღარ შემიძლია, – მივიდა და დივანზე გადაიქცა, – მოდი შერგილ, თორემ გავგიჟდები. მივიდა შერგილიც, მიეძალა, მაგრამ არაფერი გამოსდიოდა.

– რას შერები?! – წამოიძახა ამ დროს მარიკამ და თან წამოიხედა – რა არის ეგ?

– ეს არის... ჯიბი მაქვს ასეთი.

– მერე, შეიძლება?

– შეიძლება. ჩემი ცოლი ხომ ნახე შენ, არაფრით გამორჩეული არ არის.

– მაშინ ეგ საქმე დივანზე არ გამოვა, – აღიარა გაფინა იატაკზე და წამოწვა. მართლა, ვაი-ვაგლახით, მაგრამ საქმე მაინც გამოვიდა. მარიკა უხმოდ კიოდა, მერე დაფეთებული წამოვარდა, დროზე მოვწესრიგდითო. მოწესრიგდნენ კიდევაც და ვითომ აქ არაფერიო, მაგიდას მიუსხდნენ.

– შენ რა გითხარი, შერგილ, შენ! – ჩურჩულით დაიწყო მარიკამ, – ჩემში ეს ქვენა გრძნობები მიძინებული იყო; მიძალეული ვარ წიგნებს, ჩემი შვილი, ცურვანე დაეღვიარა და ასეთი რაღაცები. სექსი ჩემი ცხოვრებიდან, ჩემი ნარკომანი ქმრის გადამკიდე, თითქმის გამქრალი იყო. როგორც მითხრეს და მე ამაში დავრწმუნდი კიდევ, ჩემმა ქმარმა ვიღაც სხვა შეირთო. შეირთო თურმე თავისი განყოფილების გამგის და. ცეკაში არიან სამშენებლო განყოფილებაში. იმ განყოფილების გამგეს ცოლად ჰყავს ამ ჩვენი მეზობელი გოგოს და, ეხლა რომ მოვიდა ვითომ კინოდან. მე რომ თქვენ გეპატიჟებოდით ჩემს ბინაში, აი მაგ მეზობელი გოგოს იმედი მქონდა, იმის ბინაში დაგაყენებდით თქვენ, მაგ გოგოს ჩემთან დავაძინებდი. მარტო

ცხოვრობს, ფული კი ჩვენ, მაგ გოგოსაც და მეც, აი, ამ კანონიერი ქურდებისგან იმდენი გვაქვს, არ ვიცით, სად წავილთ. თქვენ კაპიკს არ გადაგახდევინებდით.

მარიკამ ხელი ხელზე დაადო შერგილს და ნახად შემოპხვია. შერგილიც მარჯვენა იმის ხელს დაადო და მოუჭირა.

– გავშალი აღიარა? – შეეკითხა მარიკა.

– გამაღე, აბა რა! – უპასუხა შერგილიც.

მეორე ხელი უფრო მგრძნობიარე გამოდგა.

ისევ ისე სწრაფად წამოხტნენ, ფაციფუცით მოწესრიგდნენ და უწყინარი კრავებივით ჩამოსხდნენ თავ-თავის ადგილას.

– ეს ორი მოვპარეთ კოლიას, – გაიცინა შერგილიც, თან საათს შეხედა, – როგორ ზუსტად გამოვიდა. პირველი – პირველზე, მეორე – ორზე. საათების მიხედვით თუ ვიანგარიშებთ, კიდევ ოთხი ხელი დაგვრჩა.

– ღმერთო, ფეხი გაუხმეს იმ ჩემს ნარკომანს, ოღონდაც აქ უბედურება არ დატრიალდეს და მერე ალბათ აღარაფერი მომკლავს.

– რა მაკვირვებს, იცი? ამისთანა მშვენიერი გოგო რუსს როგორ გაპყვევი?

– არ ვიცი, რამ გამომაშტერა, რა მომივიდა, ვერასოდეს ვერ წარმოვიდგენდი, რომ რუსს კი არა, საერთოდ სხვა ეროვნების კაცს გავყვებოდი ცოლად. ეს ოხერი ქუთაისში იყო ჩამოთრეული. ჩვენ იქ ვცხოვრობდით, ჩემი მშობლები და ჩემი ძმა ეხლაც იქ არიან. მე მე-11 კლასს ვამთავრებდი, გამაღებით ვმეცადინებოდი, თბილისის სახელმწიფო უნივერსიტეტში ფილოლოგიურზე ვფიქრობდი ჩაბარებას და ჩემდა ჭირად ეს ოხერი გამოჩნდა – ჩემმა ძმამ მოიყვანა თავის ორ მეგობართან ერთად. მოსკოველი სტუდენტია, გაგვაცნო, მოსკოვის სახელმწიფო უნივერსიტეტის პროფესორიო. თურმე კანონიერი ქურდი იყო და ჩემი ძმის ქუთაისელი მეგობრებიც კანონიერი ქურდები იყვნენ. ჩემი ძმა უნდა ეკურთხებინათ თურმე კანონიერ ქურდად. ჩვენ, როგორც ქართველების წესია, გადავირიეთ, ზღაპრული სუფრა გავუწვევით და ჩვენც იქვე სუფრასთან დაგვსხეს. „პროფესორი“ რუსი და ქართველი პოეტების ლექსებს ამბობდა ზეპირად, ყვებოდა რუსი მწერლების ქართველებთან ურთიერთობის ამბებს. მოვიხიბლე, მით უმეტეს, რომ გარეგნობა ჰქონდა მიმზიდველი, წარმოსადგვი ახალგაზრდა კაცი, ლამაზი სახის, ცხვირი ოდნავ კეხიანი, ქართულს მიმსგავსებული, ისეთი კი არა – პაჭუა, მონღოლური, ცისფერი თვალები, ამაზეც გვიამბო, ჩვენ, ნამდვილი რუსები, გადმოცემის თანახმად, სამზრეთიდან, კაკასიიდან ვართ იქ მოსულეები – მესხები, მოსხები და მოსკოვი მათ დაუარსებიათო. მოკლედ, შემაძნია, რომ მოვიხიბლე, მაგრამ მის ცოლობაზე მაინც არ ვფიქრობდი. ჩემს ძმასთან ერთად დამიმართოხელა და ცოლობა მთხოვა, თანაც, ჩვენთან მოგაწვებოდა MGY-ში, ფილოლოგიურზე, ფუფუნებაში გაცხოვრებ და საზღვარგარეთაც გატარებო. ავდექი და ჩუმიად გამოვეყვი, გამოვიპარე. ჩემი მშობლები ისე განაწვედნენ, რომ მკვლად ჩამთვალეს. ნეტავ მართლა მაშინვე მოვკვდარიყავი. ჩამოსვლიდან რამდენიმე დღეში სწავლის დაწყებამდე MGY-ს სტუდენტად მიმიტანა და წინ დამიდო, ფილოლოგიურ ფაკულტეტზე ხარ ჩარიცხულიო. სიხარულისგან გავგიჟდი, სულ იმის ფიქრი მტანჯავ-



და, როგორ უნდა ჩამებარებინა რუსული ლიტერატურა. პოდა, დავიწყე უნივერსიტეტში ლექციებზე სიარული, სანამ ბავშვი შემეძინებოდა. ეს ჩემი ქმარი კიდევ რაღაც საეჭვოდ მიდი-მოდიოდა, არა ჰგავდა პროფესორის ქცევას მისი უსაქმურობა. ჩემი ეჭვები მეზობლებს რომ გავუზიარე, მითხრეს, შენი ქმარი პროფესორი კი არა, კანონიერი ქურდია, „პროფესორი“ მისი ქურდული „კლიკააო“. თავზარი დამეცა, აღარც მისი უნივერსიტეტი მინდოდა და აღარც სიცოცხლე, მაგრამ უკვე გვიანი იყო. ეს ჩემი ტრაგედია თვითონ კოლიას ვუთხარი, მან კი მანუგეშა, არ გინდა და ნუ ისწავლი, უნივერსიტეტში ჯახირი არაფერში გჭირდება, ფულს, რამდენსაც გინდა, არ მოგაკლებ, შენ მართლაც ეს ბავშვი გაზარდე და იცხოვრე შენს გემოზე, თავისუფლად, როგორც მოგესურვებაო. და იმის მერე, უკვე რამდენი წელია, ასე ვარ. ერთი ნუგეში კიდევ ის იყო ამ ხნის განმავლობაში, ეს ჩემი კოლია, „სილნო რომ კოლიტსია“, ცეკას ინსტრუქტორი გახდა. რანაირადო, ვკითხე გაკვირვებულმა. რანაირადო და შენ ვინ გგონია ჩვენი მთავრობა, ძირითადად, თავიდან ბოლომდე, სულ კანონიერი ქურდებითა და ბიუჯეტის ქურდობაცაგებით არის დაკომპლექტებული. ჩემი განყოფილების გამგეც კანონიერი ქურდიაო. აქაც მოიყვანა სტუმრად ისა და სხვა თავიანთი ინსტრუქტორები. გარეგნულად ყველა მიძხიდველი, კარგი მოლაპარაკენი, მაგრამ – არაფრის სპეციალისტები. მათი საქმეა ლაყობა, რევიზიების ვითომ ჩატარება და იქიდან ფულის მოხვეჭა. ერთი ეს უნდა გკითხო, შენ თუ იცი, საიდან მოდის „კანონიერი ქურდი“?

– არა, არ გამიგია არაფერი.

– არ გეცოდინება, იმიტომ, რომ არავინ არ იცის. მეც ამ ჩემი ქმრისგან მოვისმინე მერე. ეს „პროფესია“ სტალინის შემოუღია. ამხელა საკონცენტრაციო ბანაკები რომ შექმნეს, იმით ხომ სჭირდებოდათ იქ მორჩილებაში ყოფნა. პოდა, აი იქ მაგარი ქურდები დააწინაურეს, დასვეს მოთავეებად და მისცეს სრული უფლება, ვინც გინდა მოეკლათ, თუ ვინმე ყვირილს დაიწყებდა, ხტუნაობას და ხელსაც არავინ ახლებდა. ხალხში, ბანაკებშიცა და გარეთაც ვრცელდებოდა ხმა, ისეთი მაგარია, მთავრობაც კი ვერა სცემს ხმას, თვით სტალინიც კი ვერ ერევაო. შემდეგში ამ ბანაკების სკოლაგავლილი აი ეს კანონიერი ქურდებიც დააწინაურეს მოსკოვის მთავრობაში ქვეყნის სამართავად. მათ არ სჭირდებოდათ არც ცოდნა, არც კანონები, არც მორალი. მათი სახელმძღვანელო ღვეიზი იყო „მოკალი და იბატონე“. შემდეგში ამ კანონიერი ქურდების წყალობით მთავრობაში იმრავლა ბანაკელი მეგობრების, „კაი ბიჭების“ რიცხვმა და საბჭოთა პერიოდის ბოლო ხანებისთვის ქურდულმა მმართველობამ უმაღლეს საფეხურებს მიაღწია. ისევ ამ ჩემი ქმრისგან ვიცი, მოსკოვში შენდება ესეა მთელი უზარმაზარი კვარტალი, რომელსაც ვითომ მთავრობა აშენებს, სინამდვილეში კი ქურდი მაფიოზები აშენებენ და ფულსაც, მილიარდებს, ისე ინაწილებენ „პარტიისა და ხელისუფლების“ მოთავენი, რომ ბიუჯეტში კაპიკიც არ შედის. ეს ჩემი ქმარიც იქ არის თურმე ჩართული თავისი ახალი ცოლისძმის წყალობით. აი, ეს ხალხი მთელი ამ მშენებლობის და მათთან ერთად მთელი ქვეყნის შემოსავალს – მილიარდებს მილიონებად ინაწილებენ თავისი დაპყრობილი ხალხებისაგან მონურ მორჩილებას ითხოვენ – არ გაბედოთ და

კაპიკი მოიპაროთო. თბილისში გახსნეს თურმე მაფიოზური საქმე – ხუთსართულიან სახლებს მეექვსე სართულელები დაამატეს, რეასართულიანებს – მეცხრე სართულები და აი, ამ სართულებს ყიდაინ. თბილისელმა „პრავდის“ კორესპონდენტმა, ვინმე გიორგი ლებანიძემ, „პრავდაში“ გამოაქუხა სტატია „სართულებით მოვაჭრენი“. მოსკოვიდან ფეხი დაუბრახუნეს: ჰაიპო, თქვენ თაღლითო ქართველებო, რასა ბედავთო, თავად კი თურმე გვერდულად აშენებენ თბილისისხელა კვარტალს, საიდანაც, როგორც უკვე ვთქვი, ბიუჯეტში კაპიკი არ შედის. აბა ეს ქვეყანაა? ეს ხალხია? აი, რა კულტურა შეიტანეს მათ თუნდაც საქართველოში, კულტურა კი არა, სრული გადაგვარება – ლოთობა, ბოზობა, ქურდობა. ამიტომ, რაც უფრო სიღრმისეულად გავცანი ამ ხალხს, ზიზღი უფრო და უფრო გამიძლიერდა. აქედან გაქცევა მინდა. საწყალი, დაბეჩავებული ადამიანები რა ღლეში ჰყავთ, როგორ ატყუებენ, როგორ ძარცვავენ, როგორ აბღავლებენ, კომუნიზმს ვაშენებთო. ბაკში შეყრილი საქონელივით ჰყავთ, თვითონ ეს ქურდები და მათი ცოლები კი, როცა და სადაც მოესურვებათ, ისე დადიან საზღვარგარეთ, იკვრავენ ტანსაცმელს, ყიდულობენ, რაც უნდათ, აქაც დახურული მაღაზიები აქვთ, ცეკას ცალკე, მთავრობას – ცალკე. ეს მაღაზიები სულ საზღვარგარეთიდან მარაგდება. იმ მაღაზიის წიგნაკი მეცა მაქვს, იქიდან მომაქვს ეს ნამცხვრებიცა და კონსერვებიც თუ სხვა რამ – სულ საზღვარგარეთული.

მარიკა ადგა, მაცივრიდან გამოიღო სხვადასხვანაირი კონსერვები და წინ დაუწყო შერგილს – აი, ნახე, სულ დელიკატესებია, არც კი ვიცი, რისი კონსერვებია, მაგრამ საოცრად გემრიელია. აი, გაგიხსნი და გასინჯე, გაგიჟდება.

შერგილმა შეჭამა და ვერ გაიგო, რა იყო. კოლოფს ეწერა, ზღვის სურსათიო. შამპანურიც გამოიღო უკვე წათამამებულმა მარიკამ და ბოკალებში დაასხა. შერგილმა მარიკა დალოცა და მტკიცე მეგობრობა შეჰფიცა, მერე მოუხვია, კიდევ მთელი გრძნობით აკოცა და ჩასჩურჩულა, 3 საათია.

– დავაფინო ადიალა, – შემოსცინა მარიკამ.

ისევ ფაციფუცით წამოცვივდნენ, მარიკამ „ზედმეტები“ საჩქაროდ ააღაგა მაგიდიდან, მოასუფთავა, მხოლოდ ჩაის ჭურჭელი დატოვა და კვლავ უწყინარი კრავებივით ჩამოსხდნენ.

– აი, ჩემო შერგილ, – დაიწყო მარიკამ, – როგორც ხედავ, ყველამდე ვარ, მაგრამ სულიერად ვიტანჯები. მეზობლები თითქოს ყველა კარგია, კარგად მექცევიან, ან ვინ გაბედავს ცუდად მოპყრობას, მაგრამ არა, ის ჩვენი ქართული ურთიერთობა, ხასიათი, სუფრა სულ სხვაა. მენატრება. მინდა, თბილისში ჩამოვფრინდე, ბინა შევიძინო, ფული იმდენი მაქვს, როგორც გითხარი, გინდა 5 ბინას შევიძინე. და შევიძინე უმაღლეს ბინას. პრესტიჟული უბანი ვაკეა, არა?

– კი, ვაკეა, მაღალი საზოგადოების უბანი. მაგრამ ვაკე ის ვაკე აღარ არის, რაც ადრე იყო. მართლა თბილისის ნაღები ცხოვრობდა იქ. თვით გიორგი ლეონიძესაც იქ ჰქონდა ბინა და კიდევ ბევრ სხვა ცნობილ პიროვნებას. ღღეს კი იქაც აირია მონასტერი. ფული, მოგესხენება, ყველაფრის მკადრებელი, გაუნათლებელი, უკულტურო

ხალხის ხელში მოხვდა და იმით შეიძინეს ვაკეში ბინები. ის კულტურული საზოგადოება გადაფარეს. ეს ის საზოგადოებაა უკვე, რომელიც საოპერო ტანსაცმელს ბაზარში იცვამს, ოპერა კი, არც იცის, სად არის. პარიზი და მთელი ევროპა ფეხქვეშ აქვთ ამოდებული და არ ყოფილან საქართველოს კუთხეებში, არ უნახავთ ხევისურეთი, სვანეთი. მე, პირადად, უფასოდ რომ მომცენ ბინა ვაკეში, იქ არ ვიცხოვრებ. მე და ჩემი მეუღლე ჯერჯერობით ნაქირავებში ვართ. ჩვენ მთავრობის ბინას ბატონი ილია გვპირდება. არ ვიცი, სად მოგვცემენ. აი, შენ თუ ბინის ყიდვა გინდა, ხილიანის ქუჩაზე გირჩევდი, კარგი ადგილია, საზოგადოებაც კარგი ჩასახლდა, ამიტომ ბინებიც საკმაოდ ძვირია.

– ოო, ეს რა კარგი მითხარი, მე, რატომღაც, რაკი ფული მქონდა, ვაკეს ვუძინებდი; არა, არა, ეგეთ საზოგადოებაში არც მე მინდა, შენი სამსახურიც იქვე ახლოა. გათხოვებას აღარ ვაპირებ, რა თქმა უნდა და არც მეგობრად მინდა ვინმე შენს მეტი. შენ ერთი მეყოლები, ათს რომ უდრი, ისეთი და მორჩა.

– მერე შენი ქმარი გიმეგობრებს?

– ჩემს ქმარს, როგორც უკვე გითხარი, ვიღაცა შეურთავს ამ მილიონერთა წრიდან, დიდი ბინაც შეუძენიათ ცენტრში. ველაპარაკე და ვუთხარი, მე საქართველოში დავბრუნდები, შვილი ქართულად მინდა გავზარდო-მეთქი. თანხმობა მომცა, მითხრა, მეც მაინტერესებს, ჩემი შვილი ქართველად გაიზარდოსო. ხელის შეწყობას არც იქ მოგაკლებთ და მილიონებს გადმოგირიცხავთო. ისე რომ, გზა ხსნილი მაქვს და მეც არ დაგაყოვნებ, მით უმეტეს, რომ ამისთანა მეგობარი შეგიძინე. მე აქ ვეღარ ვაგზრდები. ჩემს შვილსაც მომავალ ზაფხულს უკვე სკოლა უწევს. ეხლა, როგორც კი ჩახვალ თბილისში, უნდა აღმომიჩინო ბინა აი, მაგ ხილიანის ქუჩაზე. შემატყობინე და ფულს მაშინვე გადმოვირიცხავ ან მე თვითონ ჩამოვალ და ფულსაც მე ჩამოვიტან.

– ძალიან კარგი, მეც მოხარული ვარ შენი მეგობრობის. ეს შემთხვევა რომ არა, სხვა ვინმესთან კავშირს არ ვაპირებდი, გადაწყვეტილი მქონდა და ეხლაც ასე ვარ, რომ ჩემს მეუღლეს არ ვუღალატებ. მე ამას დალატად არ ვთვლი. ეს ისეთი შემთხვევაა, რომელზეც არც ღმერთი შემძრისხავს და თვით ჩემი მეუღლეც კი აუგს არ მეტყობა. აბა რა უნდა მექნა? გაეცევილიყავი? სად? რატომ? ის უფრო დიდ სირცხვილად და ცოდვად ჩამეთვლებოდა. ჩემი მეუღლე ისეთი ვაჟკაცი ქალია, ამ საქციელს მეც ვაჟკაცობად და მაღლად ჩამითვლიდა. გითხარი, რომ ხევისურია და ხევისურებს კი ნათქვამი აქვთ: „ვინც ქალშიაო, ის ხმალშიაო“. მექალთანე და ქალებში გაწუწუებული კაცი არ უნდა იყოს, ეგ არის სამარცხვინო, თორემ, შემთხვევა რომ მოიტანს, იქ არც ხმალს უნდა გაექცე და არც ქალს.

– რა ლამაზად თქვი, დიდი მაღლობა, დაჰკა ხელი, – ხელი გადმოუდო მაგიდაზე. შერგილმაც კვლავ ხელი ხელზე მოუჭირა და ისევ ვნებიანად ჩაკოცნა.

– აბა, შესრულდა ოთხი საათი.

– ე. ი. გავშალო ადიალა? – და გაშალა.

როცა კიდევ მოწესრიგდნენ და კვლავ თავის ადგილზე დასხდნენ გუგულებივით, შერგილმა წამოიწყო:

– ნაკითხი, ჭკვიანი ქალი რომ ხარ, უკვე დავრწმუნდი. მე აღარ მეგონა, თუ ჩემი რჩეულის მეტს ვინმეს შევხვდე-

ბოდი ჩემი გუნების ქალს. მე მაინტერესებს შენი აზრი, როგორ მიგაჩნია, ცოლს ვუღალატე? გადაწყვეტილი მქონდა, ცოლის იქით აღარსად გამეხედა, მთელი ყურადღება მეცნიერული მუშაობისთვის დამეთმო. ამ დროს ჩემდა უნებურად გამომიტყვრა ასეთი შემთხვევა. ნუთუ ჩაითვლება, რომ მე ჩემს ცოლს ვუღალატე?

– რაკი მეკითხები, გეტყვი: ჩემი აზრით, ასეთი შემთხვევები და თუნდაც სხვანაირი კაცისაგან დალატი არ არის. ამაზე თავმოყვარე ქალი ქმარს საერთოდ არაფერს არ ეტყვის, სალაპარაკოდ არ გახდის. კეთილშობილება ქალისა ის არის, ქმარს კულში არა სდიოს, ნაბიჯები არ უზომოს და ამით თავი შეაძულოს. ასეთი ტაქტიკით ჭკვიანი ცოლი გაქცეულ ქმარსაც დაიბრუნებს. დალატი ის არის, როცა კაცი ცოლ-შვილს მიატოვებს და ვიღაცასთან გაიქცევა, აი, თუნდაც ჩემმა მეუღლემ რაც გააკეთა. მე ჯანდაბას, ჩემს თავს არ ვჩივი, შვილი როგორ უნდა მიატოვოს ნორმალურმა ადამიანმა. არა, ასეთი საქციელი კიდევ უარესი საზიზღრობაა. შვილს მხეცი არ ტოვებს, პირუტყვი არ ტოვებს მაშინაც კი, როცა სიკვდილი ელის. ისე რომ, სინდისის ქენჯნას ტყუილად განიცდი.

– დიდი მაღლობა, ცოტა დამამშვიდე. პირველად რომ დაგინახე იმ სასადილოში, მაშინვე რაღაც კეთილი სურვილები გამიჩნდა შენ მიმართ. ეხლაც ორი ვარიანტი მქონდა ბინის – ერთი იმ რუსის ქალთან, რომელთანაც დღეს უნდა მივიდე, მეორე – შენთან. და გულმა შენკენ გამომიწია, ვიფიქრე, რაღა რუსი ვასარგებლო, ქართველს ვასარგებლებ, ალბათ უჭირს და ცოტაოდენ ფულს შეგეწევი-მეთქი. გქონია და კიდევ ბევრი მოგცეს ღმერთმა, რაკი უანგაროდ გვეპატიუებოდი.

– შერგილ, შენ შეიძლება გგონია, რომ ვტრიაბახობ. აბა ადექი, მოდი ჩემთან, – მარიკა ადგა და კარადა გამოაღო, მერე უკან მიფარებული კაბა თუ რაღაც მოაცილა და დასტა-დასტა აკოკოლავებული ფული გამოჩნდა, – აი, ხედავ, შერგილ, რამდენი ფული მაქვს, დიპლომატით მიზიდავს კოლია. მართლა არ ვიცი, სად წავიღო, როგორ მოვეუარო. ამ ფულის შესახებ იმ ჩემი ქმრისა და ჩემს მეტმა არავინ იცის. არც არავისთვის მითქვამს და არც არავისთვის მიჩვენებია. მხოლოდ შენა ხარ, ვისაც გავანდე ეს საიდუმლო. გაგანდე იმიტომ, რომ უკვე ჩემიანად გთვლი და მჯერა, სვანი საიდუმლოს შეინახავს, არ გაგყიდის, სიტყვას არ გატეხს და, რაც მთავარია, გვერდში ამომიდგება ამ ფულის დაბინავებაში. ნაწილს თბილისში გადავირიცხავ ჩემი ბიძაშვილის სალაროს ანგარიშზე, იქვე ჩემს სახელზე გახსნილ ანგარიშზე, გადავირიცხავ ქუთაისში ჩემს მშობლებსაც, ბინის ფულს კი, როგორც კი შენ ბინას ამიჩენ და შემატყობინებ, ჩემოდნით ჩამოვიტან. ეხლა კი აი, შენ ასმანეთიანების შეკვრა.

– არა, არ მინდა, ამდენი ფული სად წავიღო. მალე ვით ხარჯვას ვერ დავიწყებ, ცოლს ვერ დავუშალავ, გაკამხილო და რა ვთქვა, ვინ მომცა, საიდან მოვიტანეო. ტყუილებს ვერ ვიტყვი, – გულწრფელად შემფოთდა შერგილი.

– აიღე ფული, ჩაიღე ჩანთაში, შე მართლა სვანო შენა. ერთი კიდევ აი ეს იყოს, – ერთი შეკვრა 25-მანეთიანებისა მისცა, – რომ თქვი, ბინას მპირდებიანო, იმ ბინაში შეტანა ხომ უნდა რამეს, ფული ხომ დაგჭირდება. ამჯერად ეს იყოს, სხვა კიდევ შემდეგში ვნახოთ, – ძალით მიაჩქრა,

– ეხლა აი ამ ჩამწკრივებულ კოსტიუმებს შეხედე, სულ პარიზსა და ვენაშია შეკერილი. კოლიას ძალიანაც უხედებოდა, კარგად ჰქონდა მორგებული ტანზე. ეხლა უკვე გალეულია, ნარკოტიკები, ეტყობა, თავისას შერება. ეს კოსტიუმები იმას აღარ მოერგება, შენ გეჩენება კარგად, აბა ჩაიცვი. რომელი ფერი მოგწონს?

– შერიდება, როგორ წავიღო ასეთი ძვირფასი კოსტიუმი. რუხი იყოს, – შერგილმა ჩაიცვა და ისე მოერგო, თითქოს მის ტანზე ყოფილიყოს შეკერილი.

– აჰა, მშვიდობაში! მოიგონე რამე, ან მეგობარმა მაჩუქა-თქო, ან იმ სომეხ კაცს დააბრალე, მოხუცი რომ შეგხვედრია არქივში. ეგ გეცვას. ეხლა აი, ჯემპრებიც არის აქ, პერანგები, ავარჩიოთ, სულ საზღვარგარეთულია.

გადმოარჩიეს, გადმოარჩიეს, მერე დიდი ტყავის ჩანთა მოუტანა მარიკამ, ჩააწვევს, გაავსეს და, საქმეს რომ მორჩინენ, უკვე ხუთი საათიც სრულდებოდა. მაღლობისა და მოძალებული სიყვარულის ნიშნად შერგილმა საათისკენ გააპარა თვალი.

– არა, შერგილ, გვეყოფა, რაც შეგვრჩა, შევირგოთ, უცებ არ შემოედეტოს ის სასიკვდილე და ყველაფერი წყალში არ ჩაყაროთ. მეც არ ვიცი, ეს ოხერი, რას გაავი-

უდი, რას გადავირიე, რა დამემართა, ალბათ შენზეც როგორი შთაბეჭდილება დავტოვე. ეხლა აღარ არის საჭირო, როგორც შევეთანხმდით, ხვალ არა და ხვდ მე მოვალ შენთან, ბავშვს როგორც კი მივიყვან ბაღში, ტაქსით წამოვალ. ეხლა დავსხდეთ, კარგად გასაუხმებ, – და მარიკამ მაცივირიდან გამოალაგა გახსნილი კონსერვი, რაღაც უცნაური ძეხვები და ნამცხვრები, ჩაი ააღულა, კარგად ისაუხმეს და გამოაცილა შერგილი.

ძლიერი ყინვა სიგრილესავით ესიამონა, უცებ გამოფხიზლდა, ძლივს შვებით ამოისუნთქა, უხაროდა, რომ ყველაფერი ასე მშვიდობიანად დამთავრდა. გასცქეროდა თოვლით დაფარულ ტრიალ მინდორს, იმ მინდვრის იქით შემოჯარულ გაჩახჩახებულ ათსართულიან სახლებს, რომლებშიც დიდი სიბნელე იყო ჩაბუღებული.

– დმერთო, რას გადავრჩი, აქ რომ გავხვეულიყავი შარ-ხათაბალაში, სიკვდილზე მეტი იქნებოდა ჩემთვის. რას იტყოდა უღელგამომტყვეული შხეკალა, რას იტყოდა ჩემი სათაყვანებელი ილია აბულაძე, რას იტყოდა ჭრელი ხალხი. დმერთო და ჩემო სვანეთის სალოცავებო, ეს ერთი მეპატიოს, შემდეგისთვის აღარ დავივიწყებ ცხონებული მამაჩემის შეგონებას, ქალაქს უფროთხილიო!



## თინა გახელაძე

### წვიმა

წვიმა... ლირიკა... შოპენი... ლისტო და როიალის ხმა შორეული... გონება სხარტი, გუნება ხისტი... სხეული თითქოს ბანგმორეული. წვიმა? არა, სიმღერა თითქოს, წუხს ვიოლინო, გახელდა ხემი, გული ზეცაში აფრენას ითხოვს, დღეს წვიმა არის მეწვილე ჩემი. ხეტიალში რომ გაწყდება ქანცი, სახლში მიეჯდები კუთხეში მარტო, ვგრძნობ, მესტუმრება ვინმე ძმაკაცი,

ვეცდები, ლხინი რომ გაუშვაროთ. გვერდით მოვიდგამ ხელადით ღვინოს, სახეს მფენია თითქოს ვარაყი, ვეტყვი: „მოდით რა, წავიდიდინოთ, ჯერ კი გადავკრათ თითო არაყი“. წვიმის განწყობაც არსებობს თურმე, სველი წვეთები წაშლის მოწყენას, გაქრა, აორთქლდა ფერები მრუშე, მორჩა! დღეიდან ვიწვევ მოლხენას!

### ღეღას

ამბობდი: დავკარგეო თვალისჩინი, რა ძნელი ყოფილაო სიბრმავე, ღამითაც გამიკრთაო უკვე ძილი, სულ ვჩივი მერამდენელ იმავეს. რიღასთვის ვამძიმებო დედამიწას? მიჯობს, სხვებს დავუთმობო ადგილი, ასე რომ გაწუხებთო ვეღარ ვიტან, თქვენთვისაც არ არისო ადგილი. ვხედავდე – წავიკითხავ რამე წიგნს და შეგვეკერავ თუნდაც ჩემთვის რაიმეს, ეზომიც ვერ გავდივარ, თუკი წვიმს და გეძახით: „მომხედეთო, ვაიმე!“ როგორღაც გზას მივიკვლეე, დედაჩემო, თუმცაღა გამიჭირდა უშენოდ, შენს შემდეგ არც გათენდა დღე საჩემო, ამდენ დარდს როგორ უნდა ვუშველო?! მაღლობთ, რომ ჩვენი ღერძი იყავ, დედავ, სამყარო დაგვიხატე ფერებით... დრო მოვა, უფალი რომ შეგვეყრის ერთად, ცივ გულში თბილად მოგეფერები.

\* \* \*

სული ტირის და ჯავრობს,  
 ბეღიწერა ტრიალებს,  
 გეშინოდეთ! სამსჯავრო  
 ორგულთ გაატიალებს.  
 გულში დაგუბებული  
 ფიქრის დიდი ტვირთია,  
 ირგვლივ გამეფებული  
 ბოროტების ზვირთია.  
 ნელა-ნელა აცოფებს  
 წყლის წვეთები ჩანჩქერებს  
 და მოვარდნილ ღვარცოფებს  
 ვერავინ შეაჩერებს,  
 შებოჭილი ძალები  
 აიხსნიან ბორკილებს,  
 გმირი ამორძალები  
 დაჩეხავენ ორბირებს.  
 შენ დიდება, უფალო!  
 ღმერთო! შენ შეგვეწვიე,  
 მოველ შენთან უკალო,  
 დიდი ხანი გეძიე,  
 დაიფარე ქვეყანა,  
 აგვისრულე მიზნები,  
 თუ სადმე შეგვეყარა,  
 მტერს დაეუხვდეთ ფხიზლები!  
 უკვე იწილ-ბიწილოს  
 ჩავთვლი, ვითომ არ მწყინდა,  
 ოღონდ ერთად ვიყვიროთ:  
 საქართველო გაბრწყინდა!

**წმინდა ავეუსტინეს შეგონებანი**

ნუ ტირი, ნუ იღებ მწუხარე იერს,  
 მე ისევ მე ვარ და შენ ისევ შენ ხარ!  
 იმ მხარეს ვდგევარ და შენს თვალსაწიერს  
 ფარდა ეფარება... ახლოსა მყევ ხარ.  
 ილოცე, იღიმიე, იფიქრე ჩემზე.  
 თან ჩემი სახელი წარმოთქვი ისევ,  
 იფიქრე მადლზე და სასუფეველზე  
 და ნაღველს შენს გულში ნუ შემოისევ.  
 მივდივარ, ვადგავარ ახალგზა-ბილიკს,  
 ირგვლივ სიმშვიდეა, რაღაც სხვა განცდა...  
 აქ სილამაზეა ნათელი დილის...  
 ახლა ჩვენი გზები ერთმანეთს ასცდა.  
 როდესაც სიკვდილი შენც აგყრის ბორკილს  
 და როცა ქვას გასტეხს ურო ან გრდემლი,  
 ნუ შემიშინდები! დაგზვდები მორჩილს...  
 თუ მართლა გიყვარვარ – შეიმრე ცრემლი!

**ლომისის გზაზე**

აღმართს ავეყვი სვენებით, ხენემით,  
 ლომისას გზაზე ასვლა ძნელია...  
 მზით განათებულ ორმთა სვეში  
 შეხედეთ, თოვლი იისფერია.  
 ...და ახლა მივხვდი, იისფერ თოვლზე  
 თუ რატომ წერდა გალაქტიონი,

ალბათ ზაფხულშიც, ხასხასა მოლზე  
 საოცრებაა აქ ალიონი!  
 მზე დაგვთამაშებს, თან ეკვრის ღრუბელს,  
 ფერი აქვს ვერცხლის, ხან კი თითბერის,  
 სუსხია... სველი მაქვს თვალთა უბე...  
 მთის წვერზე მოჩანს სენაკი ბერის.  
 ავიკალთავე... და საოცრება...  
 რა მოწყენილი ჩანს ქსნის ხეობა?  
 შეილი, რომელიც მიაგდო ღელამ  
 და აირჩია ცეკვა-ღრეობა.  
 ტაძარს ვეახლე გულდათუთქული,  
 ჯაჭვი მოვიგდე კისერზე მძიმე,  
 მხურვალე ლოცვით ვიჯერე გული:  
 წმინდა გიორგი, შენ შეგვეწვიე!

\* \* \*

მოგაქვს სამყარო, მოფარფატებ, როგორც ფერია,  
 მოაპობ ზღვა ხალხს, განირჩევი როგორც ალმასი,  
 გაკვირდები და შენი მსხვერვეა უფრო ძნელია,  
 ვიდრე დაღწევა უძველესი კერპის – არმაზის.  
 ვგიჟდები, როგორ იმორჩილებ ნარნარა სხეულს?  
 მათცებს შენი მიხვრა-მოხვრა, თვალები მწველი;  
 აქვე, კუთხეში უიმედოდ ჩამომდგარს, ეულს,  
 მგონია, თითქოს მეფე ვარ და დედოფალს გელი...  
 შენ გზას აგრძელებ, არც მიცქერი, მიაპობ ტალღებს,  
 სუნთქვა მეკვრის და ვიხუთები, ვიხსნი საკინძებს...  
 ჩაიარე და შარავანდელი დაადგათ თალებს,  
 შურით შევნატრი, ვინაც შვილის აკვანს დაგიწვეს.

**ხილის დღესასწაული**

ბაღს ჭარმაგი ჰყავს მცველად კაკალი,  
 ხილს დაჰფოფინებს, ღუის ნაყოფი,  
 ღმერთმა გვიბოძა, ბაღში რაც არის  
 ჩვენთვის და სტუმრისთვისაც სამყოფი.  
 თავს იწონებენ ვაშლი და მსხალი,  
 ატამს ლოყები დასწვია თითქოს,  
 დახუნძლულია წითელი ბაღი,  
 მოსაკრეფია და შევლას ითხოვს.  
 ყოლოს გადაჰკრავს ცხელი აღმური,  
 ბლომად ასხია, აურაცხელი,  
 მგონი, ეწვია უკვე ამური,  
 შესწითლებია ლოყა დარცხვენის.  
 სისხლისფრად მოსდის ცრემლი ბროწეულს,  
 ჩამოეთხაპნა კაბის კალთები,  
 და მთვრალ აღუბაღს, ტოტებმომტკრეულს  
 მთლად არევა თავში დავთრები.  
 ლეღვი მედგრად დგას თავაწეული,  
 ბაღში მთავარი მწვანე ფონია  
 და მოსავალის აქ მოწეულის  
 ჰარმონიული ჟღერს სიმფონია.

**სასაფლაოზე**

რა სიმშვიდეა, რა სიმშვიდეა...  
 სპეტაკი ძილით სძინავთ უცოდველთ,



აქ ჩემი სულის ბაღის კიდია...  
ვგმობ ბედისწერას, მკაცრს და უღმობელს!  
საფლავზე ვასხამთ ღვინოს მღუმარედ,  
მიცვალებულებს მოგუკლავთ წყურვილს,  
ლოცვას აღვაველნით გულით მხურვალედ,

სანთელს დავანთებ, ჩაუთქვამ სურვილს.  
ყველა აქ მოვალთ დღესა თუ ხვალე,  
გუნებას, მგონი, მიცვლის მარტივით,  
დაგშორდებით და ებრუნდებით მალე,  
თითქოს გვიხიდავთ ანდამატივით.



## მამუა ოჩიაური

### ეს მე ვარ

ნისლი ვარ, ფხოვის მთებს სარტყლად რომ არტყია,  
ქარი ვარ, გრიგალი ჭიუნში მბორგავი  
ლუხუში – გველი რომ მოურჩენს ნატყვიარს,  
ჭიუნის კიდეზე ყინულის გორგალი.  
ჯურხაის ხმალი ვარ, მტრის სისხლით ნაპოხი,  
ნაქსოვი პერანგი, ფოლადის რგოლებით,  
მეხი ვარ, ზეციდან საავდროდ ნაქუხი,  
საზღვრისკენ მზირალი უშიშას\* თოლები.  
ვიწრო კალაპოტში, ზვირთები ასისა\*  
უგულო ლოდების ცივ ტალღით ამცრელი,  
ხატის კარს მისული დამლოცი თასისა,  
ამ მთის და ხეობის უებრო დამცველი.  
ეს მე ვარ, უბელო თეთრონის მხედარი,  
გული დაუდგომელ ზღვასავით ღელავდეს  
მთებში ვარ, ცას ვუშხერ ცხოვრებაც ეგ არი –  
აქ ვიყო და მთებზე ბილიკებს ვზერავდე.  
ფხოვის მთებს, როდესაც სიბნელე დაძალავს,  
მხრებს მოეხურება ნაბადი მწვემსური,  
კალამს შევაჩეჩებ საწერად ამ ძალას,  
ქვეყნის სიყვარულში ნაწრობი ხევსური.

-----  
უშიშა\* ( უშიშა ოჩიაური ) – გმირი, რომელმაც არაერთ-  
გზის თავი გამოიჩინა მეზობელ ტომებთან ბრძოლაში.  
ასა\* – მდინარე არხოტის თემში ( პირიქითა ხევსურეთი )

## მსურს ნავიყვანო მთებში

ქარებს გავყვები გრილებს  
უსასრულობის ცაში,  
მკერდზე ჩაგიხსნი ღილებს,  
ხელს შეგიცურებ თმაში.  
და ათროლებულ ბაგეს  
კვლავ კოცნით შევაჩერებ,  
შენს მხრებზე დავალაგებ  
თმათა დაუმრეტ ჩქერებს.  
გრძნობას ცრემლებად ნადენს,  
სიტყვებს ჩურჩულით ნათქვამს,  
გულმა გაუძლოს რამდენს  
რაუყოს დარდებს ნაფქავს.  
იქნებ შენამდე საველეს  
ბილიკს გამოვეყვე ბარში,  
თუ კი არაფერს ვაწებ,  
ფიქრის კომკებს არ დავმლი.  
არ ჩამოენისლავე წარსულს,  
არ შევეხები აროს,  
ამ გულს რა უნდა, რა სურს?  
სურს, მთებში წავიყვანოს.  
ქარებს გავყვები გრილებს  
უსასრულობის ცაში,  
მკერდზე ჩაგიხსნი ღილებს,  
ხელს შეგიცურებ თმაში.

## ახალი წელი მთაში

ქადისკვრებს აცხობს ბებო – ბერდედა,  
კერასთან ბრუნავს პაპა ომარი,  
ორივეს ერთი ბედი ებედა,  
სოფელს ასოფლებს ორი მხცოვანი.

ირგვლივ სიბნელე ეკვრის ყიამეთს,  
დაბერებულა ძაღლი – „ნადირა“,  
რამდენი წლები გამოიარეს  
არც ჭირვეულად და არც ადვილად.

კვარი ანათებს გამჭვარტლულ კედლებს,  
ჯაჭვით ჰკიდია კერაზე ქვაბი,  
გულში, ჯვარ-ხატებს სოფელს ავედრებს,  
პაპა და ფროთხილად ოთახში დადის.

გარეთ „ნადირა“ სიბნელეს უყეფს,  
შეჭირხლულ ჰაერს მკაცრ ყეფას ატანს,

ისმის კნავილი, პაპა კარს უღებს  
შესციებია საბრალო კატას.

ტაბლის შუაში ხელადა ელავს,  
აქვს სულ სხვა ხიბლი, აქვს სულ სხვა ფერი  
და მომავლიდან ნელა მოგელავს

ხელხეავიანი ახალი წელი.

წუთი წუთს მისდევს გაბმული საბლად,  
ცაზე მთვარე წევს, ვით კვერი ობლის,  
მიუსხდებიან გაწვობილ ტაბლას,  
ორი მოხუცი – იმედი სოფლის.



## ნინო ფრუიძე

### პაპის სახლში!

ჟანგმოკიდებულ ჭიშკარს  
ძლივს ვაღებ პაპის სახლში,  
ჯორკო ჩანს, წყალთან ჭიქაც,  
ბებოს ნაფერებ ბაღში.  
ბაბუა ეზოს ბოლოს  
ცელს რომ უსვამდა ბალახს,  
ხე ატუხუხულა ეკლად,  
ბებო საიდუმლოს მალავს.  
ჭიშკარს შევადებ კრძალვით,  
ჭრიალით იკლებს სოფელს,  
მიწაც დამსკდარა გვალვით,  
არ გაუვლია ორფენს.  
მიუუახლოვდი სახლსაც  
ლოდინით ქანცგაწვევტილს,  
კარიც დაეშვა საღლაც,  
მოჰგავდა თავაწვევტილს.  
სიძველის სუნი ასდის  
კელლებს ფარდებს თუ ნივთებს,

ყველაფერს ტაბუ ადევს,  
ბებო საიდუმლოს იტევს.  
სიმშვიდე დაქრის ყველგან,  
თითქოს ელოდა მნახველს,  
მოგონებები წრფელი  
კელლებმა შემინახეს.  
აღარც შუქი სჩანს სახლში,  
სიბნელე როგორ მზარავს  
და სიმარტოვე უვლის  
ეზოს, სახლსა, თუ მარანს.  
ბუხარიც გაბუტულა,  
ბებო არ აკრავს მჭადებს,  
აღარც ბაბუას კრულავს –  
ღვინოს ბებრს არა სვამდეს.  
ჩანს საწოლის ქვეშ სკივრი,  
(არ გვაკარებდა ბებო)  
და მონატრების სხივი  
გულს ცეცხლად შემომენთო.  
აღბათ, ხარობენ ჩემით,  
აღბათ, მლოცავენ ციდან,  
მასსოვს, დამჭკნარი ხელით,  
ხილს რომ მიკრეფდა ხიდან.  
მიეყვარს ის პაპის სახლი,  
ის მტვერიც, ნივთს რომ ადევს,  
ექო მომიტანს ძახილს,  
– მოვდივარ, დამიცადე.  
თითქოს ზედმეტი ვიყავ,  
კრძალვით დავხურე კარი,  
გხარობ ვესტუმრე დღეს მათ  
და გულში ჩავიკარი.

\* \* \*

ცა სურვილების ისწორებს საბანს,  
ღრუბლის ლაქები აზის ხალეხად.  
ჩიტის მოტანილ ცოდვიან ამბავს  
ფიქრებში ვმარხავ უზიარებლად.

აქ სხვა ფიქრების ვეძებ კიდობანს,  
ვერ დავაწვევილე ღამე-ღღე ერთად  
და ერთი მტრედის ნაზიდ მშვიდობას,  
უღმერთოდ ვატან გადამფრენ მერცხალს.

ცა დაფნის გვირგვინს ისე არიგებს,  
ბედის საჩუქარს, ვინ რას უწუნებს,  
სანამ ლომები გლეჯენ ბაგირებს,  
წილად რგებიან ბელი წრუწუნებს.

ღრმა წუთისოფლის დამაქვს სევდები,  
ვითვლი საათებს დროის მსახური,  
ჯოჯოხეთი მაქვს, როგორც ედემი,  
ბრმა მოძველისთვის გადანახული...

### ვინა ვარ

მზის სხივად დაფენილ მთებიდან მოვდივარ,  
თვალს მჭრის, ხან მამშვიდებს სინათლე ნატრული,  
იმ მთების შვილი და ის დიდი ლოდი ვარ,  
მამულს რომ აბრწყინებს, გვირგვინად დადგმული.  
წყარო ვარ ანკარა, კალაპოტს ამცდარი,  
ფოთლების შრიალი, ჩურჩული მთებიდან,  
ხან ატმის კვირტი ვარ, ლოყებგადამსკდარი,  
ჭაობი... ვერ ვიკვლევ გზას ლიანებიდან.  
ვაზი ვარ, გაზრდილი მოხუცის ხელებით,  
ცრემლები, ნამად რომ ატყვია ბალახებს,  
გრგვინვა ვარ, ხანდახან ცის წამოხველებით,  
ელვად შევარდნილი ვანათებ სანახებს...  
ღრუბლიდან ვიწურავ წვიმას, რომ ცრემლებად  
მამულის შემხმარი ფესვები ვანედლო,  
დავტოვებ ყველასთან სიყვარულს მძევლებად,  
გრძნობები თქვენთვისაც მინდოდა გამენდო.  
ნუკრი ვარ შეზრდილი მგლებთან და ლომებთან,  
დავეძებ მიწა-წყალს სამშობლოს ნატრული,  
გმირების დიდება მინდოდა რომ მეთქვა,  
შემეგრძნო სული და მხნეობა ქართული...  
ვერ მივხვდი საწადელს, გლახის და სულმდაბლის,  
შური და სიხარბე რა საკადრისია,  
ამქვეყნად სიკეთის კეთება ნუ დაგდლის,  
ნუ ჩათვლი წარსულად გოგლას და ტიცციანს.  
სიტყვა ვარ, ქართული პური და ღვინო ვარ,  
შოთა ვარ, ილია, გალა, თუ ფშაველი,  
ხან მეომარი და ხან წმინდა ნინო ვარ,  
ბოლოს კი არ ვიცი, ვინა ვარ, რა მელის.

სისხლად ვარ ნაწვეთი მე ვაზის ძარღვიდან,  
რომ ბედი ქართლისა ხელახლა მეწერა,  
კილობანს შემოვრჩი იმ დიდი წარღვნიდან,  
ჩემი სიცოცხლეა დღეს უფლის ხელწერა.  
და მაინც ვინა ვარ, საიდან მოვდივარ?!  
ჩიტი ვარ ნიბლია, სამშობლოს ვუგალობ,  
წილხვედრი მთებიდან ზეცამდე მოვდივარ,  
ახლოა შენთან და გავედრებ უფალო!

### რომ გაპატიო

ტოტებს ამტვრევდა იმ ღამეს ქარი,  
წინ მიუძღოდა ფიფქების ამქარს,  
ანთებულ სანთლის მაცილებს ალი,  
უჩუმრად ვტოვებ დიდებულ ტაძარს.

ვერც მელოდია მომიკლავს წყურვილს,  
შტრაუსის ნოტად ქარი დამაწვეს  
და საბოლოოდ ჩემეულ სურვილს  
ზეცის კაბადონს ფიქრით წავაწერ.

ღამეს მოჰქონდა ნისლეები ცრემლად,  
მთვარე ცურავდა სიზმრების ტბაში,  
თითქოს სამყაროც ქცეულა გრდემლად,  
კვლავ გარეულა სიყალბე ხმაში.

ვერ დამამშვიდა ღამის სიჩუმემ  
და ვერც უნიჭო ქარის ხარხარმა,  
ჩემს წინ ვერხვებიც ამაოდ სდუმდნენ,  
შენი მოსვლით რომ ვერ გამახარა.

გულში იმედის ვაგებ კილობანს,  
იქნებ, სამყარო შიგ ჩავატიო,  
ცოტა ხნით ღმერთად ყოფნაც მინდოდა,  
შენი ცოდვები რომ გაპატიო.



## ზურაბ მამულაშვილი

### იმედი ხვალის

არ გავექცეულვარ ბრძოლის ველიდან,  
რადგან მოკვდავის მეცვა ხალათი,  
რწმენით მოვდივართ სკოლის მერხიდან,  
არ გამივლია გულში ღალატი.

სულ ერთი მუჭა ქართული მიწა  
მე მირჩენია სხვათა ტრამალებს,  
მტერი ვერასდროს ვერაფერს გვიზამს,  
უფალი კალთას გადაგვაფარებს.

ვგრძნობ, წინაპრები დღესაც ისმენენ,  
თუ როგორ ცხოვრობს ჩვენი გვარტომი,  
თანდათან უფრო მეამაყება,  
ჩემი დიდგორი, ჩემი მარტყოფი.

ჩვენ დავიბრუნებთ მზისფერ ალიონს,  
უსამართლობით წართმეული ხალისს,  
მოდით, ბიჭებო, ერთივ დავლიოთ  
და გადღეგრძელოთ იმედი ხვალის!

**პოეტებს**

ვეძებ, ვეძებ, ყველგან ვეძებ  
იმ ხელსაყრელ მომენტებს,  
იქნებ სადმე გადავაწყდე  
მონატრებულ პოეტებს.

ვეფერები ქუჩებსა და  
ვეფერები მოედნებს,  
მინდა გვერდით ამოვუდგე  
ახალგაზრდე პოეტებს.

დღეს კი, დღეს კი,  
ამ დარბაზს რომ  
ფრიამულით მოედვინენ,  
რალა მომკლავს, როცა ვხედავ  
ერთად ამდენ პოეტებს.

როგორც უფალს ვევედრები,  
ისე მიეთ-მოეთებს,  
ჩემზე მეტი დღე მიეცი  
გადარჩენილ პოეტებს.

**ლექსის ზრალია**

რაც თავი მახსოვს ქალაქში ვცხოვრობ,  
ქალაქის მტკვრით ვსუნთქავ და ვბრუნავ,  
ქალაქის ქუჩებს ლექსებით ვუმღერ  
და ამ სიმღერით ტკივილებს ვკურნავ.

განათებულია თბილისის ზეცა,  
გარსკვლავებით და მთვარის ნათელით,  
ღმერთო, ცოტა ხანს მაცალე მეცა,  
რომ ბოლომდე ვთქვა ჩემი სათქმელი.

მე ვარ პოეტი, სულის მოძღვარი,  
სიკეთის თესვა მეც მავალია,  
დღევანდელ დღემდე რომ ვარ ცოცხალი,  
ღვთით ბოძებული ლექსის ბრალია.

**აქა და იქა**

გაწვიმდა, სულში დაგუბდა სევდა  
და თითქოს უცებ შემესხა ფრთები,  
უფალო ღმერთო, დიდება შენდა,  
ცოცხალი ვარ და ჯერ არა ვკვდები.  
კუძლებ ცხოვრებას,  
საოცრად ფერმკრთალს,  
თუმცა კი ხშირად მეძახის ვიღაც,  
მიხარის, როცა ვიცი, რომ შენ ხარ  
ჩემი პატრონი აქაც და იქაც.

**დიდი სიყვარულით**

ის ხომ, ის ხომ, ის ხომ იყო,  
მეც ხომ, მეც ხომ, მეც ხომ ვარ,  
ნეტავ, როგორც ის ცხოვრობდა,  
მეც ისევე მეცხოვრა.

არ იტყოდა სიტყვას უხამსს,  
დიდი მაღლი ეცხო მას,  
ჩემი წასვლის შემდეგ, უფალს,  
ჩემი სულიც ეცხონა.

**ქართლი**

ზეციდან მოსულ ნათლით,  
მარიამ-ნინოს მაღლით,  
ქრისტეს უწმიდეს კვართით,  
დავით მეოთხეს ღვაწლით,  
მღვდელი თევდორეს სახით,  
თამარის ერზე დარდით  
დიდი შოთაის კალმით,  
დანთებულ თაფლის სანთლით,  
რა სასწაულით, რა ღლით –  
გადარჩა ესე ქართლი!

**მამულის მკვეცი**

ციხე ვარ აუღებელი,  
გაუტეხელი სიტყვა,  
სუფთა, ვით პურის ბეღელი,  
ფქვილივით მუღამ წმინდა.

მოსავლიანი მიწა ვარ,  
ციდან მოსული ნამი,  
მტერმაც კი ვერ შემიცვალა  
თავისუფლების წამი.

გუმბათზე მღვარი ჯვარი ვარ,  
სამრეკლოს ზარის ექო,  
ამოღებული ხმალი ვარ,  
ერთი ასს უნდა ვეყო.

ვარ უკვდავების წყალი და  
იმედი ყველა კაცის,  
სული ვარ დაუდგრომელი  
მირონმდინარი ხატის.

უფლის ბილიკით დავდივარ,  
არ შემიცვლია გზები,  
ბოლოს და ბოლოს კაცი ვარ  
ჩემი მამული მცველი!

**ასეა როგორ...**

ჩამოიმწურა მზემ გულის ქიმზე  
და თითქოს ბოლო იმედი გაქრა,  
ველარ უძლებდა გოგონა სიზმრებს,



გახსენება

რადგანაც სულის სიმები დახრა.  
ველარ უძლებდა სადარდელს გულიც,  
მზე და მზის სხივი მონატრებოდა,  
ვერ ისრულებდა სანატრელ სურვილს,  
სევდის მორევში ისე ღნებოდა.

ვერ ეტეოდა ოცნება დროში  
და თითქოს ძაფი აქა წყდებოდა,  
თუმცა ჯეროდა, რაღაცა ღოზით,  
იმედი კიდევ გადარჩებოდა.

გულმოსული თუ ჩანაფიქრს უსწრებ,  
იქ არასწორი ეჭვები ჰყვავის,  
გამოიფხიზლა გოგონამ უცებ,  
როცა მზის სხივი დაეცა ბალიშს.

გადართოვა ფიფქებით ველი,  
თეთრი სამოსი მართლა შევნიღოდა,  
ვით ამ გოგონას კამკამა ცრემლი,  
სატრფოს მოსვლამდე არ გაშრებოდა.

რას იზამ, კიდევ მრავალჯერ მოთოვს,  
კიდევაც ნახავ საოცარ სიზმარს,  
ასეა, როცა ვიღაცა მოგწონს,  
ასეა, როცა ვიღაცა გიყვარს.

ფიროსმანივით ჩავალ სარდაფში  
და ერთ ღოქ ღვინოს მოვთხოვ მეღვინეს,  
მერე, ჩავივლი ორთაჭალაში,  
მივესამლები ნაცნობ მეტივეს.  
სირაჯხანაზე თიკანს ვიყიდი,  
ბაზარში ცოცხალ მწვანინლს ავიღებ,  
სიონში მარილს ვაკურთხებინებ,  
მეეტლე გაბოს ეტლით წავიღებ.  
მტკვარზე დუღუკის კენესას მოვისმენ,  
მშვიდად გავეყვები გაღმა ბორანსა,  
ღვინის ჯამს კრძალვით ხელს გადავუსვამ  
და დავლევ ნიკოს შესანდობარსა.  
გამახსენდება ძველი თბილისი  
ნარუყალადან ვერის უბნამდე,  
მერე, შევეკრთები ვით მთვარეული,  
ძებნას დაუწყვებ ნიკოს სურათებს,  
რომ გამოფინო ყველა უბანში,  
ყველა ქუჩაზე, ყველა სახლის წინ,  
რომ გავუგრძელო ნიკოს სიცოცხლე  
მარტო ჩემ წილად კიდევ ასი წლით.  
დღეს ვერაფერი ველარ გადამლის  
იმის დახატულ ყოჩს და წეროსა.  
ძმობა შევფიცე ფიროსმანაშვილს  
და სიყვარული საქართველოსა.



ქეთევან გოლდერქიძე

მე კახელობა მომწყურებია!

მე კახელობა მომწყურებია,  
და მერე როგორ მომწყურებია,  
ბებიჩემის ქიხიყელობა  
სულს შეუცნობლად მოსურვებია,  
იმ ჩიხტიკობის სურნელებაც კი  
გულს ღრმად ჰქონია და ეს ლექსებიც

მიწის ყივილის ტოლი, სწორია  
და ახლა ვიგრძენ,  
რაც აქამომდე ფიქრთ არ მქონია,  
მე კახელობა როგორ მნდომია!  
მე კახელობა როგორ მნდომია!

ხორნაბუჯს - ხორიონ ზუჯს

მზის სადარი თამარ მეფის სახელდების  
დედაბურჯი  
და თავადაც მზის სადარად წოდებული - ხორნაბუჯი,  
კამბეჩოვან - კამბისინეს დაბა ბუდი,  
შირაქის ველს აგებული  
ეს მზის ბურჯი  
და ქიხიყის გულისგული -  
ხორნაბუჯი!  
მონღოლთ მიერ დაცემული  
და ერეკლეს ძლიერებით  
ხელმეორედ დაძლეული,  
ამ კლდის ქიმზე  
კლდის ლომივით აწეული,  
მზისკენ მზერი, მზის საყრდენი,  
ერის ბურჯი,  
კახეთის და სრულად ქართლის დასაცავად  
მთის მწვერვალზე ამართული  
ეს მრისხანე ციხე - ბურჯი,  
ჩემი მიწის სიამაყე, ეს ბებერი და უკვდავი  
ხორნა...ბუჯი!



### ქეთევან ჯარვალისა

#### ქეთევან გოდერძიშვილი – ენათმეცნიერი და პოეტი

ფილოლოგიის დოქტორი ქალბატონი ქეთევან გოდერძიშვილი მართლაც ჩინებული ენათმეცნიერი-ონომასტიკოსია, მკაცრი მეცნიერული განაწესითა და სინდისით. კახეთი უნდა იცნობდეს მისგან მოწვევებულ შვილს, ისიც ასეთ ღირებულს, რომელსაც ეკუთვნის უაღრესად მნიშვნელოვანი შრომები. ესენია: „აღმოსავლეთ საქართველოს შვიდი საზღვრისპირა რეგიონის ტოპონიმთა ლექსიკონი“, რომლის წარდგინება მოხდა ახალციხის ონომასტიკოსთა საერთაშორისო კონფერენციაზე (8-9. 12. 22) და რასაც მოჰყვა დიდი გამოხმაურებები, მაგალითად, „ეს დიდი ლექსიკონი ახალი სიტყვაა ქართულ ტოპონიმოლოგიურ ლექსიკოგრაფიაში“ (პროფესორი მ. ჯიქია). მას პროფესორმა იზოლდა რუსაძემ უძღვნა ვრცელი რეცენზია, რომელიც დაასრულა შემდეგი სიტყვებით: „ეს წიგნი საუკუნეებს გაუძღვება, რამეთუ გაჯერებულია ძლიერი ეროვნული მუხტით“. თავისთავად მაღალი შეფასების ტოლფასია ის, რომ ამ წიგნის რედაქტორი გახლავთ აკადემიკოსი როინ მეტრეველი. ახლახან გამოიცა „დელოფლისწყაროს ტოპონიმთა და არქიტექტონიმთა ლექსიკონი“, რომელიც ასევე სიახლეა ტოპონიმოლოგიის ისტორიაში იმით, რომ ავტორმა შემოიტანა ახალი ტერმინი „არქიტექტონიმი“, რაც მთავარია, გამოყო იგი ტოპონიმისგან და თავისი კუთვნილი ადგილი მიუჩინა – ეს დიდი სიახლეა ონომასტიკაში! ცალკე წიგნადაცაა გამოცემული „დელოფლისწყაროს ტოპონიმთა ლექსიკონი“, რაც მთავარია, ქ. გოდერძიშვილის მიერ პირველადაა გამოცემული „ცხინვალის რეგიონის გეოგრაფიული სახელები (ტოპონიმთა ლექსიკონი, 2015)“, რომელიც განსაკუთრებული „მამულიშვილური საქმეა“, როგორც წერს ისტორიკოსი იგორ კეკელია.

სრულიად გამორჩეულია ქეთევან გოდერძიშვილის მონოგრაფია „ქართული ანთროპონიმოლოგიის ძირითადი საკითხები“, 2012, „რომლის ბადალი ონომასტიკის ამ დარგში არც მოგვეპოვება“ – წერდა პროფესორი პ. ცხაღია. პროფესორ მარიკა ჯიქიას თქმით კი, „ამ წიგნის თითოეული პარაგრაფი ახალი ფურცელია ქართულ ონომასტიკაში“. იგი აღიარებულია სახელმძღვანელოდ.

სამეცნიერო ნაშრომის ტოლფასია 600-გვერდიანი წიგნი „მოგონებებში გაცოცხლებული ალექსანდრე ლლონტი და ომარ ლლონტი“, 2017; რამეთუ მასში გაცოცხლებულია ეპოქა სამეცნიერო მიმოხილვით.

აი, ასეთ მეცნიერად მოეკვლინა კახეთს და მე ვთვლი, რომ ეს იყო დაბრუნება ქეთევან გოდერძიშვილისა კახეთში, რაც ასე მოხდა: დედოფლისწყაროს რაიონის სოფელ ხორნაბუჯის სკოლის სასწავლო ნაწილის გამგის, მარინა პოპიაშვილისა და სკოლის დირექტორის თამარ ქურხულის ინიციატივით 1. 12. 23 დაიგეგმა ჩემი საჯარო ლექცია დედოფლისწყაროში და რადგან ქალბატონი ქეთევანი უცნობი იყო კახეთისთვის, მინდოდა ისიც წამოსულიყო. თავადაც გაეცნო იგი კახეთს, მას კი თავისი შრომები გაეცნო თავისი კუთხის ხალხისთვისაც. მართალია, ის გურჯაანიდანაა (სოფ. ბაკურციხე), მაგრამ დედად მოვლენილი ქიზიყელი ბაბოს გაზრდილია. ქალბატონმა ქეთევანმა თავისი კაპიტალური ნაშრომები დედოფლისწყაროს ბიბლიოთეკას გადასცა საჩუქრად;

დედოფლისწყაროში გვახლდა აგრეთვე ცნობილი თურქოლოგი, ფილოლოგიის მეცნიერებათა დოქტორი, ენათმეცნიერი, მარიკა ჯიქია, რომელმაც შესანიშნავი გამოსვლით დაამშვენა შეხვედრა.

ბევრი შესანიშნავი სამეცნიერო შრომის გარდა, ქალბატონი ქეთევან გოდერძიშვილი ამავე დროს ფართო სპექტრის ჰუმანიტარია: საქართველოს ისტორიის, ბიბლიის, მითოლოგიის, ხელოვნების, მსოფლიო ლიტერატურის მცოდნე და ამავე დროს ცნობილია მუსიკალური განათლებითაც...

ქალბატონმა ქეთევანმა ლექსების წერა ამ რამდენიმე ხნის წინ უცებ დაიწყო. მას პოეტობა არც უფიქრია, უცებ დაეწერინა, რაც დაწერა, ცხაღია, ეს „ერთი უცებ“ მრავალწლიან დაფიქრებას მოჰყვა. ავტორი წერს უაღრესად საინტერესო ფორმით, შეიძლება ითქვას, გოგებაშვილისებურადაც კი. მის ყოველ ლექსს წინ უძღვის რაღაც ინფორმაცია ისტორიული, ბიბლიური თუ სამეცნიერო წყაროდან. გასულ წელს მან გამოსცა მცირე მოცულობის, მაგრამ მრავლის მთქმელი ლექსების კრებული „ისტორიისა და რწმენის გამოძახილი ლექსებით“.

სწორედ ამ კრებულიდან წაუკითხა ქალბატონმა ქეთევანმა კახ მასპინძლებს დედოფლისწყაროში თავისი „ღვიძლი სიტყვით“ ნაწერი ლექსები თამარ მეფეზე, ერეკლე მეფესა და ქეთევან დედოფალზე, ბიბლიურ პერსონაჟებზე...

ქალბატონი ქეთევან გოდერძიშვილი ეკუთვნის იმ წმინდა ქართულ საზოგადოებას, რომელიც ჩამოყალიბდა „ქეთევან დედოფლის საზოგადოების“ სახელით და რომელსაც საფუძველი ჩაუყარა ისტორიკოსმა და პოეტმა ქალბატონმა თამარ ფარჩუკიძემ. მისი წინადადებით, ეს დიდი ჯგუფი სახელმწიფო დონეზე იღვწის, რომ 2024 წელი წმინდა ქეთევან დედოფლის წლად გამოცხად-

დეს. ამიტომაც დაამშვენა კახეთში ეს შეხვედრა კახთა დედოფლის, ქეთევანისადმი, მიძღვნილმა მისმა ლექსმა.

საგანგებო მიწვევამ მშობლიურ კუთხეში, ქიზიყში, სადაც მისი აღმზრდელი ბაბოს ოჯახს საკუთარი ზედაშეც კი ჰქონდა, იმდენად დადებითად იმოქმედა ქეთევანზე, რომ ამ განცდამ, „მიწის ყივილმა“, როგორც თავად წერს, ორი ახალი ლექსი დააწერინა მშობლიურ კუთხისთვის: „მე კახელობა მომწყურება“ და „ხორნაბუჯი“ – („მზის

სადგომი, მზის ბურჯი“). მას მათი გამოქვეყნებული სახით ჩამოტანა სურდა დედოფლისწყაროში, მაგრამ საქმემ არ მოაცალა. ასე რომ, ეს ორი გამოქვეყნებული ლექსი მან დედოფლისწყაროში პირველად საჯარო ლექციის დამსწრეთ წაუკითხა. ახლა კი მთელ კახეთსაც და საქართველოსაც ლიტერატურულ აღმანახ „ხორნაბუჯის“ საშუალებით, შეუძლია, დედოფლისწყაროში პირველად წაკითხული ლექსები გამოქვეყნებულიც იხილოს.



## ჯემალ მხრიშვილი

### მესიანურად თანამედროვე

წიგნიერი საზოგადოების დამცირებად მიმაჩნია, მიყოლებით ჩამოვთვალე საქართველოს ის სახელოვანი შემოქმედნი და გამორჩეული ერისკაცები, ვისი სახელობის კაბინეტებიც ამშვენებს საქართველოს პარლამენტის ილია ჭავჭავაძის სახელობის ეროვნულ ბიბლიოთეკას, ივანე ჯავახიშვილის სახელობის თბილისის სახელმწიფო უნივერსიტეტს, სხვა სასწავლებლებსა თუ კულტურულ-საგანმანათლებლო დაწესებულებებს.

როგორც ერთ-ერთ რიგით ქართველ მწერალს, ჩვენი საზოგადოების წინაშე განსასჯელად გამომაქვს ასეთი წინადადება: საქართველოს ეროვნულ ბიბლიოთეკაში –

სიყვარულისა და პატივისცემის ნიშნად ეროვნულ მეხსიერებასაც რომ უწოდებენ! – დაარსდეს V საუკუნის II ნახევარში მოღვაწე ქართველი მწერლის, იაკობ ცურტაველის კაბინეტი!

იაკობ ცურტაველის „შუშანიკის წამება“ არის არა პირველი ქართული მხატვრულ-ლიტერატურული ძეგლი, არამედ ჩვენამდე მოღწეული პირველი ქართული ნაწარმოები, სადაც ავტორის მწერლური ოსტატობა ამკარად მიგვანიშნებს, რომ შეუძლებელია მას ღირსეული წინამორბედები არ ჰყოლოდა!... „შუშანიკის წამება“ თარგმნილია ლათინურ, რუსულ, ფრანგულ, უნგრულ, ინგლისურ, გერმანულ და სხვა ენებზე...

„შუშანიკის წამების“ ავტორი, იაკობ ცურტაველი (ხუცესი) გვევლინება, როგორც ჭეშმარიტი მწერალი: ბუნებრივი თხრობა, მოქმედების ძალდაუტანებელი განვითარება, შეკრული კომპოზიცია, თანამიმდევრული სიუჟეტი, პერსონაჟთა სულიერი მიმოძრაობის ღრმა ანალიზი, მხატვრული დეტალების შეუმცდარი გააზრება, დახვეწილი სტილი, ტევადი ლექსიკა, მოქმედ პირთა მეტყველებაში ავტორის ჩაურევლობა და სანიშნო ესთეტიკურ-ლიტერატურული სახეები იაკობ ცურტაველს სიტყვის გამორჩეულ დიდოსტატთა გვერდით აყენებს!...

იაკობ ცურტაველმა თავის უკვდავ ქმნილებაში შთამომავლობას მისაბამ მაგალითად დაუსახა თავისი გმირის, შუშანიკის სულიერება: შუშანიკი დაგვიხატა მხნე, მტკიცე პიროვნებად, ქრისტიანობის დამცველ თავგადადებულ ქალად, რომელიც უშიშრად წინაღუდგა სამშობლოს მოღალატე მეუღლის პოლიტიკურ-სარწმუნოებრივ ზრახვებს, რითაც დაიცვა არა მხოლოდ თავისი ქალური ღირსება, არამედ სარწმუნოება და ქართლის ეროვნულ-სახელმწიფოებრივი დამოუკიდებლობა!...

თავდავიწყებული კითხულობ „შუშანიკის წამებას“ და სულ აღარ ცდილობ ცრემლის შემდარებას, ვინაიდან ხვდები – მაინც ვერაფერს გახდები!.. სტრიქონებს შორის გეჩვენება: ეს ნაწარმოები თხუთმეტი საუკუნის წინათ უმთავრესად თითქოს დღევანდელი საქართველოსთვის, ჩვენზე და თითოეული ჩვენგანისთვის იწერებოდა!...

დარწმუნებული ვარ, იაკობ ცურტაველის სახელობის კაბინეტის მიმთითებელი აკადემიური წარწერა და თვით კაბინეტის კედლები იქ მეცადინე ქართველს ბუნებრივად შეახსენებს ჩვენს ვინაობას, სამშობლოს წინაშე თავის უანგარო მოვალეობას და უფრო მეტი შემოქმედებითი შეძარბებით აღჭურავს!



ფრანგული ჰოეზია



ჟან ბატისტ რასინი (1639-1699)

„ესთერი“ (ნაწევრები პიესიდან)

\*\*\*

ზეცის განგებით იმ ადგილის ხილვა მეღირსა, დავანებულა სადაც მადლი ღვთიურ ნებისა... უბიწოება სულს ანათებს, როგორც ლამპარი, ქვეყნად გულია ერთგულების თავშესაფარი! აქ, მიწიერი საზრუნავი ველარა მზღუდავს, გმირთა სახენი გამოვქერწო კალამით უნდა... ხალხის გულიდან კეთილ საქმეს ჟამიც ვერ ძარცვავს, აღმოაცენებს სათნოება სიკეთის მარცვალს...

...

„ელიზ, ძვირფასო!... ეს შენა ხარ? გიპოვნე ისევ, ო, შენი ხილვის სიხარულით გულს ისე მივსებ, კურთხეულია სამგზის ეს დღე, წმინდის დობილო! ბენიაშინის ტომისაგან ჩემებრ შობილო...“ და ვინც ატარე ჩემნაირად მონობა უღლით, სულთქმით დაუძლიეთ სიონისთვის ბოროტთა შუღლი... ეს მოგონება ძვირფასია ახლაც, ვით მაშინ! შენ კი, ესთერი უარჰყავი ამ დიდებაში?

...

„ო, ნაპირებო იორდანისა! ზეცის სიყვარულს მუდამ ჩვეულო!

მთაო წმინდაო... და ხეობებო, სასწაულებით გამორჩეულო! მშობელო მხარევე წინაპრებისა, ტკბილ სამშობლოზე ვწუხვართ შვილები, ნუთუ ყოველთვის ასე ვიქნებით – ჩვენი ქვეყნიდან განდევნილები?...“



ვიქტორ ჰიუკო (1802-1882)

როდესაც მძინავს...

როდესაც მძინავს, მსურს შევიგრძნო შენი აურა, პეტრარქა ხშირად მოუხმობდა ასე ლაურას... ბაგეს შეახო თითქოს სიზმრად ტრფობა ამურმა და შენი სუნთქვის შემაფხიზლა ფრთხილმა ხმაურმა! ჩემს პირქუშ შუბლზე ბნელი ფიქრის ანაბეჭდები შემოიჭრება სულში, მაგრამ ნუ დაეჭვდები... როდესაც ღამეს შენი სახის ნათელი მოსდევს, ჩემს ოცნებებსაც ვარსკვლავითი გაასხივოსნებს! მწვავს ცხელი კონცა – მოფარფატე ცეცხლის ალივით, გულში სპეტაკი სიყვარული ღვთისაგან გვიძევს! სიზმრად მოსული ანგელოზი თურმე ქალია... ვეამბორები და შეხება გამომადვილებს!

შემოდგომა... (ნაწევრები)

განთიადს მოსწვდა სხივი, ბურუსი წვება ცაზე... ქრება ზაფხული... ცივი ცის ელავს სიაღმასე... ყვითელ ფოთოლთა ფარჩა სევდის ნისლებთან ფიქრობს, რომ მეგობრისგან დარჩა მიტოვებული თითქოს...



## ქარაღვინაძე ნერვალი (1808-1855)



### ლოქსემბურგის ხეივანი

ჩამოიარა ჩემს წინ, ქალმა ლამაზმა ემხით –  
ჩიტუნა, ტანად ლერწმის,  
ყვავილს არხედა ხელში...  
იქნებ ის იყო მართლა გულისწორად რომ ვნახე,  
ან მომვლენოდა სანთლად წყვილიადში მისი სახე...  
ტრფობა აღარ სჩანს არსად,  
თუმც ირგვლივ ვხედავ წყვილებს...  
იმ ქალიშვილის მსგავსად, გამექცა სიემაწვილე...

## ანრი-ფრედერიხ აბიელი (1821-1881)



### ღამე სანაპიროზე...

(ნაწყვეტი)

დაეშვა ბინდი ოკეანის სიმყუდროვეში  
და ვარსკვლავების მარგალიტი ცაზე ეღვარებს;  
ან სველ სილაზე, ჩუმ ტალღებში რატომ მოვეშვი,  
თუ ღამე ცრემლით შეეხება თვალებს მღელვარედ?  
სიცვიის კანკალს დაუსერავს სული, სხეული...  
ეუმზერ მდუმარედ გაწოლილა თავზე ცა მკვეთრი  
და ვით ტალღებზე მოთამაშე გემი ეული,  
ფერხტქემ მეცლება დედამიწა სასოწარმკვეთი!  
...  
ყოველ ჟამს მოაქვს ტანჯვა-წუხილი,  
დაღამებამდე მორჩი სადარდელს –  
ამოუცნობი დღეთა ქუხილით  
განსაცდელები გღევნის სადამდეც...  
სიკეთის მაღლი დროსაც გადასდე,  
იღვანე, ღღეს რაც ძალები შეგწევს,  
ხვალისთვის, ისევ ღმერთია შემწე!...

## ქან ამლუში (1906-1962)



### გამოთხოვება მშობლიურ მხარეს...

(ნაწყვეტი)

მშვიდობით ყველა მეგობარო, დავრჩი ამ შორეთს...  
და ვინც შემომჩნით, მანძილიც კი ვერ დაგვაშორებს!  
ვინაც მიყვარდა, ყველამ წასვლა რად დააპირა,  
ქვიშის ტალღების უდაბნოეთს შერჩნენ ნაპირად...  
როდესაც მხერა უსასრულო და უდარდელი  
გადაიქროლებს ცხელი ქვიშის მზისფერ დიუნებს,  
ღამის წყვილიადში ჩაკარგული დღენი რამდენი,  
მოგონებებით შეინახავს ცოცხალ დღიურებს...

*ფრანგულიდან თარგმანი პოეტური დუეტისა:  
ვაჟა ოთარაშვილი, ეკა კვანტალიანი*



### მარიანა კოჯიაშვილი

#### გულანთებული მამულიშვილი – თენგიზ არჩვაძე

2023 წლის 31 ოქტომბერს დიდუბის ეკლესიაში ზღვა ხალხმა მოიყარა თავი თეატრისა და კინოს ვარსკვლავის – თენგიზ არჩვაძის, უკანასკნელ გზაზე გასაცდლებლად. აქ იყვნენ მისი კოლეგები, მეგობრები, ნათესავები, მთავრობის წარმომადგენლები, მისი ნიჭის დამფასებელი მყურებლები, რომლებმაც ტაშით გააცილეს და დიდუბის პანთეონში გადაასვენეს; სამგლოვიარო ცერემონიალს უძღვებოდა რეჟისორი დიმიტრი ღვთისიაშვილი, რომელმაც ისაუბრა მის შემოქმედებაზე.

თენგიზ არჩვაძე 1954 წლიდან კოტე მარჯანიშვილის სახელობის სახელმწიფო თეატრის მსახიობი იყო, 1960

წლიდან იყო კინოსტუდია „ქართული ფილმის“ მსახიობი, 1967-1972 წლებში კი – რუსთაველის თეატრის მსახიობი. გადაღებულია ფილმებში: „კეთილი ადამიანები“, „ერთი ცის ქვეშ“, „ხევისბერი გოჩა“, „ხევსურული ბალადა“, „ვედრება“, „დიდოსტატის მარჯვენა“, „დათა თუთაშხია“, „შეხვედრა წარსულთან“, „შეხვედრა მთაში“, „მაღე გაზაფხული მოვა“ და სხვა.

მიღებული აქვს უამრავი ჯილდო, პრემიები და პრიზები: რუსთაველის პრემია, ბრწყინვალეების საპრეზიდენტო ორდენი, პრემია „საგურამო“, ღირსების ორდენი, არის საქართველოს დამსახურებული და სახალხო არტისტი, თბილისის საპატიო მოქალაქე. ყველაზე დიდ ჯილდოდ მას ხალხის სიყვარული მიაჩნდა.

საოცრად თავმდაბალი პიროვნება გახლდათ, მან არ ისურვა მარჯანიშვილის თეატრიდან გამოსვენება, ნუ შეაწუხებთ მათ, დიდუბის ეკლესიაში დამსვენეთ, როცა აღარ ვიქნები და იქვე დიდუბის პანთეონში დამკრძალებთ მეუღლის გვერდითო.

დიმიტრი ღვთისიაშვილმა თქვა: სულ ცოტა ხნის წინ სამუდამოდ დავეშვიდობეთ თემურ ჩხეიძეს, ხოლო დღეს თენგიზ არჩვაძეს ვემშვიდობებით, რომლებიც იმიერში უსათუოდ შეხვდებიან ერთმანეთს...

სიტყვით გამოვიდნენ ერეკლე საღლიანი, ნიკოლოზ წულუკიძე, დავით დვალისხილი, გია ჯაფარიძე და სხვები; მათ ისაუბრეს მის პიროვნულ თვისებებზე, უზალო შემოქმედებითი ნიჭის მრავალფეროვნებაზე. მარჯანიშვილის სახელმწიფო ეროვნული თეატრის მსახიობმა დავით დვალისხილმა აღნიშნა: თენგიზ არჩვაძის მიერ განსახიერებულ როლებში მკაფიოდ იგრძნობოდა უსახლვრო სიყვარული სამშობლოსადმი, თავად ამბობდა: „მთა ჩემი წარმოუდგენელი სიყვარულია, ზღვარი არა აქვს ამ სიყვარულს, უასაკო ვარ ცხენთან და მთასთან“. იგი იყო გულანთებული მამულიშვილი.

ქართული თეატრისა და კინოს ვარსკვლავი თენგიზ არჩვაძე ზღვა ყვაკილებში ჩაფლული თვალცრემლიანმა კოლეგებმა ხანგრძლივი ტაშის ფონზე დიდუბის პანთეონის მიწას მიაბარეს.

ცოტა ხსნის წინ, პოეტმა თემურ ჩალაბაშვილმა თავის უახლოეს მეგობარს თენგიზ არჩვაძეს ასეთი ლექსი მიუძღვნა:





საუკუნისკენ მიდიხარ,  
 მინდა გიხილო ასის,  
 თენგიზ ბატონო, დიდი ხარ,  
 მე ვიცი შენი ფასი...  
 აუძღვრეველი გონებით,  
 ყველა თვისებით კაცის,  
 დიდი აკაკის არ იყოს, –  
 „ხან მიწისა ხარ, ხან ცის“.

ლიტერატურული აღმანახის მკითხველს ვთავაზობთ საქართველოს პრემიერ-მინისტრის ირაკლი ღარიბაშვილის მიერ გამოთქმულ სამხმარის თენგიზ არჩვაძის ოჯახისა და ახლობლების მიმართ, რომელიც მეუღლესთან ერთად, ასევე, ესწრებოდა დიდი ხელოვანის დაკრძალვას:

„ღრმა მწუხარებას გამოვთქვამ გამოჩენილი ქართველი მსახიობის, ხელოვნების უბადლო ოსტატის თენგიზ არჩვაძის გარდაცვალების გამო.

თენგიზ არჩვაძე ქართული კინომატოგრაფიის ნამდვილი ვარსკვლავი იყო. იგი ხასიათდებოდა ღირსეული პიროვნული თვისებებით, რის გამოც მაყურებელი მას ყოველთვის დიდი სიყვარულითა და სითბოთი გაიხსენებს. თენგიზ არჩვაძე იმ პლეადის ერთ-ერთი გამორჩეული სახეა, რომელმაც უდიდესი კვალი დატოვა ქართულ კინომატოგრაფიაში. ვიზიარებ არჩვაძის ოჯახისა და ახლობლების მწუხარებას, თანაგრძნობას ვუცხადებ მთელ საქართველოს“.



## ნანა ჭიჭინაძე

### მედეა ამირანაშვილის ზოლო ზენეფისი თბილისის ოპერის თეატრში

2 დეკემბერს თბილისის ოპერის თეატრში ზ. ფალიაშვილის ოპერა „დაისის“ დაწყებამდე მაყურებელს აუწყეს, რომ ეს სპექტაკლი ეძღვნებოდა განუყოფელ სობრანოს, თბილისის ოპერის წამყვანი სოლისტის მედეა ამირანაშვილის ხსოვნას; ეს ისეთი მოულოდნელი იყო თითოეული ჩვენთაგანისთვის, რომ მთელმა ოპერაში მოსულმა მაყურებელმა წუთიერი დუმილით მიაგო პატივი მის ხსოვნას.

წამყვან პარტიებს მღეროდნენ: მარო – მედეას აღზრდილი მოსწავლე მარიკა მაჩიტაძე, მალხაზი – ბრწყინვალე

ტენორი არმაზ დარაშვილი, კიაზო – ვახტანგ ჯაშიაშვილი; 3 დეკემბერს მაროს პარტია იმღერა მარიანა ბერიძემ, მალხაზი – ალექსანდრე თიბილაშვილმა, კიაზო – მამუკა ლომიძემ, რომელმაც ვირტუოზული შესრულებით და არტისტიზმით მოხიბლა მაყურებელი; 8 დეკემბერს მაროს პარტია შეასრულა ნათია ბეჟაშვილმა, მალხაზი – ზურაბ იაშვილმა; ორივე მათგანისათვის ეს დებიუტი იყო; კიაზო იმღერა დედოფლისწვაროელებისათვის ცნობილმა ბარიტონმა გიორგი წამალაშვილმა, ამჟამად ის ოპერის სცენაზე ლომისელის გვარით გამოდის. შეუდარებელი იყო კიაზოს პარტია, მისმა მომხიბლავმა გარეგნობამ და ბრწყინვალე შესრულებამ დიდი ოვაცია გამოიწვია. 9 და 10 დეკემბერს სრული ანშლაგით გაიმართა სპექტაკლი „დაისი“, რომელსაც დირიჟორობდა სახელმწიფო და ზაქარია ფალიაშვილის პრემიის ლაურეატი დამდგმელი დირიჟორი რევაზ ტაკიძე. ხუთივე ოპერა „დაისი“ მედეა ამირანაშვილის ხსოვნას მიეძღვნა.

4 დეკემბერს მედეას პანაშვილი ქაშუეთის ეკლესიაში გაიმართა, ხოლო 5 დეკემბერს ქაშუეთის ეკლესიიდან ოპერის თეატრში გადმოსვენეს. სცენაზე დამონტაჟებულ დიდ ეკრანზე ერთმანეთს ენაცვლებოდნენ თბილისის ოპერისა და ბალეტის სცენაზე შესრულებული მთავარი პარტიები: მარო, ეთერი, მარიხი ( ზ. ფალიაშვილის „დაისი“, „აბესალომ და ეთერი“), ლეონორა, ვიოლეტა ( ვერდის „ტრუბადური“, ტრაგიატა“) და სხვა.

საპატიო ყარაულში ერთმანეთს ენაცვლებოდნენ: ზაზა აზმაიფარაშვილი, რევაზ ტაკიძე, პაატა ბურჭულაძე, გია გაგნიძე, ირაკლი მურჯიკელი, რამაზ ჩიკვილაძე და სხვა.

სამგლოვიარო ცერემონიაზე სიტყვით გამოვიდნენ: პაატა ბურჭულაძე, რევაზ ტაკიძე, ლიანა კალმახელიძე, თემურ გუგუშვილი, ელდერ გეწაძე და სხვები, რომლებმაც ერთხმად აღნიშნეს, რომ ერთ ოჯახში ოთხი ვოკალისტი: პეტრე ამირანაშვილი (მამა), ნადეჟდა ცომაია (დედა), მარინე ფარულავა (შვილი) და სამი სახალხო არტისტი იყო. ქალბატონი მედეა მრავალი ჯილდოს მფლობელი გახლდათ; მათ შორის 1971 წელს მამა-შვილს მიენიჭა ზ. ფალიაშვილის სახელობის პრემია. 1997 წელს კი ის ღირსების ორდენით დაჯილდოვდა.

2015 წლის 25 მარტს მედეა ამირანაშვილს საუკუნის ლეგენდის წოდება მიენიჭა; დაჯილდოვების ცერემონია

საქართველოს პარლამენტის ეროვნული ბიბლიოთეკის საგამოფენო დარბაზში გაიმართა. საკონცერტო პროგრამაში მედეას მოსწავლეები მონაწილეობდნენ. ვიდეო კოლაჟში ეს ფრაგმენტიც იყო ასახული.

მედეას მიერ შესრულებულმა არიებმა დიდი შთაბეჭდილება დატოვეს ზღვა მაყურებელში. მის ბოლო ბენეფისს ესწრებოდნენ კოლეგები, მთავრობის წარმომადგენლები, მისი ნიჭის დამფასებლები.

მედეა ამირანაშვილი დიდუბის პანთეონში დედის – ნაღველა ცომაიას, გვერდით დაიკრძალა. მის სახელს, რომლის ვარსკვლავი კიაფობს ოპერის თეატრის წინ, დაეწევა არ უწერია.

ქალბატონი მედეა არამარტო დიდი მომღერალი იყო, არამედ უაღრესად დიდი და კეთილი ადამიანი. ხშირად მკაპტიჟებოდა თავის სახლში. რესტავრირებული ოპერის გახსნაზე 2016 წლის იანვარში, პირველ დღეს და მომღვენო დღეებში „აბესალომ და ეთერის“ პრემიერაზე მომცა მოსაწვევე ბარათები. ყველა სპექტაკლს დავესწარი და ვრცელი წერილი დავწერე თბილისში გამომავალ ჟურნალ-გაზეთებში. პირველ დღეს მთავარ პარტიებს მღეროდნენ: თემურ გუგუშვილი (აბესალომი), თამარ ივერი (ეთერი), ლადო ათანელი (მურმანი). მთელი ღამე სიხარულით არ მეძინა მედეამ რომ დამირეკა და მითხრა შენი მოსაწვევე მე მაქვსო, მეორე დღეს კი მისი ვარსკვლავი გაიხსნა.

აქვე მინდა გავიხსენო ერთი შემთხვევა: დედოფლისწყაროელი, სოფელ სამრეკლოში მცხოვრები შალვა თეთვადის შვილს – თინაიკოს, რომელიც ამერიკიდან ჩამოვიდა უნლოდა ვერდის ოპერა „ტრაავიატაზე“ დასწრება, მაგრამ ყველა ბილეთი გაყიდული აღმოჩნდა. მაშინ ქალბატონმა მედეამ უყოყმანოდ მომიგვარა პრობლემა მამა-შვილის „ტრაავიატაზე“ დასწრებით თავის ლოჟაში.

მედეა ამირანაშვილის ბოლო ბენეფისი რევაზ ლაღ-



იდის ოპერა „ლეკას“ არიით დასრულდა და ხანგრძლივი აპლოდისმენტების ფონზე გამოასვენეს ლეგენდარული მომღერალი, მთელ რუსთაველის პროსპექტს ეფინებოდა რევაზ ლადიძის უკვდავი „ლეკას“ პანგები. ზეციურ სასუფეველში ვოკალისტების კოპორტა დახვდებოდა მედეა ამირანაშვილს, მათ შორის სულ ახლახან გარდაცვლილი მისი უახლოესი მეგობარი თენგიზ მუშკუდიანი.



### ნანა ჭიჭინაძე

#### გამოთხოვნა ვაჟა აზარაშვილითან

ელვის სისწრაფით მოედო საქართველოს ვაჟა აზარაშვილის გარდაცვალების ამბავი. 2024 წლის 7 თებერვალს 87 წლის ასაკში სასიქადულო მამულიშვილმა დატოვა წუთისოფელი და ზეციურ მარადიულ სასუფეველში გადაინაცვლა.

9 თებერვალს კონსერვატორიის მცირე დარბაზში გაიმართა ვაჟა აზარაშვილის სამოქალაქო პანაშვიდი: მთელი დღის განმავლობაში არ წყდებოდა ხალხის ნაკადი რათა პატივი მიეგოთ უსაყვარლესი კომპოზიტორის ხსოვნისთვის. საღამოს სამძიმარზე მოვიდნენ პრემიერ-მინისტრი ირაკლი კობახიძე, პარლამენტის თავმჯდომარე შალვა პაპუაშვილი და სხვები. სამგლოვიარო ცერემონიას უძღვებოდა კონსერვატორიის რექტორი



გიორგი შავერზაშვილი, რომელმაც ვრცლად ისაუბრა კონსერვატორიის პროფესორის, პედაგოგის და კომპოზიტორის შემოქმედებით მოღვაწეობაზე. სიტყვით გამოვიდნენ, კონსერვატორიის პროფესორები: ელდარ გეწაძე, თემურ გუგუშვილი, მაკა ვირსალაძე. დედოფლისწყაროს მწიგნობართა ასოციაციის თანათავმჯდომარე ნანა ჭიჭინაძე. ოპერის დირექტორის მოადგილე იმერი კავსაძე. ოპერის სოლისტი ლიანა კალმახელიძე, ღირსიერი რევაზ ტაკიძე. ხანგრძლივი აპლოდისმენტების ფონზე ვაჟა აზნარაშვილი გადაასვენეს ქაშუეთის ტაძარში და 10 თებერვალს დაკრძალეს მახათას მწერალთა და საზოგადო მოღვაწეთა პანთეონში.

მთავრობის წარმომადგენლებმა მწუხარება გამოთქვეს ვაჟა აზნარაშვილის გარდაცვალების გამო და აღნიშნეს:

ბიძინა ივანიშვილი – ქართული ოცნების საპატიო თავმჯდომარე: ვაჟა აზნარაშვილი, თავისი უკვდავი კომპოზიციების წყალობით ქართველი საზოგადოების არაერთმა თაობამ შეიყვარა და მას საპატიო ადგილი აქვს დამკვიდრებული ქართულ კულტურაში. სამძიმარს ვუცხადებ დიდი კომპოზიტორის ოჯახს, ახლობლებს, მეგობრებს, კოლეგებს და სრულიად კულტურის სფეროს ამ დანაკარგის გამო.

ირაკლი კობახიძე – პრემიერ-მინისტრი: ბატონმა ვაჟამ თავისი ჟანრობრივად მრავალფეროვანი შემოქმედებით წარუშლელი კვალი დატოვა ქართულ კულტურაში. სამძიმარს ვუცხადებ ვაჟა აზნარაშვილის ოჯახს, ახლობლებს, კოლეგებს და ქართველ საზოგადოებას.

ირაკლი ღარიბაშვილი – ქართული ოცნების თავმჯდომარე: ვაჟა აზნარაშვილის მრავალმხრივმა შემოქმედებამ, მაღალი პროფესიონალიზმითა და განუმეორებელი ხელწერით გამორჩეულმა სიმფონიურმა, საესტრადო თუ კამერულმა მუსიკამ მსმენელთა არაერთი თობის სიყვარული დაიმსახურა და განსხვავებული ადგილი დაიკავა ქართულ მუსიკალურ საგანძურში. გულწრფელად ვუსამძიმრებ ბატონ ვაჟას ოჯახის წევრებს, ახლობლებს, მთლიანად ქართველ საზოგადოებას.

კახა კალაძე – თბილისის მერი: საქართველოს და თბილისს, ქართულ სამუსიკო ხელოვნებას ცნობილი კომპოზიტორი, საქართველოს სახალხო არტისტი, ღირსების ორდენის კავალერი, საპატიო თბილისელი ვაჟა აზნარაშვილი გამოაკლდა. კაცი, რომელის შემოქმედებაში უდიდესი ადგილი უკავია თბილისის თემას, რასაც საყოველთაოდ აღიარებული, ყველასათვის საყვარელი სიმღერები მიუძღვნა, მისმა შემოქმედებამ დიდი ხანია უკვდავყო ვაჟა აზნარაშვილის სახელი, კვლავაც არაერთხელ გაჟღერდება საოცარი ჰანგები თბილისზე, ღინამოზე და ყველას ემახსოვრება ამ ჰანგების ავტორი ვაჟა აზნარაშვილი. ვიზიარებ ვაჟა აზნარაშვილის ოჯახის წევრების, მისი მეგობრების, მთელი საქართველოს მწუხარებას

კომენტარი ვთხოვე ცნობილ ადამიანებს:

თამაზ შილაკაძე – საქართველოს კულტურის ფონდის თავმჯდომარე: კიდევ ერთხელ გამორჩეულად საამაყო შვილი დაკარგა საქართველომ. გარდაიცვალა ყველასათვის საყვარელი პიროვნება, მუსიკოსი, კომპოზიტორი, პედაგოგი, ხელოვნების დამსახურებული მოღვაწე. მის რეკალიებს ბოლომდე ვერ ჩამოვთვლი, იგი იყო საქართველოს კულტურის ფონდის პრეზიდენტის წევრი. საქა-

რთველოს კულტური ფონდი ღრმა მწუხარებას გამოთქვამს ბატონი ვაჟას გარდაცვალების გამო, უსამძიმრებს ოჯახის წევრებს და სრულიად საქართველოს.

ბიძინა სონღულაშვილი – კახეთის ექსპერტორი: ბატონ ვაჟასთან პირადი ურთიერთობა მქონდა, როგორც სამსახურეობრივი, ასევე საზოგადოებრივი საქმიანობიდან გამომდინარე, იყალთოს აკადემიის ტრადიციულ ღონისძიებებზე ყოველთვის გვესწრებოდა, ასევე მეფე ერეკლეს საიუბილეო საღამოზე სპეციალური სტუმრის სტატუსით გვყავდა მოწვეული და თავისი დამსახურებით დიდ ხიბლს მატებდა ამ ღონისძიებებს. ქედს ვიხრი მისი სპეტაკი სულის წინაშე.

ჯემალ კუხალაშვილი – სახალხო მხატვარი, სახელმწიფო პრემიის ლაურეატი: ბატონი ვაჟა არამარტო უდიდესი ხელოვანი, არამედ გამორჩეული, უმეოთესი ადამიანი იყო. ის ხშირად სტუმრობდა ჩემს გამოფენებს, მისი გამოჩენა დარბაზში ნამდვილი დღესასწაული იყო დიდ მხარდაჭერასთან ერთად. მე ყოველთვის ვიამაყებ იმით, რომ ის ჩემი მეგობარი იყო.

არმაზ დარაშვილი – თბილისის ოპერის წამყვანი სოლისტი, ბრწყინვალე ტენორი: სამოქალაქო პანაშვიდზე კონსერვატორიის მცირე დარბაზში თვალს ვადევნებდი ვიდუოკოლაჟს, რომელსაც ფონად გასდევდა ვაჟა აზნარაშვილის უკვდავი მუსიკა. მისი შემოქმედება ჟანრობრივი მრავალფეროვნებით გამოირჩევა; სიმფონიური, კამერული-ინსტრუმენტული, მიუზიკლი და საესტრადო. მისი ნაწარმოებები არამარტო საქართველოში, არამედ ამერიკაში, იაპონიაში, გერმანიაში, საფრანგეთში, რუსეთში, პოლონეთში და კიდევ არაერთ ქვეყანაში ჟღერს. ღრმა მწუხარებას გამოვთქვამ ოპერის მომღერლების სახელით ბატონი ვაჟას გარდაცვალების გამო და ვუსამძიმრებ მისი ერთადერთი შვილის, ნათია აზნარაშვილის ოჯახს და სრულიად საქართველოს.

მაყვალა ასპანიძე – თბილისის ოპერის წამყვანი, ულამაზესი სოლისტი, სოპრანო: ხალხის უსაყვარლესი კომპოზიტორი იყო, თავად ვაჟას ყველაზე დიდ ჯილდოდ ხალხის სიყვარული მიაჩნდა. „ის აქ არის“... იგი თავისი მუსიკით ყოველთვის ჩვენთან იქნება.

ნანი საბანაძე – პოეტი, პუბლიცისტი: ვაჟა არამარტო დიდი კომპოზიტორი, არამედ პოეზიის დიდი მელომანი გახლდათ. მის მეუღლეს, მანანას, კარგად ვიცნობ. ორივე ხაშურიდან ვართ, ვაჟას არაერთი სიმღერა აქვს მეუღლის ლექსებზე დაწერილი. ბ-ნი ვაჟა თავის სეხნია – ვაჟას ლექსს „არწივი“ შთამბეჭდავად კითხულობდა. გულწრფელ სამძიმარს ვუცხადებ მანანა დანგაძის ოჯახს და სრულიად საქართველოს.

ნანი ბრეგვაძე: მაღლობა, ჩემო თანაკურსელო იმ მუსიკისთვის, რომელიც დაგვიტოვებ. მაღლობა იმ ურთიერთობისთვის, ერთად მუშაობისთვის, მაღლობა იმ სიმღერებისთვის, რომლებიც ჩემთვის დაწერე, რომელსაც მთელი საქართველო მღერის და დარწმუნებული ვარ ყოველთვის იმღერებს.

ნიკოლოზ რაჭველი – ღირსიერი: ბატონმა ვაჟამ უამრავი ძვირფასი, დაუვიწყარი საჩუქარი დაუტოვა ჩვენს სამშობლოს. ყველას მაღლიერებას ჩემი მოკრძალებული მაღლობაც მინდა შევმატო.

თამარიკო ჭოხონელიძე – მომღერალი: ვაჟა აზნარაშვი-



ლი არის ქართველი ხალხის საჩუქარი, საოცარი მეგობარი, კოლეგა, ხალასი იუმორით აღსავსე, ამას კიდევ უფრო მეტად მივხვდებით მისი არაჩვეულებრივი მუსიკის წყალობით.

თამარ მოძღვრიშვილი – საქართველოს მასშტაბით გამოვლენილი საუკუნის ლეგენდის ნომინანტი, რძის ქალაქის მენეჯერი: ძალიან სამწუხაროა, რომ ეს უდიდესი კომპოზიტორი ჩვენთან აღარ იქნება, მაგრამ ისეთი შემკვიდრება დაგვიტოვა, ის სულ ცოცხალი იქნება, რადგან მის სიმღერებს კიდევ ბევრი თაობა იმღერებს.

ინგა შიოლაშვილი – დედოფლისწყაროს მუნიციპალიტეტის გაზეთ „შირაქის“ მთავარი რედაქტორი: დედამიწაზე ყველაზე ნიჭიერი ერი ვართ, ვაჟა აზარაშვილის მუსიკამ დროს გაუძლო, თემურ ფალაგანდიშვილის ფილმში „მზე შემოდგომისა“ ჟღერს ვაჟა აზარაშვილის სენტიმენტალური ტანგო – არაჩვეულებრივი ნაწარმოები, რომელსაც ბადალი არ აქვს.

დოდო ხუნაშვილი – დედოფლისწყაროს კულტურის, სპორტის და ახალგაზრდობის ცენტრის დირექტორი: ვაჟა აზარაშვილი ცნობილი ქართველი კომპოზიტორების: დავით თორაძის, შალვა შშველიძის, ალექსანდრე შავერზაშვილის, ალექსი მაჭავარიანის, რევაზ ლალიძის, გოგი ცაბაძის, ოთარ თაქთაქიშვილის, სულხან ცინცაძის, შოთა მილორაგას, ბიძინა კვერნაძის, ჯანსუღ კახიძის, გია ყანჩელის და სხვების შემოქმედებით გზას აგრძელებდა. ამ კომპოზიტორების კოპორტას ზეციურ სასუფეველში ბატონი ვაჟაც შეუერთდა და დაგვიტოვა საოცარი მუსიკა ყველა ჟანრში. ყველას და მათ შორის პირადად მე განსაკუთრებით მიყვარს დინამოს პიმნი „დინამო! დინამო!“ და „სიმღერაა მთელი ჩემი ქონება“. დედოფლისწყაროს კულტურის, სპორტისა და ახალგაზრდობის ცენტრის სახელით, სამძიმარს ვუცხადებ მის ოჯახს, კოლეგებს და სრულიად საქართველოს.

თამილა ნადირაშვილი – დედოფლისწყაროს ხელოვნების სკოლის დამსახურებული პედაგოგი: ვაჟა

აზარაშვილის შემოქმედება ქართული მუსიკალური კულტურის ისტორიის შესანიშნავი ფურცელია. ბატონი ვაჟას შემოქმედებამ მნიშვნელოვანი წილი შეიტანა ქართული ეროვნული საკომპოზიტორო სკოლის განვითარებაში. მისი შემოქმედება ჟანრული მრავალფეროვნებით გამოირჩევა. ბატონი ვაჟას სახით საქართველომ დიდი კომპოზიტორი და პიროვნება დაკარგა. მახსენდება 2005 წლის 27 ივლისი, როდესაც ბატონმა ვაჟამ კონცერტი გამართა დედოფლისწყაროს მუსიკალურ სკოლაში. ამ პერიოდში მე ვხელმძღვანელობდი სკოლას. ეს იყო დაუვიწყარი საღამო, როგორც ჩემთვის, ისე დამსწრე საზოგადოებისთვის. მან თავისი კრებული მაჩუქა ავტოგრაფით, რომელიც ერთ-ერთი ძვირფასი საჩუქარია ჩემთვის.

ვაჟა აზარაშვილის მუსიკალური მარგალიტები: „სენტიმენტალური ტანგო“, „ნოსტალგია“, „დინამო!“ და მრავალი სხვა შედეგები სამუდამოდ დარჩება ქართველი ხალხის გულეში.

ია ხურცილავა – ხელოვნებათმცოდნე: ბატონი ვაჟა აზარაშვილის შემოქმედებამ, ყველა თაობის უსაზღვო სიყვარული მოიპოვა, ეროვნული სულისკვეთებით გაძლიერებულმა მუსიკამ, დიდ-პატარა გააერთიანა და ყველასათვის გასაგები გახდა მისი კომპოზიციური ჩანაფიქრი. ბატონი ვაჟასგან ნაჩუქარ შემოქმედებით ფილმს და სანოტო კრებულებს, სახსოვრად ვინახავ, რომელიც ჩემი მოკრძალებული „ოქროს ფონდის“ ძვირფასი ნაწილია, მას მომავალ თაობებს გავუზიარებ, უსაზღვროა ვაჟა აზარაშვილის გარდაცვალებით გამოწვეული მწუხარება, ვუსამძიმრებ სრულიად საქართველოს.

დალი ქურდაძე – ბორჯომის სახელოვნებო სკოლის ღვაწლმოსილი პედაგოგი: ბატონ ვაჟას ძალიან უყვარდა ბორჯომი და ბორჯომელები. იგი ბორჯომის საპატიო მოქალაქე იყო. წლების მანძილზე იბრძოდა ბორჯომის კომპოზიტორთა დასასვენებელი სახლის დასაბრუნებლად, რომელიც 90-იან წლებში წაართვეს კომპოზიტორთა კავშირს, მაგრამ არ დაუბრუნეს. დღეის მდგომარეობით დასასვენებელი სახლი გაძარცვულია, რის გამოც ბატონი ვაჟა გულდაწყვეტილი იყო. თითოეული ბორჯომელისთვის ბატონი ვაჟას სახელი უკვდავი იქნება.

ლიტერატურული აღმანახი „ხორნაბუჯის“ 2021 წლის მე-11 ნომერში დაბეჭდილია, ჩემი ვრცელი საიუბილეო წერილი – ვაჟა აზარაშვილის შესახებ. „ხორნაბუჯის“ ორი ვგზემძლარი ბატონ ვაჟას სახლში მივუტანე. ჩემს თვალწინ წაიკითხა და დასძინა, მაღლობას ვუხდი დედოფლისწყაროელებს ასეთი თბილი სიტყვებისთვის, მაღლობა, რედაქტორ-გამომცემელ ბატონ გიორგი ნატროშვილს, რომელიც ქართულ საქმეს აკეთებს.

დედოფლისწყაროს მწიგნობართა ასოციაციის რაიონის გამგეობის თავმჯდომარის ვანო ნატროშვილის სახელით ღრმა მწუხარებას გამოვთქვამთ, ჩვენი ასოციაციის საპატიო წევრის, მსოფლიოში აღიარებული ქართველი კომპოზიტორის, ვაჟა აზარაშვილის გარდაცვალების გამო და სამძიმარს ვუცხადებთ მის ოჯახის წევრებს: მეუღლეს მანანა დანგაძეს, შვილს ნათია აზარაშვილს, ახლობლებს, კოლეგებს და სრულიად საქართველოს.

ლიტერატურული აღმანახი „ხორნაბუჯი“ უერთდება ზემოთ გამოთქმულ საერთო გულისტკივილს, გენიალური კომპოზიტორის გარდაცვალებამ რომ გამოიწვია.

# ვაშლოვანის დასუფილი ტერიტორიები

ვაშლოვანის სახელმწიფო ნაკრძალი 1935 წელს დაარსდა. 2003 წელს გარემოს დაცვის გლობალური ფონდისა და მსოფლიო ბანკის ფინანსური დახმარებით, საქართველოს პარლამენტის მიერ მიღებული კანონით შეიქმნა ვაშლოვანის დაცული ტერიტორიების თანამედროვე სისტემა, რომლის ფართობია 35252 ჰექტარი. მისი შექმნის მიზანია ეროვნული და საერთაშორისო მნიშვნელობის გამორჩეული ეკოსისტემების და უნიკალური ბიომრავალფეროვნების დაცვა, ბუნებრივი პროცესების და გენეტიკური რესურსების ხელუხლებელ მდგომარეობაში შენარჩუნება.

ვაშლოვანის დაცული ტერიტორიების შემადგენლობაშია: **ვაშლოვანის ნაკრძალი, ვაშლოვანის ეროვნული პარკი, ალაზნის ჭალის ბუნების ძეგლი (კაკლის ყურე), არწივის ხეობის ბუნების ძეგლი, ტახტი-თუფას ბუნების ძეგლი (ტალახის ვულკანი).** ვაშლოვანის დაცული ტერიტორია პირველია საქართველოში, რომელსაც 2015 წლიდან დღემდე მინიჭებული აქვს ევროსაბჭოს ევროპული დიპლომი. 2017 წლიდან კი წარმოადგენს ზურმუხტის ქსელის ტერიტორიას, რომელიც ევროპის ბიომრავალფეროვნების შენარჩუნებას ემსახურება. 2022 წლიდან UNESCO-ს „ადამიანი და ბიოსფერო“-ს საერთაშორისო საკონსერვაციო საბჭოს გადაწყვეტილებით ვაშლოვანის დაცული ტერიტორიები შევიდა ბიოსფერული რეზერვატების საერთაშორისო ნუსხაში.

ვაშლოვანის დაცული ტერიტორიები მრავალი ცხოველის საბინადრო გარემოს წარმოადგენს. დაცულ ტერიტორიაზე ძუძუმწოვრების (62 სახეობა) დასახლების სიმჭიდროვე ერთ-ერთი ყველაზე მაღალია საქართველოში. განსაკუთრებით უნდა აღინიშნოს ამდენი დიდი მტაცებელის (დათვი, მგელი, აფთარი, ფოცხვერი, გარეული კატა, ლელიანის კატა, მელა, ტურა და ა.შ.) თანაცხოვრების უნიკალურობა. დაცულ ტერიტორიაზე გავრცელებულია საქართველოს „წითელი ნუსხის“ 35 სახეობის ცხოველი, მათგან ძუძუმწოვრების 10, ფრინველების 20 და რეპტილიების 4 სახეობაა. იშვიათი და გადაშენების პირას მყოფი ცხოველებიდან აღსანიშნავია: **ხმელთაშუაზღვის კუ, შიშველთვალა სცინკი, შავი ფარფატი, წითელი იხვი, სვაი, ფასკუნჯი-ყაჯირი, ბექობის არწივი, გველიჭამია არწივი, შავარდენი, სარსარაკი, სათვალაიანი ცხვირნალა და სხვა.** დაცული ტერიტორია აღმოსავლეთ საქართველოში **გარეული ღორის** ერთერთი ძირითადი ჰაბიტატიცაა. ვაშლოვანის დაცული ტერიტორიების მთავარი მდინარეა ალაზანი, მასში თევზის დაახლოებით 20 სახეობა ბინადრობს.

ვაშლოვანის დაცულ ტერიტორიებზე უსახელო, პანტი-

შარის და ტახისწყლის მასივები ბედლენდების კლასიკურ მაგალითს წარმოადგენს. ამ ხეობებში ბევრგანაა გამოშვებული **პალეონტოლოგიური ნამარხი ფლორა და ფაუნა.**

საქართველოში არსად გვაქვს მცენარეული ტიპების ასეთი მრავალფეროვნება: **ნახევრად უდაბნო, სტეპი, არიდული მენხერი ტყე, ფოთლოვანი ტყე.** გარდა ამისა აქ გვხვდება მდ.ალაზნის **ჭალის ტყეები, კლდის ქსეროფიტები, თიხნარის მცენარეულობა.** დაცულ ტერიტორიაზე აღწერილი 700-ზე მეტი მცენარის სახეობიდან 28 კავკასიის და 5 საქართველოს ენდემია. აქ ასევე წარმოდგენილია საქართველოს „წითელ ნუსხაში“ არსებული 13 სახეობის მერქნიანი მცენარე: **ქართული ნეკერჩხალი, თურანულა, კაკალი, ჭალის მუხა, საკმლის ხე (საღსადაჯი), სახოკიას ბერყენა, შავი ღვია, თუთი ღვია და სხვა.** დაცულ ტერიტორიაზე გვხვდება აღმოსავლეთ საქართველოში კულტივირებული ბევრი მცენარის გენეტიკური წინაპარი: **ვაზი, კაკალი, კოშში, მსხალი, თუთა, ხორბალი.**

ბუნების დაცვის მსოფლიო ფონდის (WWF) კავკასიის ოფისი, დაცული ტერიტორიების სააგენტო აზერბაიჯანის რესპუბლიკის გარემოს დაცვის შესაბამის უწყებებთან ერთად 2013 წლიდან ვაშლოვანის დაცულ ტერიტორიებზე ახორციელებს **ქურციკის** პოპულაციის აღდგენის პროექტს, პროექტის წარმატებულ მიმდინარეობაზე მეტყველებს ის ფაქტი, რომ აზერბაიჯანის რესპუბლიკის შირვანის ეროვნული პარკიდან ქურციკების შემოყვანიდან დღემდე აღვიღებულა ქურციკების შვიდი ახალი თაობა. ამჟამად სამუხის ველზე 500-მდე ქურციკის ნახვია შესაძლებელი.

მშრალი კლიმატის **ღვიათა და საკმლისხიან** (საშუალო ასაკი 300 წელი) ნათელ ტყეებს, რომლებიც კარგად არის შენარჩუნებული და ათასობით ჰექტარს მოიცავს, ევროპაში ანალოგი არ გააჩნია. ნათელი ტყის შემადგენელი საკმლის ხეები ერთმანეთისგან 15-20 მეტრის დაშორებით იზრდებიან. ამგვარი განლაგება და თვითონ საკმლის ხის ვარჯის ვაშლის ხესთან ბუნებრივი მსგავსება ხეხილის ბაღთან ასოციაციას იწვევს და გეოგრაფიული სახელიც „ვაშლოვანი“ სწორედ აქედან მოდის. საკმლის ხე საქართველოში ერთადერთი ფოთლოვანი ხეა რომელსაც საკმელი აქვს.

საქართველოში არ არსებობს სხვა მსგავსი ადგილი, სადაც ფრინველების ამგვარი მრავალფეროვნება შეინიშნებოდა. აქ გავრცელებულია ფრინველთა 135 სახეობა.

ჩვენი უნიკალური ბიომრავალფეროვნების დაცვისა და შენარჩუნებისთვის სასიცოცხლოდ მნიშვნელოვანია თითოეული თქვენთაგანის მხარდაჭერა და ჩართულობა. დატკბი უღამაზესი ფოტოებით და იამაყე იმ შერამებით, რომ ეს მრავალფეროვანი და მისტიური ვაშლოვანი საქართველოშია. ის შენია, მზადაა შენთან პარამიული თანაარსებობისათვის და ყოველთვის სიხარულით დაგელოდება.





ყანყანაი



თანთი-თეფა (თანახის ვუღანაი)



ქაითული ზამბახი



საქმონსინანი ნათილი ტყე



ქვიჩორი



უნახელონ ბანანახელი



მონის ყუჩი

